



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

III

Se

613

Est

.7

H65

R

68
HIPPOCRA

TIS LIBER

DE

SOMNIIS.

CVM

IVLII CAESARIS

SCADIGEDD

COMMEN-
TARIIS.

VIRTVTE DVCE,



CONITE FORTVNA.

LVGDVNI APVD SEB.
GRYPHIYM,

1539.

Longman

Soy de la Libreria
del Colegio
de la Concepcion
de Alcala.

I V L I I C A E S A :

R I S S C A L I G E R I P R A E F A
T I O I N L I B R V M H I P
P O C R A T I S D E
I N S O M N I I S .

A D

I O A N N E M A L E S M I V M R E G I V M
C O N S I L I A R I V M I N S V
P R E M O S E N A T V
B V R D E G A L A E .



REQVENTIVM, ac diuturnos
rum erga nos tum magnitudo, tum me-
moriam officiorum tuorum, Ioannes A-
lesmi, tantum potuit : ut non solum me
non ingratum ostenderet, sed etiam faceret audacem.
Neque enim debuit tantarum splendor uirtutum, quas
rum praesidijs muniremur, carere debitis laudibus, cuius
merita re compensari nequirent. Neque potuit tam
insignis animi tui uis quicquam efficere, quod uel modes-
tissimum quenque non excitaret. Quare cum propter
excellentem nostri seculi peruersitatem, quae iam om-
nia penè uetera studia aut subuerterat, aut etiam da-
mnauerat, collegissem me, mihi ut uiuerem : & suppu-
deret, si posteritas nunc uixisse resciret aliquando,

aut ab omnibus penè dissentientem, id quod esset fortunæ perditissimæ : aut frustra ambitiosum, quod erat animi infelicis : tu uirtute tua cùm imbuisti me ijs exemplis, quibus non poeniteret me extitisse : tum beneficijs affectum impulisti, ut aliquid sciperem, quod ab studijs tuis non abhorreret. Nam qui primas ciuilibus sapientiæ tibi partes comparasses, philosophiam, aliâque ueræ uitæ ornamenta non contempsisses, nomen nostrum dignitate tua illustrasses, opes autoritate auxisses : is mihi uisus es, cuius autoritati eadem opes, dignitati nomen, philosophiæ nostræ decora sapientiæ deberentur. Igitur cùm è secessu quodam mentis in hanc quasi rempublicam me deintegro retulissem, deponendum in sinu tuo metum illum existimaui, quem in philosophiæ luctu ualde sanè metueram : ne tanta in uiuendi licentia, ac potius libidinum dominatu, futurus essem superstes integriorum literarum. Nam cui placebimus Alesmi ? aut quis nobis fauebit istorum, quorum in manibus, atque utinam uerò in manibus, non etiam toto in pectore, solus aut Lucianus, aut Aristophanes est ? Non tam hercule propter orationem, cuius nitorem aut æmulari nesciant, aut nequeant imitari, quàm propter acerbicatem sententiarum : si modo sententiæ eæ, ac non

ac non uenena sint uocanda. Quorum igitur impietas
tem imitentur, eorum exitum non exhorrescere? Nis
mis securè uiuimus hodie, atque adeo otiosè, ne dicam
solutè, mi Alesmi. Hanc uocamus libertatem. Quæ
si ita est, malim equidem me quiduis esse belluæ, cui sa-
nè liceat sine criminis obiectione, quod nobis propter
hominis nomen saltem non licet, & facimus tamen.
Ac quanquàm nonnullis per ignauiam uitam trahere
uidebamus, propterea quòd procul ab Republica, &
partibus animum abduxeramus: nobiscum tamen era-
mus nos, nec soli, nec penitus non soli, ut sine contentio-
ne horum temporum seruitutem declinarem. Itaque
difficilima in re cùm uniuersam intelligentiæ meæ uim
excuterem: in periculosissima optimum quenque exis-
tum exoptarem: in perditissima, pessimum expectarem:
quod efficere nequibam, ut istis quicquam persuaderem,
omisi: quod nolebam pati, ut eis obsecundarem, inter-
uertì. Nam eorum inanitatem, qui nullam haberem or-
rationem, qua explerem, silentio præteribam: sed eo
silentio, quod apparatus esset ad sui ipsius aliquando
reddendum rationem. Etenim quæ tempora ad illorum
coniurationes, atque potentiam colendam ponere cæte-
ri cogerentur, ego clandestina opera ad philosophiam

transmittebam. Quid enim præterea facerem, cum ne-
mo interueniret huic meæ calamitati, quæ me in illud
quasi exilium quoddam abdidisset: cuius ego præsidio
ad hanc culpam sustinendam confirmarer? Atq; nunc
quoque de metu illo languerem, uel etiam iacerem, A-
lesmi, nisi uestrum aliquot autoritas subuenisset mihi.
Quorum consiliorum summa illa extitit: Cum tantope-
re sibi placeret illi, ut hæc nostra despiciatui haberent:
neutiquam fraudi futurum nobis, si inter tot, tantosq;
tractus ingeniorum mihi quoque aliquod famæ spatium
constituerem: ut non iam dissimulatione, sed apertis ius-
dicijs animi mei pristinum tenerem institutum. Erant
mihi tum plurima, ac præclarissima in manibus monu-
menta: ea protuli, ac produxi nomine meo. Ibi istis fris-
gere, ac torpere animus: hæerere uox: dissimulationem,
qua maxime cum ualent, tum regnant, non posse tegere.
Mutauit consilium: ijsdem eodem tempore, aliorum nos-
mine, quos nolo nunc appellare, ostendi nonnulla haud
paulo deteriora. Illi illico obstupescere: deierare, nihil
politius, aut absolutius excogitari potuisse. Sensi ho-
minum animos non nunc hoc primum sapere, ac niti, ut
æquales suos pro potioribus nolint agnoscere. Inter cæ-
tera, librū De insomnijs, Hippocratis Latinū factum,
atque

atque auctum commentarijs commonstravi. Rogant cuius sit operæ. Ego pro me tunc satis officiosè ubi plurimum essem mentitus, conieci eos in stultissimâ latitiam. Quam tandem ut agnoscant, mitto ad te, Alesmi, eum librum: non ut solent ij, qui aliquid dicant. quid enim tibi aut afferam, aut committam noui, quod tanto antea in te ipso non habeas perfectum? sed eum uti emendes, quâ opus est: uel totum, id si tuo iudicio meritis sit, atque ita ex mea dignitate uideatur. Nam cum fuit periculosum mihi, apud istos tractare alia studia, quàm quæ ipsi amplectuntur: tum penè interierit nomen nostrum, si hanc possint urgere occasionem labefactandi propositi mei. Atque illud quoque me profectò plurimum mouebat, Qui homines uerba uetera, Latina, proba, in religionem nostram, cui uni se suaquæ omnia deuouisse uideri uolunt, recepta aboleuerant, alia substituerant: quid his, quæ ipsi damnant, monumentis facturi sint, si quid extra suum Ciceronem deprehēdent? Verùm pro Cicerone quid egerimus: quæ odij, atque inuidentiæ tela passi simus: quos temeritatis impetus obstinatè exasperimus, fortissimè retardarimus, iam uulgo sciunt: pro me uerò etiam Cicero sentiat, si hæc, quæ sum locutus, loquatur ipse. Nequæ uerò mirum est: hæc foedissimi
otij

otij mancipia obtrectare uerborum laudi, qui res con-
temnunt ipsas. Sed tu, qui tam iudicij nobilitate, quam
morum integritate præditus non solum æquo animo au-
dis ab alijs, sed etiã libenti docere potes philosophiam:
et hæc scripta cum forensibus nostris comparabis, et
ueniam non modo dabis mihi, uerum etiam petes pro
uerbis ipsis. Quorum uerborum pudor quantus est, ut
in alienas sedes non inuadant: tanta est fortitudo, ut de
suis sese deijci non patiantur. Tibi sese dant: tibi
loquuntur: non ut doceare, sed ut alios do-
ceas hoc, Nos etiam ab istis con-
tentiosis disputatoribus
intelligi uoluisse,
ut docere-
mur.

I N D E X.

A

Aefar	pagina 83	Calor uitalis	16.43
Aether	52	Calui errores 1. 36. 41. 55. 62.	
Ἀγχινοια non est solertia	17	66.70.77.84.88.95	
Alica	81	Caput	83
Aluini	88	Cafeomazi	91
Amicitia	95	Cauffarum genera	53
Amor	95	Cœlo neqꝫ dextrum neqꝫ si-	
Amouere	25	niftrum	58
Anaximandri error	28	Cholera morbus	87
Anima, quo modo inter cor-		χόνδρ	81
ruptibilia & incorruptibi		χρηματισμός	7
lia	1. & 2	Ciceronis licentia	14
Anima nullū est elemētū	16	Ciceronis error	28
Anima an à corpore patiat̃	13	Ciuis	2. 19
Animæ sedes	13	Coloris ratio	34. 35
Animæ interfectores	14	Commune	8
Anima an moueatur	13	Conferuator	66
Ἀποπομπή	26	Concoctio	67
Ἀποβέωψ	25	Cratetis error	28
Ἀψίς	42	Cursus certamen	26
Aqua rerꝫ omniū elemētū	73	Cursuum genera	40
Aquæ generatio	74	Cyri mirificum confilium	85
Aquæ motus, tractus, fcatē		D	

brarum ratio	75	Dæmones	65
Arcticus polus non est cœli		Deus non mutatur cogno-	
suprema pars	59	scens mutabilia	9. & 10
Auerrois errores 9. 35. 57.		Diaulos	40
& 71		Dieta	82
Auerrere	25	Diaphanum	34
Auerruncare	25	Digestio	68
C		Dij	63. 64
Cæliaci	88	Diuinatio	7
Cæfar	83	Diuinum non errat	29
Calamus aromaticus	71	Dolichodromos	40

β Drusi

I N D E X.

Druſiani error	87	Hipp.non eſt loquutus con-	
Dyſcælij	88	ciſe, quoniam Ionice	60
Dyſſenteria	88	Híp.iudiciũ nō ſatis tutũ	50
	E	Híp.locutio nō ſatis tuta	49
Εὐπνίου	6	Hippo.male cōparat carnem	
Ephialtes	93	terræ	69
Epicuri uanitas	42	Hippo. negligentia duobus	
Εὐδία	25	locis	42
Εὐθυόνος	7	Híp.ſētētia penè ridicula	47
	F	Homeri ſapiētia ī ſtultitia	60
Figura an extra corpus	14	Hominis ſolius intereſt re-	
Finis	43	cto loqui	37
Formarum plena omnia	71	ὄραμα	7
Frigus etiam à ſideribus	31	Υπὸ	6
Furor	95	Υπὸ	5
	G		I
Galenus uir maximus	96	Ileos	88
Galenum inepte oppugnant		Intelligentia qũo moueat	55
ſup diebus iudiciarijs	30	Incorporea res an moueatur	
Galenus de anima nō bene	13	& quomodo	12
Galenus de motu miſto non		Incultus	52. 94
bene	37	Intellectibus abſtractis non	
Gens	8	eſt electio	58
Genus	8	Informatrix etiam in corpo-	
Generale	8	ribus perfectis	71
Grammaticorum ineptiæ	5	Infania	95
	H	Infomnium	5
Hera	66	Iouis cognomina	65
Heroës	65	Iſicia	90
Hipp.laus pluſq̃ humana	96	Iupiter promptuarius	66
Hippocratis pietas	20		L
Hipp.nō ſatis ſibi conſtat	92	Lapis in renibus nō eſt mor-	
Hipp.ſibi contradicit	67.92	bus	53
Hipp.etiã coelũ obſeruat	29	Leonícenus Scaligeri præce-	
Hipp.laxè loquutus	54	ptor	62
			Leoníc

I N D E X.

Druſiani error	87	Hipp.non eſt loquutus conſ	
Dyſcælij	88	ciſe, quoniam Ionice	60
Dyſenteria	88	Hip.iudiciũ nō ſatis tutũ	50
E		Hip.locutio nō ſatis tuta	49
Εὐπνιορ	6	Hippo.male cōparat carnem	
Ephialtes	93	terræ	69
Epícuri uanitas	42	Hippo. negligentia duobus	
Εὐδία	25	locis	42
Εὐθυόνδε	7	Hip.ſetētia penè ridicula	47
F		Homeri ſapiētia ī ſtultitia	60
Figura an extra corpus	14	Hominis ſolius intereſt reſ	
Finis	43	c̄eloqui	37
Formarum plena omnia	71	ὄραμα	7
Frigus etiam à ſideribus	31	Υπὲρ	6
Furor	95	Υπὸ	5
G		I	
Galenus uir maximus	96	Ileos	88
Galenum inepte oppugnant		Intelligentia qũo moueat	55
ſup diebus iudiciarijs	30	Incorporea reſ an moueatur	
Galenus de anima nō bene	13	& quomodo	12
Galenus de motu miſto non		Incultus	52. 94
bene	37	Intellectibus abſtractis non	
Gens	8	eſt electio	58
Genus	8	Informatrix etiam in corpo-	
Generale	8	ribus perfectis	71
Grammaticorum ineptiæ	5	Infania	95
H		Infomnium	5
Hera	66	Iouis cognomina	65
Heroës	65	Iſicia	90
Hipp.lauſ pluſq̃ humana	96	Iupiter promptuariuſ	66
Hippocratiſ pietas	20	L	
Hipp.nō ſatis ſibi conſtat	92	Lapiſ in renibus nō eſt mor	
Hipp.ſibi contradicit	67.92	buſ	53
Hipp.etiã cœlũ obſeruat	29	Leonice nuſ Scaligeri præce-	
Hipp.laxè loquutus	54	ptor	62
		Leonice	

bum <i>μητ' ἔγω</i> non intellexere	38	<i>Σωτῆρ</i>	66
Recentiores colligunt, non elígunt	2	Spirítus quid	3
Recentiores nesciunt assignare causam, quare somnia quídam nulla uident	4	Stella suo quæq; lucet lumine	31
Recentiorum errores super Plínij & Aristotel. somnijs infantium	4	Stolidis diuina somnia quare eueniant	9
S		Suidæ error	40
		Sympathía	14
Sanitas & uirtus quomodo conueniunt	23	T	
<i>Σωλόνειος</i>	6		
Sensio quid	3	Terræmotus causæ	76.77
Sensus agens nullus	34	<i>Θεός</i>	52
Seruator	66	Timæi error	28
Sidera an humido alantur	42	Típhus	88
Solini error	29	Tranquillum	61
Somni causa finalis	13	Typhus	88
Somnia à Deo mitti	9.10	V	
Somnia allegorica	8		
Somnia an portendant	9	Ventris inertía	83
Somnia physica	6	Vertiginem Scaliger quo cõ filio sustulit	45
Somnia quibus confusa	3.4	Vesta terræ anima	65
Somnia quibus nulla	4	Veterum error in præseruatíua	41
Somnia syncramatica	6	Vinum frigidum Galeni nobis ignotum	80
Somnia <i>θεοπνευστα</i>	10	Visio	7
Somnia theorematíca	8	Visionis refractæ ratio	36
Somniorum coniector primus	8	Voluulus	88
Somnium quomodo fiat	4.5	Vomitus an naturalis	37
Somnium quid	2	Vomitus definitio	37
Somnium unde	5	Vomitus quo tempore ciendus	77. & 78
Somnus an siccet	42	Vomitus ratio	27
		Z	
		Zea	81
		F I N I S.	

Hippocratis liber,

DE

SOMNIIS,



CVM IVLII CAESARIS



COMMENTARIIS.



VIVS LIBRI subiectum, homo est: finis, sanitas: ratio formalis, præservationis; modus præservationis, præcognitio valetudinis humanæ, quod prognosticon Græci vocant. Via & ratio indagandæ præcognitionis (quam methodon illi nominant) est à posteriori, scilicet per signa, quippe à somnijs: quare libri titulus is fuit, De somnijs. Per ea enim agnoscit Hippocrates humanam valetudinem, ut præservetur. Igitur non rectè fecit Caluus, qui cum additamento sic inscripsit, De languentium somnijs. Maxima enim libri pars ostendit imminentes, non factos morbos. Languor namque si indicatur adfuturus, nondum est. Ex his satis constat, librum hunc referri ad illam medicinæ contemplationem, quæ ob servanda corpora comparatur. Methodi rationem assignat ipse: Quoniam, inquit, anima soluta corporis functionibus per somnū, sibi ipsi restituta: hoc est, diuinis principijs, quibus est constituta, cohæret; trahitque inde similitudinem, quam per uisiones repræsentet, coniungens originem suam illam cœlestem ab ipsis mundi elementis cum fini suo: qui est, hominem informare. Est enim anima, media natura quædam, inter æter-

a

nas res,

nas res, & corruptibiles. Media uerò sic pote, neq; alio modo. ipsa quidem æterna est, at corruptibilibus coniuncta, duo extrema, quasi sequestra, suo complectens nexu. Si igitur soluta, non quidem corpore, sed corporis brutis officijs: puta ambulandi, sedendi, currendi: quasi in recessum quendam, ac potius portū ex his subducta tempestatibus, tota sibi sua est. Cognoscit quæ intus sunt, in corpore scilicet. Ibi cum quibusdam quasi coloribus, figurisq; ac quantitibus pingitur earum rerum, quas intus nata est. Quare his affectionibus satis opportunè statū corporis explicat. id quod Hippocrates ipse sibi, in tertio De ratione uictus assentiens repetit: Quibus, inquit, corpus afficitur: ea clausis oculis uidet animus; ac iam in eo est, ut ægrotet. Quod malum ex proximis percipitur indicijs. Quæ res cum à sapientibus perpenderetur: non solum ab hoc diuino uiro, Galenoq; atq; alijs compluribus tractata est ita, ut ad rem medicam accommodaretur: uerum etiam eo progressi sunt, ut diuinitatē quandam quoq; profiterentur. Quod ut amplius cognoscamus: quid sit somnium, quotq; eius genera, ac potius modi censeantur, intelligendum est.

Ac quanquam omisit Hippocrates definitionem: quid ipsum tamen esset, non omnino omisit: cum recipere, colligereq; dixit animam in seipsam. Nos autem è philosophia accipiamus. Aristoteles somnium non solum eorum, quæ intelligerentur, dixit esse representationem, sed etiam quæ sensu perciperentur: propterea quod in somnijs ita uersamur, quasi cum uidemus uigilantes, aut audimus, aut tangimus. Quæ euenire sanè non queant, nisi sensuum uis interior aliquid afferat momenti. Itaque refert omnia hæc ad communem sensum: cuius facultas intus communis una, secundum instrumenta ac potestates foris multiplicatur. Quod cum legerent recentiores, qui legendo ut omnia colligāt, quam iudicando ut eligāt, sunt attentiores, ut sensibus rectè attribuere, ita falso sustulere ab intellectu. At multa sunt opera intellectus in somnijs: ratiocinatio, disceptatio, consilium, de-
liberatio,

liberatio, etiam poeticae exercitationes non poenitenda. Tum hic Hippocrates ea proponit, quae ad intellectum pertineant: ueluti cum uult ab anima iniri rationem cursuum stellarum, atque alia talia. Ergo ex Aristotelis sententia intelligemus ab extremis officiis sensus quiescere: intus autem non ita: hoc autem uero in somno. nam est modus quidam somni imperfectus, ac quasi dimidiatus, cum aut ipsi loquimur, aut etiam rogati respondemus, surgimus, ambulamus. Cuius rei rationem reddit Aristoteles in quinto De generatione animalium. Somniorum autem rationem ad hunc modum constare assentietur, qui meminerit, animam esse totam, & in toto, & in quauis parte. Quare nihil impedimento est, quin & intelligat, & sentiat, aut quasi sentiat: ambulet, aut quasi ambulet. Animae namque ad multa officia, pro instrumentis, spiritus sunt: uoco spiritus, uulgi more, tenuiores sanguinis partes, quae alijs atque alijs delegatae locis, obeunt munus quaeque suum. Omitto nunc uehiculum illud coeleste, quod tanquam sedes quaedam animi ab Aristotele homini attributum est. Siue igitur uehiculo, siue instrumentis illis retracta in adytus suos, secum habet etiamnum motus pristinos eorundem, ambulandi, ridendi, potandi, pugnandi, quibus motibus ita, uti antea, afficiatur: tum argumenta praebet illorum experientis nobis: nec dubitabit, qui intelliget, ex uertigine uoluntaria, aut aliusmodi cum nosmet recipimus, quanquam sedemus: tamen adhuc uersari uideri nobis. Item a fluctuatione, quae in salo, aut flumine fit, tametsi in terra constituti, tamen existimes te uacillare. Sic rubras res ubi diutius intuemur, ad albas conuersi, eas putamus prioribus concolors. quandoquidem reliquias euentorum receptas in spiritus circumferimus adhuc. Sensio enim receptio, siue impressio est. Quamobrem uisa haec, siue audita, siue alia per speciem, cum in sensibus insedere, atque in memoriae thesauris sese induere, nocturnis appulsibus reddunt sese. Itaque & infantibus, quibus mens inconstans est, & ijs, qui satagunt multarum rerum, item temulentis, atque helluonibus, aut

nulla somnia, aut confusa referuntur: propterea quod sensu
 lium rerum imagines perplexæ inter se, haud aliter corrup-
 puntur, quàm cum citissimis uersationibus rota circūducta,
 ibi nobis radij nulli percipiuntur. Quemadmodum si mul-
 tos confundas sonos, nullus tibi præcipuus erit: ueluti is, qui
 plures lapillos in stagnum demittit, efficiet ut circuloꝝ or-
 bes anfractus illos suos inter se impeditos consulcent. Ha-
 bes etiam historiam. Herodotus in Melpomene scriptū re-
 liquit, in terra Africa populos esse, qui ad Atlantem incolāt,
 eos nulla somnia uidere. Quam partem Plinius quoniam la-
 xius est interpretatus, eius uerba ponam: *Λέγονται δὲ ὅτι*
ἐν τῇ Λιβύῃ οὐδὲν σπείρειν, ὅτι ἐνύπνια ὄραει. At Plinius uide-
 tur somnia concedere, sed enim à nostratibus quæ sint diuer-
 sa. Sic enim in quinto scribit: Neque insomniā uiſunt, qualia
 reliqui mortales. Idem in decimo cū scribit, aliquos nun-
 quam somniasse, ut addidit letiferum esse ijs, cū primum
 somnient, ita omisit nomina ponere. At ponit Plutarchus in
 commentario, quo uestigat rationem desitorum oraculoꝝ,
 Cleonem Dauiensē, idemq; credi solitum de Thrasymede
 Hereense. Caussam autē recentiores cū ascribunt corpo-
 ris temperaturam, sanè latam nimis ineunt uiam. Quid enim
 in nobis fit, quod à concretionē corporis non proficiſcatur?
 Sed ita accipiendum est, spiritum torpore, aut hebetudine fie-
 ri, aut tenuitate, aut lubricitate, ita ut species illico solu-
 untur. Exemplum addendum est: Si puer arrideat, statim ubi
 desistit, rugas diducit, uultus subsidet. si ætate prouectiore ri-
 deamus, etiam absoluto cachinno diutius ridibundus uultus
 perseverat. Sed & Plinius multis in locis quæ tollant inso-
 mnia, quæ ue leuent, ostendit: sicut cōtrā, tum ipse, tum Dio-
 scorides, quæ efficiant lymphatica, mala, grauiā, turbulenta.
 Sed idem recentiores bis falluntur super eadem re. Nam
 cū ex decimo libro Plinij uerba illa adducerent: Infantes
 statim somniant. Et ex septimo historiārum Aristotelis illa:
 Infantes somniare manifestū est, sed serò memores fiunt ima-
 ginum. primum, putarunt inter se eos esse contrarios; deinde
 frustra

frustra conati sunt concilare. Nam neq; inter se aduersantur: neq; isti rectè dissoluūt modū sic: si propriè loquamur, nō somniare infantes: si impropiè, somniare. At Aristoteles dicit, *δὴλον* esse *γνώωνιαζόμενα τὰ βεῖφυ*. Et Plinius addit, statim: tantum abest, ut sint cōtrarij. Sed duo aduerbia, Plinianū, statim: & Aristotelicum, serò: illud ad somnium, hoc ad memoriā refertur. Non potuit autem ab infantibus ipsis exploratum id habere Aristoteles: sed collegit argumētum à potiori: nam si pueri non meminere, tanto minus infantes. His de causis somniorum genera aliā aliq; describere: uerū omnes confuso homines iudicio: qui, quæ legissent, illico transcriberent: nihil apponerent de suo. Omīssa igitur Macrobij, aliorumq; negligentia, ac præterea ineptijs grāmaticorū, sic partiamur.

ὄνειρος Græca uox somnium significat, species illas scilicet, earumq; affectiones. Quam uocem prisca mortales à bene ominando fabricarunt. Ita enim dicebant, *ὄναος ἐρῶν*. Nam concisum fuit, *ὄναος*. Nostra uox simplicior, somnium: quasi quod somni esset proprium. Græca & ipsa, *ὕπνους*: unde *γνώπνιος*, quod & nos insomnium. Hæ appellationes uniuersum ambitum somniorum communi significatu amplectuntur. Vnde Aristoteles *εὐθυόνδεος* uocat eum, qui probioribus utitur somnijs: quoniam sunt etiam *σκολιόνεοι*, siue *δυσλειόνδεοι*. est igitur generis uox, quæ in boni, mali uel distrahi possit differentias. Neq; enim uerum est, quod aiunt, insomnium esse non nisi cum is, qui somniat, putat se uidere uera. Nam neque ratio nominis petit, ut huc coarctetur: neque aut Cicerō aut aliq; aliter sunt locuti.

Fit autem somnium, aut quo diximus modo, per eas species, quæ in animam receptæ sunt: aut per principia diuinitatis, eiusq; cœlestes cognationes. Ac primo quidem capite duobus fit modis. Aut enim *εὐθυόνεος* est, aut *σκολιόνδεος*. *εὐθυόνδεος*, cum species, uti sunt, ita sese offerunt. Fit autē hoc à tribus causis. Aliquando ex animæ affectionibus, cura, metu, odio, lætitia: ut quod quis exercuerit interdū, per quietem cum uidet. Interdum ex corporis affectibus, puta ebrie-

tate, inedia, pugna. Nonnunquam pro modo fortunarum, ab euentis; ueluti, diuitijs, paupertate, exilio. Huius generis est, cum dormire somniamus. Ipsa enim anima tunc in seipsam reflexa contemplatur corpus dormiens. Hoc totum genus *γνῦπνιον* Græci uocant: propterea quod ut in re fuisset, ita *γνῦπνιον* reponeretur. Quare hæc partim physica dicuntur: ea scilicet, quæ rerum naturam quasi euocant, atq; ei hærent; ueluti cum ignem suo motu atq; calore, terram suo statu atque frigore somniamus. Partim syncramatica, cum res naturales, non suapte natura, sed ex temperatura somniamus. Biliofus enim aquam calidam uidebit tangetq; in somnis. Hæc autem à recentioribus minus probè sunt explicata.

Σκολίων *δε* *Θ* autem euenit, ubi formæ prodeunt terrificæ. Quapropter sæpenumero contingit neque pleno somno, neque uera uigilia fieri. Nam cum intus agitatio est, quiescere uerè non permittit. Itaque contingit quod in tremore. Nam onus nimium cum tollis, uis nititur sursum, contrà premit pondus. ita tremor fit, ubi neque uera quies, neque simplex motus est. Tunc gemunt, loquuntur, respondēt ut diximus, stupidi consistunt. Hæc Græcorum nonnulli phantasmata appellare maluerunt, nihilo prudentius cogētes magni uocem significatus, in angustum: id quod etiā fecerant, cum *γνῦπνιον* ad certam speciem adigerent.

Alterum caput est, cum defecata anima, per seipsa agitatur, aut per agnationes: puta dæmonas, cæteraq; id genus, quæ à Plotino, Proclo, Iamblichio prodita sunt. Hoc uocant *ὑπνὸς* Græci: unde noster sopor: propterea quod corpus penè mortuum est, in anima totus homo constitutus, atque ipsa in sese reducta, recepta, collecta. Eius uocabuli originē & causam intelligamus: quoniam res uera sublit: *ὅτι τὸ ὄν ὄντως ὑπνέει*. Homerus in undeuicesimo *Vlyssæa*, *ὑπνὸς*, non *ὄναρ* esse dicit: non quod res ipsa uisa esset, sed quod uera portenderent rerum imagines. Nam aquilam *Vlyssi* comparat: anseres autem procis. Ita Cicero multa narrat in libro De diuinatione primo. & Socrates apud Platonē Critonī recitat somnium, quo

quo uerum præiudicet. alia præterea multa habeas non solum ex Valerio Maximo, sed etiam ab eodem M. Tullio in primo De natura deorum. Galenus quoque non nihil experientiae nocturnis per quietem præceptionibus sibi partum scribit. Et Aristides orator dicitur curatus somniorum indicatione. Iamblichus in libro De arcanis initijs, memoriae prodidit, ægrotos somniorum integumentis captare curationes consueuisse. Strabo, in octauo, aduersa affectos ualitudine in Epidaurici Aesculapii templo pernoctare solitos. Hoc genus etiam *ὄραμα* uocitarunt: quasi dicas, uisionem: perinde atque sensu ipso uerè percipias: nihilominus, quàm cum uigiles. Herodotus cum alibi, tum in Terpsichore appellat semel atque iterum, *ὄψιν ὅν ὑπνίς*, pro eo, quod ad hanc diuinitatem pertineret. alij autem *φάσμα*: quo nomine inscripta esset uetus Menandri fabula: & qua uoce utitur Thessalus Hippocratis filius in legatione, ad sensum eundem hunc: & Plutarchus in libro De Socratis dæmonio: ita pro numinum uisione in ea epistola, quæ circumfertur Hippocratis nomine ad Philopomenem. Quare etiam extra somnum usurparunt ueteres pro re uera. Inter quos Sophocles in Electra, Herodotus in Erato, & in Melpomene: atque etiam alibi pro uisu miraculi ponit. Hoc genus somni tripliciter accipitur. Aut enim præsentem ostendit rem: ut apud diuinum poëtam, Hector Aeneæ. Aut præteritā: ut Elisæ Sichæus. Aut futuram: ut Anchises Aeneæ: ea pars *χρηματισμός* à Græcis, à nostris diuinatio appellatur: sitque modis alijs multis. Aut enim per gryphos, siue enigmata: ut cum satyrum somniauit Alexander, interpretatus est, Tyro sese urbe potiturum: diuiso uerbo sic scilicet, *σά, τύρϑ*. Aut per rerum similitudinē: ut Polykrates tyrannus Samiorum: suspendio enim, somni persoluit fidem. Nugatores Magi hanc diuinitatem etiā per gemmas conciliari posse prodidere. unā appellant Eumetridem: alteram Hammonis cornu: ut omittam sinistrum chameleonis harmū. eum enim ridiculum citius, quàm admirabilem reddidit Democritus: qui eius ui prodiderit, posse quæ quibus

bus uelis somnia mittere : nedum tibi repræsentari. Hac ratione partim allegorica Græci uocarunt ; propterea quod aliorum agerent animum, quàm in re esset, atque ita interpretationis indigerent. partim theorematice : in quibus id, quod est, perspicimus. Ea somnia prædiuina appellat Plinius in libro tricesimo septimo. Quare allegorica referebāt ad coniectores : quorum artē instituisse primus dicitur Amphictyon : ut est apud Plinium in libro septimo Historiæ naturalis.

Fit autem oraculum, siue diuinitio, ob rem aut priuatam, aut publicam : ut cum somniat Hecuba facem parere, publico malo fuit illud. Plautini Dæmonis suum sibi priuatū extitit. Cæsar uisus est sibi per quietem matri suæ stuprum asferre : hoc cum priuatum fuit, tum publicum. Nam & eius interfuit dominatio, & publico detrimento inuasit : quod etiam somnium demonstrabat. Neque enim solum subiecit sibi terram, sed turpiter subiecit. Vtrunque autem adhuc diuidimus in alienum, & propriū. Possum enim & de meo priuatim, & de aliena republica somnium excipere. Verum ridiculè addunt aliam affectionem. Cum partiuntur in generale, apponunt exemplum, Solem, Lunamque si quis deficere somniat : ineptè sanè. Somniorum nanque differentias intelligimus, non ab somniata re, sed à fine sortiri nomen. Etenim si uni portendat, priuatum esse : si omnibus, publicum. Igitur à mundo somniato quare uocant generale, quod uni tantum destinari possit. At mundo uniuerso quid euenit unquam è somnijs nostris. Præterea neutro modo Lunæ Solis uel somnium appelles generale. Nam neque uniuersitas est Luna : neque ex ea quicquam præscribitur uniuersitati. Postremo generale minus est, quàm commune. Genus enim, siue gens, est in ciuili prudētia ambitus quidam certorum capitum, ab uno proficiscentium. Vnde apud philosophos id, quod species complectitur, ductum est. At multa sunt tam in philosophia, quàm in usu communi longè ampliora, quàm ut generis appellatione cōtineantur. Entis namque nomen latius funditur, quàm generis. Sub uoce quoque reipublicæ multa genera :

nera: sub nomine prouinciæ multæ gentes comprehenduntur. Sic cōmunis lux est, generalis non est. Communis mundus, non generalis. Sed more suo Grammatici plus laboris afferunt ob refellendum, quàm boni, quod ediscamus.

Hæc sunt genera, siue modi, differētiæ, affectiones somniorum: quorum significationes, atq; iudicia, quæ ad institutum nostrum pertinent, ob eas quas diximus rationes, non negat Aristoteles. Ait uerò exactissimum somniorum iudicem, indicemq; futurum, qui rerum calleat similitudines. At enim uero ex illis euentum ullum significari, portendī ue necessario: id sanè negat. Casu aliquando accidisse assentitur: uerum nihilo certius, quàm cum Venus, aut Canis in tessere iacitur. Videtur autem ipse sibi maximum afferre argumentum: Si à Deo sunt somnia diuinatoria: quare stolidis sapius eueniūt? Noluit meminisse uir ille diuinus, stolidorum animum cum ipso corpore minimam habere coniunctionē: itaq; eos nobis stolidos esse, hoc est foris: intus autem ipsos seorsum sapere. Nam si anima diuina est: ergo quo tempore sua erit, non corporis, diuinationem illam rudintegrabit. Plutarchus in libro De abolitis oraculis, uaticinia ex somniis fuisse ostēdit: reddiq; solitas responsiones à uatibus, ad Morsii oraculum: qui uates stratis pellibus hostiarum incubaret: id quod de Fauni sacrificio prodidit doctissimus Poëta. Auerroës uerò etiam ineptit. Negat diuinationem dari posse, nisi ab intellectu separato. Sanè addit, Eum non cognoscere materialia & indiuidua: circa quæ fit diuinatio. Esset enim, inquit, materialis. Quantum uerò errat ille, non semel. Etenim intellectus ille non cognoscit per phantasmata: sed seipse intuendo, uidet omnia. Quid: non ne ille motor est: ergo motum cognoscit: ergo & rem motam. At omne quod mouetur naturaliter, ex materia est. Item omnium rerum efficiens causa prima intellectus ille est. Igitur materiæ quoq; primæ autor erit. Quomodo fecerit, si non norit? Verum ille non mutatur, cognoscēdo mutationem: sed cognoscit se non mutari, quia est immutabilis: simul non mutatur, quia co-

gnoscit se non mutari. nihil enim est prius, aut posterius. Neque recipit cognitionem cognoscendo: esset enim intellectus imperfectus: sed ipsemet, sua, suiq; cognitio est. Ad hæc, uniuersalia in materia sunt. sunt enim unum in multis. Nam idearum fragmenta non admittimus. Ergo si cognoscit uniuersalia, materialia quoq; nota habebit. Dicit, Abstrahere, igitur id quoq; unde abstrahit, cognitum ei erit. Respondet, Cognoscere abstracta sine abstractione. sed non soluet. eorum nanque naturam si norit, nouerit esse in materia. Possitremò non negabit, omnia præter Deum modo quopiam composita esse: alia ex materia, & forma; alia ex genere, & differentia: quædam ex esse, & essentia. Ergo si hæc cognoscet, ipse quoq; talis erit. Quare Auerroës cogetur negare, Deū quicquam fecisse: quippe qui nihil intelligat. Hoc enim angebat hominem, intelligens, intellectum, intellectionē unum esse in intellectibus separatis. Itaque si separatus intellectus intelligit corruptibilia, ipse sit corruptibilis. Sed ille intellectus intelligit corruptibilia per seipsum, ut diximus, nō per illa. Sic quoq; intelligimus nos uacuum, per plenum: ficta, per uera. unde fit, ut animus noster, neque inanis, neq; fictus sit. Ita ille sese intelligendo, omnia facit: omnia mouet: omnia est, à se, non ab illis: quoniam illa ab se esse intelligit. Eius enim perfectio est, nequire sibi quicquam efficere aut idem, aut par, aut simile. Quare concludendum est: & à Deo posse somnia demitti: & ipsam animam repetita sua diuinitate, frui ea tantisper posse, dum à corporis uinculis libera agitarit. Quibus rationibus moti religionis nostræ primores, ipsiq; Platonici, à Deo esse, proficisciq; somnia posse profitentur. Inter quos Xenophon quoq; in Symposio sentit idem. inquit enim: *σημαίνεισί μοι πεμπόντες ἀγγέλους, φήμας, γνύπνια, καὶ οἰωνούς*. Et Herophilus *θεόπνουσιν* somnia appellare solitus est quædam.

Animaduertemus id, à Caluo bis hunc esse translātū Cōmentariū: quos, qui uolet, cōferet inter se. neq; enim operā perdet. Sed iam Hippocratem Latine loquentem audiamus.

A P O T E L E S M A

P R I M V M.

11



VAE per somnia coniici possunt, si quis nota habeat: magnum ad omnia sanè momentum ea conferre intelliget. Etenim anima, dum uigilat, atque corpori uires administrat, in multa dispersita loca, nequaquam uacat sibi: sed singulis corporis functionibus intentata est: quippe ipsis sensibus, auditui, uisui, tactui, ambulationi, actioni: omni denique cogitationi: ipsa pro se nihil agit. Cum uero quiescit corpus, illa mouetur: atque egrediens è corporis partibus, suo domicilio continetur: ibi omnibus illius fungitur officijs. Corpus enim somno captum nihil sentit, at ipsa uigilans cognoscit: uidenda uidet: audienda audit: uadit, tangit, moeretur: temporis momento ratiocinatur: ibique in somnis tum sua, tum corporis obit munera omnia. Si cui igitur recto hæc erunt comprehensa iudicio: ei magna sapientiae pars fuerit comparata.

C A E S A R.



TRACTATVRVS somnia, ostendit operæ necessitatem: dicitque, posse coniici. Argumentum est à possibili, item ab usu, & consuetudine & modo: cum dicit, coniici. Deinde utilitatem statuit: cum dicit, ad omnia. Magna enim est pollicitatio. Intelligit enim omne uitæ genus, tam ciuile, quam quod spectet ad medicandi facultatem, propter diuer-

b z fa, quæ

sa, quæ diximus, genera somniorū. Hæc est *πρότασις* proœ-
 mii: in qua proponit rem, qua de agitur, non sine captatione
 beneuolentiæ, docilitatis, atque attentionis. Quod autem ad
 iudicia spectat medicinæ, sibi ipse assentitur etiam in tertia
 sectione letalium contagiorum. Ab insomnijs nanque, mor-
 borum & iudicia sumi, & iudicia dari. Post hæc reddit ratio-
 nem propositorum. Anima, inquit, uigilanti inferuit corpo-
 ri: scilicet ad actiones. ergo ibi occupata hoc agit. at dormi-
 ente corpore sibi ipsa uacat. Sic Xenophon octauo Pædiæ:
 In somno, inquit, anima est proxima diuinitati: & futura
 multò antè præuidet: propterea quòd per id tempus potissi-
 mum libera est. Sic etiam Galenus: In somnis, inquit, ani-
 ma reducta ad corporis intima, libera atque otiosa ab exte-
 ris functionibus, seorsum & iudicat quæ corporis interfunt:
 & ea, quæ suapte natura expetit, quasi habeat præsentia, con-
 templatur. Vbi dixit, eam moueri: ueterum sententiam secu-
 tus est: inter quos Plato quoque fuit, ut legimus in Atlan-
 tico. Hoc libri quoque nostri sacri autumant. Aristoteles
 nequiuit apprehendere intellectu aliud moueri posse,
 quàm corpus. Anima enim nostra si est incorporea, extra
 magnitudinem est: ergo nullis præscripta finibus. Figura
 enim corporis extremitas est. Quæ inter alias rationes una
 ratio Themistio, Auerroicq; persuasit unicam in omnibus
 eandemq; animam ut existimarent. Cæterum nihil impedi-
 mento est, quin intelligamus, substantiam aliquam incorpo-
 ream finitam esse. Nam mentes illæ æternæ, quæ uersant cœ-
 lestes orbis, neque informant illos, neque ab illorum finibus
 finiuntur. essent enim materiales. Quare suapte natura fini-
 tæ sunt, non propter magnitudinem materialem: sed circun-
 scriptæ aliâ quapiam re, quæ res aliâ ab ipsis est. Omne au-
 tem finitum moueri potest. Mutare enim potest id, quod
 Græci uocant *πρῶτον*. quòd quanquàm in loco esse uerè dici
 nequeat, quia corpus non est: tamen in suo, ubi, est. Quem-
 admodum autem moueantur, & ad duodecimum diuinæ
 philosophiæ, & ad secundum sententiarum pertinet dispu-
 tare.

tare. Disceптаuimus enim ibi, falsum esse moueri rem incorpoream per momenta discreta. Sed hic de his satis. Vnum illud animaduertendum est, Animam, cum una sit, non retrahi à corporis extremis partibus; morerentur enim; à qua priuatione non datur recursus ad habitum. Sed spiritus instrumentarios huic & illi officio delegatos, retrahere sese ad principia intelligamus, tanquam ad pabulum, aut uexillum quoddam, ubi recreentur: propterea quod in continuo opere esse non possumus. Quæ est causa finalis somni, & apud Aristotelem, & apud Galenum in libro De continua resolutione.

Nota locutionem dubitabilem; Egressa, inquit, è corporis partibus, suo domicilio continetur. Falsum namque est, corpus destitui; aliudque ei tunc esse domicilium. Sed uoluit intelligere à reliquis eductam partibus, recipere sese in cerebrum & cor, quæ sunt sedes primariæ; sicut & sentit Galenus ex Timæo, animam in cerebro habitare, quanquam Hippocrates epar etiam ante cor creati putarit. Sed hoc in septem libris De semine genitali exactius à nobis & perpersum, & exploratum est.

Longè facilius poterit Galenus dicere, animam moueri; qui animam negauit sese, quid esset, scire; nisi, inquit, calor ipse naturalis sit. Idque non solum alijs multis in libris, sed in eo quoque, qui nondum Latinus factus est, quem inscripsit De formatione foetus. Nam qui dicit animam dolere, lætari; materiale animam intelligit. At ipse integrum super hoc condidit Commentarium; in quo declarat animam affici à corporis affectibus. Laxius quoque Platonici ipsi locuti sunt; inter quos Xenophon in Symposio licenter nimis dixit; *ἡ ψὴ τις ἔχει*. Hoc quoque loco Hippocrates animam morerere ait. Et in libro De modo uiscitandi, animas à foemellæ & à uiri seminibus simul commisceri, propter similitudinem, quæ in utrisque sit. Et in eodem libro turpiter nimis animam ex aëre & igni conflata esse. Si enim ita sit; pars ergo fuerit corporis, non pars compositi, alteri parti dans esse, scilicet corpori. Itaque tuto postea potuit errare errorem alterum multo

maiores, cum dixit, in furorem animam humanā agi. Ergo in libro De carnibus, cum scripsit animā de cœlo profectam; uidetur ignē & aquā de cœlo deducere. Nīmia quoq; translationis licētia usus est Cicerō in libro secundo Officiorum; ubi prodidit, a uoluptatibus magnas animi partes detorque-
ri. Nam & animam diuidit, & subiicit corruptioni. Quod enim afficitur, habet aditum ad interitum; est enim alteratio dispositio ad corruptionem. Sed partes posuit pro potestatibus; sicuti pro potentia, & factione, etiam partes dicimus.

Aristoteles autem in libro De indicijis, morum sumptis à corporis lineamentis, quæ Græci uocant physiognomica, ita sensit: Videtur, inquit, mihi anima & corpus mutuis affectibus inter se respōdere. Sic enim interpretor felicissimum uerbum Græcum, συμπάθει. Et subdit; Animæ quoque habitudo alterata, secum alterat etiam corporis figuram. Sic enim transero, συναλλοιοῖ. Tum sequitur, Contrā quoq; alterata corporis facies, animæ habitū secum alterat. Cum enim hoc quod est mœrere, atque lætari, animæ sit; manifestò uidentur ij, qui mœrent, tristiores esse; qui lætantur, hilari. Post hæc sequuntur uerba paulò corruptiora: sed sensus est, corpus & animam mutuis coniunctionibus inter sese consequi. Cuius rei addit argumentum, ut ipse uocat, manifestum: Furor enim, inquit, circa animam uidetur esse. Quo furore ita demum liberant medici animam ipsam, si & medicamentis, & certa uictus instituta ratione purgent corpus. Qua ex corporis curatione, simul corporis figura soluitur, simul animæ furor aboletur. Igitur si utrunque simul tollitur: planum est, mutua coniunctione cōiuncta esse. Hæc & alia talia eo libro ita scripsit Aristoteles, ut Alexandro alijsq; animarū intersectoribus gratum fecerit; præsertim si codicis errorē sequamur; ubi in recto sic scriptū fuerat: ἐπὶ δὲ ἐστὶ ψυχὴ τὸ ἀνθρώπου. Quasi anima sit mœror & lætitia: quod plus est, quàm si, ut nos legimus in secūdo casu, animæ, scribatur. Verum ipsum ita intellexisse constat, ut doceret, instrumētis læsis, non lædi animam, sed impediri. Manifestò enim deprehendimus, man-
cis pedib

cis pedibus deprauari ambulationē: officium ibi animæ tollitur, non uis: tanto minus substantia. Itaque à mancis & mutis, integri generantur. Atque hæc sanè de certis animæ potestatibus ita sint. At de furore cum scribit, quid sentiamus? Dicit enim animæ affectionem esse. Contraria namque eiusdem subiecti sunt. Furere & sapere sunt contraria. Sapere est cognoscere. Cognoscimus per animam, non per corpus. Hic respondeamus, Homo sapit per animam: furit autem per animam: quoniam per prauas species fit representatio. Itaque anima non fallitur. excipit enim quod offertur. Sed offeruntur uitiola. Quare sic sunt accipienda dicta Aristotelica: Corpus natura esse posterius. Est enim materia, quæ talis est, quia propter formam & per formam est. Itaque sequitur animam. Plato autem etiam tempore priores formas statuit, non solum natura. In Timæo namque animæ à Deo factæ, obducunt diu corpus ab seipsis detornatum. Vbi uir ille mirificus etiā ordinem potestatum designauit, Formam rem cœlestem à prima causa fabricari: Materiam, quæ futura esset illius serua, à causis secundis constitui. Sic igitur à priori tanquam à causa, intelligimus ab anima corpus dependere. Cum autem dicit animam à corpore: hoc fit à posteriori: sicut uis fabri à magnitudine mallei, aut paruitate. Accidit enim animæ hoc, ut eius imperium, ac uis à corporis prauitate impediatur. Quod autem sic acceperit diuinus ille uir, declarauimus & in defensione tertia M. Tullij Ciceronis, & in tertio De anima, & in libro De causis partium primo: in quo certas animæ partes, hoc est, potestates subtrahit ille à philosophi naturalis contemplatione: propterea quod neque materiæ mistæ sint, neque ad effectiones suas indigeant instrumento. Si enim materiales eas omnes agnouisset, etiam sub motu declarasset constitutas. In quarto autem diuinitus loquitur, corporis humani statum secutum fuisse ipsam animam: quæ quia cœlestis esset, plenaque natura ad intellectionem destinata: erectum iccirco fuisse, non prouum. Quare quod è Zamolxide Plato affert, tum bona, tum mala omnia in corpus ab anima proficisci:

cisci : atque iccirco præceptis sapientiæ medicandam illam, non est supinè accipiendum. Si enim anima ab seipsa praua esset, statim infans esset malus. Sed contrà ipsa instrumentorum, ac specierū prauitate, prauè cognoscit. Iccirco in secundo De causis partiū, & secundo De anima Aristoteles negat animam esse ullum elementum ; & quod ad hunc locum facit, eius sedem esse calorem naturalem ; à quo item excipiat species. Quid mirum igitur, si physiognomon ruffum dicat iracundum ; nunquid animam iracundam dicet ; atqui ruffa non est. ille autem iracundus, quoniam ruffus. Quare idem diuinus uir in tertio De generatione animalium, generosum animum in corporibus modicis esse prodidit ; ab eorum habitu animæ officia metitus, tanquam ab instrumentis naturæ opera institutis. Quod in eodem altius explicauit, ubi animæ calorem uitalem neque ignem esse affirmauit ; sed neque ab igni ; Quin etiam animæ humanæ cum corpore coniunctionem non statim fieri ; sed sequestro quasi nexu quodam cœlestis corporis certi ; cuius ratio ab his inferioribus longè sit aliena. Hæc non ab re huc attulimus, ut intelligeremus hoc apotelesma de animæ motionibus.

Intelligamus & illud : Quiescente corpore, anima uidet uisenda ; audit audienda. Molliendus enim uerborū sensus est. Neque enim aures habet anima. Nam si audire dicamus animam, eandem etiam filare dicemus ; sed excipere species tam ad auditus potentiam, quàm ad alias facultates comparatas. Cognoscit enim aut per species, ut albedinem, & nigrorem ; aut post speciem, ut ouem, postquam lac agnouerit, tãquam lacūs caussam. Atque hæc quidem tantisper, dum corpori obnoxia est. Nam cum amissis speciebus puritatē suam nata est, cœlesti cognitioni postlîminio restituta, tum uerò exercet diuinationem.

Dixit, tum sua, tum corporis munia obire omnia ; per sua, intelligit ratiocinationem, & somnia diuina.

Intelligit actionem, operam ; puta, fodere, scribere ; cuius effectio manet. Deinde alterū genus actionis, cuius effectio
non

non manet, intellexit per ambulationem.

Dixit, Memento temporis ratiocinari: intellexit ἀρχίνοια: quam qui solertiam interpretantur, à nobis alibi sunt reprehensi. Nam solers est qui artem totam callet: ἀρχίνοια autem, etiam rudis & sine arte qui sit, dici potest. Est solertia habitus perfectius animi ad rem quampiam: ἀρχίνοια est affectio uirium animi posita in celeritate.

In calce propositionis concludit, Non parum sapientiæ comparatum iri ei, qui somniorum calleat significationes. itaque demonstratio perfecta est. Qui animæ iudicia noscit, sapientiæ partem adipiscitur: qui somnia intelligit, iudicia illa noscit.

Nota nunc phrasin. Quoniam dixit animam seruire τῇ δυνάμει τοῦ σώματος: & postea appellauit ipsius animæ δυνάμιν. Non solum mutauit dialecton, sed etiam uocabuli uim: ut cogitatio corporis sit ab anima: & cogitatio animæ seorsum. Pro animæ facultate diuina in tertio De anima, & in primo De causis partium Aristoteles: & ipsam facultatem μέγῃ δυνάμει. quoniam δὲ τῷ νῷ operatur. De hoc latius in tertia oratione pro M. Tullio.

Caluus interpretatus est, αὐτὴ ἐωυτῆς ὁ γίνεσθαι, sui iuris non est, non male: propterea quod dixit ὑπερβόλαια. Verum anima sui iuris semper est: & administrat corpori uoluptates, quoniam ipsa uult: non ne animæ pars uoluntas est: Cum autem agit, uult agere. Decipitur autem specie falsa recti. Furens enim sibi consciscit mortem: quoniam eius animæ repræsentantur species in hac uita terribiles: quas putat non nisi morte aboleri posse. Itaque anima hoc uult: hoc agit. Ergo semper ius suum obtinet. Sicut iudex, cui orator eloquentia sua tenebras offuderit, malè iudicat: suo tamen iure utitur: ita anima semper sui iuris est: non tamen pro se semper agit, sed pro corpore: propterea quod hanc rem potior rem ducit. Vult enim corporis administra esse. Non igitur à corpore cogitur: sed decipitur. eius enim custos, ac tutrix est. Itaq; commodius ad officium, quam ad ius referetur.

ἐπεξέρπειλα, Caluus dixit, serpit: minus plene. Nam τὸ ὠδὸν, significat locum, in quem recipit se: τὸ ἐξ, loca unde retrahitur. Sed non est superuacaneum notare tempus. Neque enim dicit ἐπεξέρπειλα: id est, egressa: ut indicaret corporis partes non esse uacuas anima. adhuc enim motus dicit continuationem.

Διακινῶ, efficaci uerbo usus est. Nam præpositio ἀξ, auditionem perfectam, & finis compotem, atque etiam puram significat, per quam induat sese intellectus ad finem usque.

Quod alij, γὰρ ἀκέρει, ipse dixit, γὰρ ὀλίγω: Caluus interpretatus est, tempore modico: rectè. at cum addidit, loco: an rectè nescio. Intellectionem, temporis indiuiduo momento fieri, in libris De anima declarauimus: sicut & aëris illustrationem: At ratiocinationem, quam declarat hîc per uerbum, γὰρ θυμῷ, in temporis momento diuisibili.

Non rectè in Græcis exemplaribus pars hæc cum duobus sequentibus apotelesmatis, auulsa erat ab reliquo commentario.

A P O T E L. S E C V N D V M.

Igitur quæ somnia diuinitus publicè priuatimue euentum aliquod siue malum, siue bonum insontibus portendunt: sunt qui exacto iudicio artem calleant, ijs interpretandis.

C A E S A R.

P O S T communem rei, qua de agitur, professionem: particularem aggreditur: facitque diuisionem, in somnia diuina, & naturalia. Reijcit diuinorum interpretationem ad alias artes: alteram partem sibi hîc reseruat: aitque somnia quædam fieri diuinitus: eaque interdum publico euentu: aliquando priuato contingere, procurarique per certos homines gnaros rerum futurarum.

Dixit, ἢ πόλεις, ἢ ἰδιώται λαῶ: urbibus aut populo priuato. Comprehendit per urbes, publicum: per populum, priuatum.

uatum. Nisi enim addidisset *ἰδιώτης*, idem dixisset his. at ea additione intellexit, quod alij dicunt *ἅπ' τυχόντι*; id est, uni cuiquam è populo. Nam quod interpretati sunt, aut ciuitatibus, aut populo priuato cuiquam; quonam modo intelligunt, populum priuatum? Nam publicum à populo dicitur, quod populi est, non unius. Contrà priuum unius est: tractum à familia Ereiscunda: cum res in partes secarent. Hoc enim est, *πρίην*: ut quod esset commune trium fratrum integrum, cederet per trientes suum cuique. At populus ab ciuitate nihil differt. Est enim populus ductum nomen *πῶς τὰς πόλεις*. At *πόλις* ciuitas est, communis locus, in quo *πολλοὶ πολλοί*. Populus autem ciues ipsi, qui è uicis multis in unam sedem iure sociatam conuenere. Vnde ciuium nomen *πῶς τὸ κίβη*.

Est & alius locus incommodior: cum dicit, *ἢ κακὰ, ἢ ἀγαθὰ, μὴ δὲ αὐτῶν ἀμαρτίην*. Caluus ita, quæ ferme nunquam errant. retulit *ἀμαρτίην* ad somnia, & addidit aduerbium, ferme. malè. neque enim quod diuinitus est, errat. Caterum Hippocrates non dixit, *μὴ δὲ ἐκείνων ἀμαρτίην*: ut referatur ad, *ὁρίσας*: sed *δὲ αὐτῶν*: ut referatur ad *πόλιν, & λαόν*. Quare sic intelligimus: aut mala portendi, propter eorum flagitia: aut bona propter eorum innocentiam. Quæ ratione auctoris quoque pietatem compertam habebimus.

A P O T E L. T E R T I V M.

Quæ uero corporis affectiones ab anima præmonstrantur: siue quod repletum sit, siue quod inanimatum: aut aliquam cognatarum partium redundare: aut eorum, quibus assueuerit, quippiam mutatum iri: has quoque affectiones iudicant: sed ita, partim ut assequantur, partim aberrant. Verum utriusque rei causam ignorant, & quare deprehenderint, & quare falsi

sint: quamobrem obnunciant, cauendum esse, nequid detrimenti capiatur. Cæterum quibus sit uitandum consilijs, cum nihil doceant: Dijs immortalibus uota iubent nuncupari. Id quod tametsi & ritè fit, & in primis est conducibile: oportet tamen Dijs inuocatis, nos quoque operæ aliquid in medium afferre: quæ ad hunc sanè modum præscribi possit.

C A E S A R.

N V N C proponit alterum somniorum genus: quod ex corporis affectionibus repræsentatum, accipitur pro indicio ualitudinis utriusque. Et quoniam somniorum coniectores omnia, lucri aut gloriæ caussa, ad suas artes diuinandi referbant; ostendit Hippocrates in hoc genere somniorum non solum falli solitos: sed etiam ignorare causam, quamobrem decipiantur: itaq; ad communem aram confugere consueisse: ad uota scilicet: transferreq; hominum spes, atque expectationem, ad deorum potestatem. Hoc institutum si damnaret Hippocrates, is & contra receptam consuetudinem, & contra pietatem faceret: sin probaret, ars, quam hic proficitur, superuacanea haberetur. Vtrunque igitur obseruauit: ut & ritè uota dicat nuncupari, & aliquid operæ nihilo secius nauandum illorum auxilio. Ostendit igitur operæ necessitatem, cum dicit, coniectores falli, qui omnia ad Deos referant. Ipse uero quàm piè senserit de Deo, declarauit per initia libri, qui De muliebri natura inscribitur, ubi rerum omnium humanarum causam ad Deum referendam monet. Et in libro De moderatione, ait, A' medicis uniuersa Deo attribuenda: quoniam, ut in primo De uictus ratione, Dei solius recta opera sint. Quod autem Deorum potestati ægritudines sint attributæ: scribit etiam in libro De uirginum morbis: & in libro De morbo sacro: quo in loco expiatores insectatur: qui non supplicationibus, sed uanis superstitionibus

bus medicari aggrediuntur.

Dixit, Cum corpus repletum sit, aut inanitum; à cibis scilicet, nondum conuersis, aut cōuersis : cum addit, redundantiā cognatarum rerum; id est, excessum principiorum, quibus est corpus cōstitutum : puta sanguinis, aut aliarum partium. Ita definiuit medicinam, ablationem, & additionem. Quæ definitio an rectè data sit, in decimo historiæ animalium, declaratum à nobis est. Adiunxit etiam, cōsuetudinū mutationem; ut alias quoque res, quas nō naturales falso uocant, comprehendat, exercitium, coitum, somnum, aërem.

Mendose legebatur ἀνθρώπων. Caluus recte, συνθεῶν, solitarum mutatio rerum. Nam rerum, quibus non assueuimus, mutatio, ad nos minus adeo pertinet. Respondet hæc sententia illi aphorismo, in quo ab rebus, quibus assueuimus, lædimur minus, tametsi pro portione molestiores sint. Et alteri, in quo discimus, ægrotantes cibis etiam incommodioribus, minus affligi, si respondeant palato : quàm iuuari ijs, qui detius sapiant.

A P O T E L. Q V A R T V M.

Diurnas actiones si in noctem transmittat cogitatio : reddatque in somnis ea, quæ interdum honesto in negotio, aut opera, aut consilio patrata sunt: id homini bonum est. sanitatem enim significat: propterea quod anima diurnis in consilijs perstat, neque repletionem, neque inanitate uicta, alia uere quapiam, quæ extrinsecus euenire solet.

C A E S A R.

HÆC est secunda Commentarii pars, & initium totius contemplationis. Demittit enim sese ad somniorum species particulares. Habet uero contemplatio hæc permulta capita. Nam & à corporum habitudine accipit signa : & ab rebus

cœlestibus notat argumenta: item indicia ab elemētis, à partibus corporis, à spectris uita functorum, à consuetudinibus, tam motus, quàm cibi potusq̃: præterea ab euentis, ut prælio, natatu, cursu, atq̃ eiusmodi.

Hic autem eam prosequitur partem, quæ repræsentat in somnis diurnas actiones. Significat enim concordiam animi ac corporis, corpusq̃ constare sibi: Vires namq̃ naturæ ualidas esse, quæ eodem officiorum tenore continuentur. Hanc quoque sententiam fouet Aristoteles, ait enim, diurnas effectiones præire nocturnam intelllectionē. Hoc genus somni non est ignoratū doctissimo uiro M. Tullio Ciceroni. Qui cum fecisset Cornelium Scipionē somniantē præclara quædam de re public. eas demum obiecit species per quietem, de quibus pridianum sermonem habere instituisse. Galenus etiam non solum ex corporis operibus, sed subtilius quoque ex animi affectionibus, quæ interdum cōtigerint, somniorum eundem modum euenire: puta, si, è prælio postquam redieris, ubi quiescas, per somnum manus conseras: animū id forte significat, ualitudinemq̃ constantem. Rerum autem similitudinem cum ipsarum nocturnis imaginibus notauit idem, cum dixit, præter corporis habitudinem, accidere somniorum tractus tales, quales sint peregrinæ corporum affectiones: uelutī cum niuem somniat biliosus febrī correptus quotidiana. Caussam namq̃ morbi indicat, non temperamēti. Cum in accessione tertianæ idem somniat: neque morbum, neque caussam, neque adeo temperamentum signat, sed materię motum, ac punctionem in rigore. Ita aliquando cibum, aliās regionē, interdum tempus, aut aliud quippiam in causa esse intelligimus. Quæ etsi diurnis cōuenient actionibus: tamen corpus male habere dicendum est. In corpore enim ægroto aliter somniare, quàm diurnæ sint actiones, bonū est. Mutatio namq̃ portenditur, dummodo in melius.

Verum ipse Hippocrates, ut docuimus, maxima ex parte prosequitur curam præseruantem. Itaq̃ dixit signatē, bono in negotio. Tangit enim animi uersionem. deinde dicit,
aut

aut opera; tangit effectiones, in quas exit animi uis. postea dixit, consilio; tangit deliberationem. Triā enim sunt, deliberatio, opera, finis. Dixit, bono in negotio. Prauo namq; in negotio si uersaretur, morbum significaret; quippe malorum humorum imminētem motum. Habet enim proportionem uirtus cū sanitate. Nam illa est animi, sanitas corporis quædam mediocritas. Itaque sanitas, & uirtus in medio, una est; extrema uero ægritudines, & uitia, multa. Rectū enim unū, obliqua multa. Ab illo medio, siue mediocritate abscedunt corpora, atque in morbos cadunt. Ad id mediū, mediocritatemq; ars ea, quæ corpora reducit, inde nomen adepta est sibi, ut à modo, ac medio medicina diceretur.

Reddit rationem propositionis, cum dixit, sanitatē significat. Deinde rationis rationē, ubi addit, animum in diurnis perstare consilijs. Tertio loco huius quoque rationem rationis; quoniam scilicet, neque excessu, neque defectu agitatur; intelligit causas interiores, quas antecedentes uocant. Postremo addit ea, quæ extrinsecus affligunt; intelligit causas procatacticas: puta, solis calorem, gelu noctis, item alia; quæ ueteres cum negarent esse morborum causas, haud multum distabant ab eorum ineptijs, qui ut astrologiam destruant, etiam mare negant Lunæ motus sequi.

Dixit, eodem modo repræsentari; ut naturæ constantiam significet. Nam modus, est qualitas, quantitas uel eiisdē substantiæ. Potest enim quispiā diurno exerceri sacrificio. Hoc idem si somniet, uariare modum potest; ut pro uero Deo nostro, si recipiat obsoletum cultum ueterum monstrorum. Eadem actionis erit species, modus autem alius.

APOTEL. QUINTVM.

At cum diurnis functionibus somnia aduersantur ita, ut inter ipsa non conueniat: indicatur corporis perturbatio. Itaque ex forti forte malum portenditur, ex debili imbecillum.

Cæsar.

CAESAR.

N V N C ex contrario euentu contrarium ponit significatum. Neque adducit rationem: quoniam contraria ratione fulciuntur. Addit etiam quasi gradus quosdam: ualidum scilicet, & imbecillum. Quo loco optimè intelligimus, rectum unum esse: obliquum autem, ut dicebamus, multa. Rectum namque medium est. at medium unum. sic centrum unum. Circunferentia multitudinis obtinet naturam: quare sibi rectum semper constat. Obliqua tamen si recto contraria sunt: tamen ipsa inter se quoque sunt aduersa. Itaque in bono somnio unam posuit propositionem: in malo posuit multas, cum uariauit apotelesma per forte & imbecillum. In bono non uariauit: sed praescripsit bonitatem, atque simplicitatem, cum dixit eodem modo representari. Hæc scribimus exercendæ scientiæ gratia. Nam bonum quoque gradus modosque habet, sed ipsi sibi constant: malorum species etiam inter se, ut diximus, sunt contrariæ. Igitur anima regit corpus interdum in re iusta: consulit officiis, & frugalitati. Si idem non somniat, sed ad rem attentior auaritiam exercet per quietem: ibi malis succis affici corpus, argumento est: propterea quod diuersæ species opponuntur.

A P O T E L. S E X T V M.

Vtrum uero res hæ sint auerruncandæ, nec ne, non est nunc consilium indicare: sed hominis corpus curandum esse statuo. Cum enim corpus plenius est: quod superfluum est, animæ negotium faceßit. Igitur id quod aduersatur, si ualidius sit, & uomitus confert, & leuior ciborum usus, ad diem quintam usque: tum deambulatio post cibum frequens, atque concitator: moderataque præterea exercitationes.

Cæsar.

Hic est, ut dicebamus, auctoris finis, ut imminentis morbi præmonstraret curam, sumpta indicatione à signo, quod è somnio portenditur. Antequam autem ad curam uenit, obseruat præcepta philosophorū : quæ docuit Aristoteles in primo Posteriorū. Neq; enim solum scire debemus, quæ recta sunt, ut recipiamus; sed etiam quæ sunt praua, ut reijciamus. Itaq; cum dixisset, à coniectioribus uota concipi ad auertendam deorum iram, quæ somnijs portenderetur : ipse hic negat sibi curæ esse, auerti debeant, nec ne; sed pro operis instituto ait, corpus curandum esse. Quibus uerbis totius ostendit operis & propositum, & finem. Deinde reddit rationem, quæ in corpore redundant, ijs animā obturbari; nihilo scilicet minus, q̃ cum gubernatorē male habet uis maior uenti. Tertio loco ponit curam, qua detrahatur plenitudo; idq; tribus modis. Primus est, uomitus. educit enim id, qd' iam est, ab circūferentiā ad centrū. Alter est, sudor excitus per deambulationes, & exercitamenta : cuius ope subtiliores partes à centro ad circūferentiā exigātur. Tertius modus non tollit id, quod iam est : sed prohibet, qd' esse potest, in dicto usu ciborū leuiorū. neq; enim apponetur, quod sit redundaturū.

Animaduertamus non solum deambulationem, sed etiam eius modum. Concitatam nanq; uult esse; ne scilicet corpus ualidius alatur. Neq; enim concoquitur cibus; sed è uentriculo crudiusculus elicitur. Hæc est una è præceptionibus; quibus cauemus, ne fiamus pinguiore; : itaq; is est finis uehementis deambulationis post cibum. Deinde dixit, exercitationes conferre; sudorem nanq; educunt; ut siquid crudius nondum deiectum sit, sed uenas subierit, exprimatur.

Caluus, *καταπύ*, amouenda. rectè, sed minus explicatè. Ad augures enim & aruspices pertinet uerbum *καταπύ*, at amouere, etiam ad medicum. Quare Hippocrates, si Latine loquat̃, ne dixerit, sese nō statuere, an morbus sit amouēdus. Etenim corporū curatio, morborū amotio est. At auertere, aut auerruncare signata prisca uerba sunt ad hūc significatū.

Ad hūc eundem usum posuit Xenophon in Symposio: καὶ ἐάν τι ὄναρ ἀγαθὸν ἴδῃς, τοῖς ἀκροπαταῖς θύεις. Eadem uerbi ui etiā ἀκροπαταῖαι dicuntur: λύσεις quoq; à soluendo. Λύσις Liberī patris cognomentum proxima ratione. Plutarchus in septimo Conuiuialium docet sacrificium ἀκροπαταῖων: τῇ ἐκείνῃ, καὶ τοῖς ἀκροπαταῖς ἐκφύοντες τὰ δειπνᾶ. Idem in Romanis: προσάφοντες ἀλλήλοις πσι δαίμοσι καὶ ξήνοις ἀκροπατῆς γνῆκα τοῖς ὡνόν. ὅς περὶ δαί, δῖο μὲν ἔμνησας.

Ἀπόκρεσις ἐγρήνεο, factum est excrementum: significat iam excretum, ac separatum esse aliquid. In Calui editione, quare semel, atq; iterum, excreatur, scriptum sit, sanè nescio.

Ἐπραξε πλὴν ψυχῇ, negotium fecit animæ: πρᾶγμα id significat: loquutio Attica est: πρᾶτῳ σε ἴδῃ: &, ἐπαρατῳ. quod etiam doctissimus notauit Gellius. Metaphora sumpta est ab exactioribus uectigalium.

Ἐκ πρῶσε γωγῆς, à cibo: scilicet τῷ σίτῳ: sicut mox ipse dicit.

Ἐπρυμνάξεω. τὸ ὡν, significat, præter deambulationem etiā exercitationes, quas nudi magna ex parte faciebant: unde & nomen. quanquam etiam in uestibus currebant, & in πανοπλίᾳ, sicuti qui pyrrhicam saltabant. Tamen si nudi in certamen antequam prodirent, nomina dabant: propterea q; cum ueteri consensu Græciæ sancitū esset, ne mulieres ad Olympiorū spectacula admitterentur: quæ contrā facerent, de Tyspæo monte supplicij causa præcipites darentur: Callipatira gymnastico habitu induta fefellerat. In I. Eliacorū Pausanias.

A P O T E L. S E P T I M V M.

Quod si minus ualidū sit id, quod oppugnat: omisso uomitu tertiam demito ciborum partem. Quam uiuendi rationem in dies item quinque promoueto: deambulationibus urgeto: uocis utitor contētione: Dijs immortalibus uota concipito: atq; ita sedabitur perturbatio.

C A E S A R.

In forti, ac uehementi causā tribus remedijs utebatur.
Nunc

Nunc si leuior ea sit, demit & frequentiam remediorum, & magnitudinem. Namq; uomitum non instituit: & ciborum tertiam partem duntaxat adimit; addit uocis contentionem. Quoniam intenduntur nerui, multum spiritus continetur. Ergo uenæ, & arteriæ inflantur. unde uapores multos excerni necesse est. Itaq; in libro De uoce & anhelitu rectè dicit Galenus uocem lædi, aut tolli, læsis, aut sublati pectoris musculis. Hoc non ignorarūt prisci Latini, qui in uocis cōtentione laterum beneficio se uti prædicabant. Quod autem hīc uomitum non indicit: hoc multi medici semper fecere, ut uomitum non probarent. Nam Asclepiades in libro De conseruanda ualitudine penitus damnauit. Sed de eius usu atq; ratione Auicenna in primo, Plinius in undecimo, Cornelius in primo, Paulus in 7. Hippocrates in multis locis.

Apponit in calce, pietatis monumentum, cum dicit, Dīs esse supplicandum.

Nota, & τὰς πρὸς τὸν: quoniam suprà, Dies quinq; dixit, iccirco addidit, τὰς. nos expressimus per coniunctionē, item.

Appellauit more suo perturbationem humorum: quam uocem ad eundem usum hunc legimus apud Aristotelem.

A P O T E L. O C T A V V, M.

Solem, & Lunam, ac coelum, tum sidera ipsa pura, suo quæq; modo motuq; agitantia si quis per quietem cernat, pro bono habebit. Valetudinē namq; eiusq; causas commodas indicant. Cæterum præsentī uictus ratione habitudo illa seruāda erit. At siquid contrā euenerit: morbum quempiam corpori minatur: ac ualidum quidem à fortibus indicijs, ab leuioribus debiliorem.

C A E S A R.

Tertia hæc pars est Commentarij: in qua ab rebus coelestibus sumit indicia. Ceterum apotelesmatis huius non red-

dit rationem. Credo cum anima res cœlestis sit : si eas sedes, unde ortum ducit, claras, illustres, compositas per quietem intueatur, sua natura frui uidetur : neq; à corpore impediri. Ergo iubet uicius mutari rationē. Caluus addit, optimo nutrimentu alere; minus prudenter. Si enim uox hæc, optimum, simpliciter accipitur, non omnibus conuenit is uicius optimus; sin (ut aiunt) secundū quid, ne id quidem hîc rectē ponitur. Neq; enim optimo uictu uiuimus; & agricola, aut fors, si capis tum uesci solitus sit, prohibet mutari.

Dixit, *ὁ βέλτερος καὶ ὁ ἥλιος* : id est, neq; præter morē, neq; præter agilitatem. Modū intelligit scimitam; *ὁ βέλτερος*, tempus. Ita iudicia tria sunt; puritas, ut succi in corpore sint defecati; agilitas, ut digestio, siue *ἀνάδωσις* suo tempore ac positu facile euadat, quo opus habet, neque sit obstructio : modus, ut suo quæq; componantur loco.

A P O T E L. N O N V M.

Ac sidera quidem in ipso mouentur ambitu : Sol medium obtinet : Luna in concauo cœlorum est.

C A E S A R.

Quoniam dixerat, *ὁ ἥλιος* : necesse erat illorum motum declarare. Assignat extimam sedem sideribus : Lunæ citimā; Soli mediam. Cæterum nimis leuiter percurrit. neq; enim planetas assignat; præsertim cum & doctis & idiotis scriberet. Fortasse autem in eodem errore cum Platone fuit, quem etiam Apuleius, etiam M. Tullius errarunt; cum supra Lunam statim Solis orbem agnoscerent. Id enim sensit ille in Timæo, & in Epinomide; idem Timeus Locrus in libro De natura; Anaximāder quoq; & Metrodorus, & Crates, æquē falsò Solem supra omnes planetas posuere. Sed & ueteres iidem, atq; inter eos Plato nomina perperā aut indidere primum, aut imposita postea recepere. Nam quare φαίνοντα Saturni uocant sidus; quod quidem uix lucet. Nam φαέθοντα à splendore Iouem recte. Sed alij aut Solem, aut Solis filium eodem nomine. Martem uerò probè, *πυρόγοντα*. At Venerem *ἑωσφόρον*,

ἰωσφόρου, mutile. Nam sequitur auroram haud parum sæpe. Pessimè autem σίλῶντα Mercurium. Ignauissìma enim & maligna in primis luce est, sed & ignota pene semper. Illi igitur hæc nihilo consultius dixerè, q̃ Solinus illud; Venere rem per multa signa procul ab solis latere cum statueret in natalibus urbis Romæ. Sed & ueteres augures nomina pro sua libidine miscuere; qui eundem Solem, Liberum, Mercurium nuncuparunt.

Interpretati sumus περιόδῳ, ambitum; optimè. Nam, πῶς, idem est, quod, ἄμφι; unde nostrum, am; sic, amplector, ancisum, ansantum.

A P O T E L. D E C I M V M.

Siquid horum siderum extinguì, lædì ue, aut aboleri, uel ab orbita sibi attributa absistere uideris: eadem quoque parte morbum occupaturum iudicato.

C A E S A R.

Exequitur minutius, quod scripserat generatim. Cum dicebat, Quod siquid cōtrà eueniat, morbum imminere; declarat quot modis. Extingui; id est, deficì lumine. Signabit enim, uitæ periculum; calore scilicet oppresso naturali. Lædì, puta inutare nitorem, significat in corpore detrimentum. Aboleri; hoc est, euanescere, indicabit corporis consumptionem. Absistere ab orbita propria, monstrabit digestionem impeditam. Quibus modis comprehendit actionem naturalem mutatam, læsam, & ablatam. Atq; his attribuit locorum in corpore cognitionem ex locis siderum; per stellarum indicia, corporis circumferentiā; per Lunam, caua corporis intima; per Solem, uiscerum partes, uenas, & arterias.

Quoniam autem superiori apotelesmate dixerat, clara, & ὁρατὰ, & ἡτὶ πρόπον; nunc posuit contraria; clara extinguuntur, ὁρατὰ impediuntur, modus intercipitur; quoniam non suis mouentur orbitis. Quo in loco uidetur Hippocrates fuisse in ea sententia; sidera lumine, & motu agere.

Igitur ij, qui Galeno aduersantur petenti dies iudicatorios ab Luna, ita instant: Neque primam diem Lunę, neq; uicesimam septimam posse quicq; propterea quod tunc fileat Luna. Sed falluntur ipsi. Hoc enim leduntur ægroti in uicesimam septimam: quia Lunę lumine deficiunt. Sed satis sit hinc ad hoc respondisse. Nam certo cōmentario eorum insolentia repressa est. Nunc uerò non semper dicamus lumine non agere sidera. Neq; enim lumen in terrę uiscera penetrat ad metalla conficienda. atq; hoc in secundo De anima disputatum est; ubi lux perlucidī corporis affectus esse, demonstratur. ita neq; ad radices, è quibus herbas eliciant sese, induit lumen. præterea sidera nihil usquam agerent extra illud hemisphærium, quod illustrent. Nunc non agimus de calore, aliud enim agunt cum calefaciūt. Calor enim aliud à luce est. At Martis sidus in sexta domo non illustrat me: & tamē afficit morbo. Quod qui negant, nihil aliud norunt, quàm negare; in quibus plus incitię & pertinacię agnoscas, quæ euitēs, quàm sapientię ac constantię, quas sequare. Neque enim eos puduit etiam Hippocratis uerba in prognosticis detorquere; quibus monet ille, cœlestia quædam obseruanda esse. Isti uero temporum tantum mutationes ab Hippocrate designari dicunt. qui non legerunt in libro De aëre, & locis, astrorum ortus atq; occasus ab Hippocrate commendari. Præterea sub Cane quare sunt incommoda medicamenta? Nam tum Sol altissimus non est, neque dies longissimī; & tamen æstus maximī sunt. Quin ijdem aiunt à Lunę uī mare non moueri; sed nescio quem percussum promontoriorum, in quæ incumbit. Adeo sunt impudentes, ut sectam fortuitorum non pudeat instaurare: cū tamen sese Galenicos uocent. Atqui quęcunque ordinario mouentur motu, certam motoris causam habeant necesse est. Præterea cursus & recursus potius inter Aphricam & tractum Europæ debuit effici. At contrā uidemus ea loca præterrādere pelagus, regrediq; ab oceani alueo, unde nulla sunt promontoria; subire quoque aduersos fluxuos statis horis; quę nunquam

quam aut Lunæ fallant motum, aut fallantur. Illud quoque ignorarunt, cum argumentantur, Lunæ motum diuersum esse propter epicyclum: ergo maris refluxum, si ab Luna sit, uariari debere: At non uariantur, inquit: cum Luna igitur illi nihil: ignari uero quemadmodum Lunæ motus ille non est, sed primi mobilis: maris autem stationes deduci secundum Lunæ corpus, quod certis momentis fuerit constitutum: cuius ratione ac situ æstuariorū celsiones recessusque sisti, aut incitari uideamus: ita ut post initium septimæ ad nonæ usque finem: item ab uicesimæ initio ad calcem uicesime secundæ, maris malacia obseruetur. Verum quod de constantia eorum desiderari dicebamus: ita sanè est. Nam quo uultu negant idem stellas suo lucere quanque lumine? Aiunt enim eas id ab Sole mutuari: cum tamen utrique Lampyrîdum generi lumen extra Solem cogantur agnoscere attributum. At uero si ab Sole lucent sidera, atque eadem non nisi lumine agunt: ergo solus Sol agit. omnia igitur unum erunt: ab uno enim principio proficiuntur. Vnius enim lux, ab una luce actio. Postremo Veneris si-
dus nunquam cōspicitur dimidiatum, ueluti Lunæ corpus: quare ab sese lucet. Aequè cæca altera horum sectæ pars: quæ præter calorem nihil hic agi putant ab astris. Sed illi nihilo felicius, qui ab sideribus frigora effici posse non putant: propterea quod lumine agant: lumen uero cum calore sit. Principio hoc falsum est, lumen nusquam esse sine calore. In rebus enim per se frigidis & extrinsecus quoque glaciatis lumen est in tenebris. Præterea falsum & illud, omnia astra ubique lumine agere. Tum calor non semper eodem intelligitur modo. Nam uiuit cicuta: quæ uiuit calidior est, quàm piper mortuum. Vita enim ab igne non est, neque ignis, ut ex Aristotele suo diximus loco. Frigus quoque res est quædam positua: agit enim. Nam ridiculum est dicere terram frigidam esse, quoniam cum igne non est mista: sua enim forma frigida est: ergo habet causam posituam, & primam, & secundas.

Erat

Erat in codice mendum, ἐπέχου, pro ἀπέχου.

A P O T E L. X I.

Si ab aëre, aut nube, sidera horum quippiam pati uideantur, signum debilius est: sin ab aqua, aut grandine, fortius. Indicat enim in corporis intima humidum ac pituitosum illapsum excrementum. Confert igitur huic plurima exudatio: quam perficiet, si leuiore cursu primum, mox etiam omnibus indutus uestimentis frequentius concitetur. Tum uero id quoque curandum est, ut postquam sese exercuerit, deambulet ieiunus multum. Præterea quinque dies totos expedit uictitare tertia dempta ciborum parte. Quod si malum ualentius uideatur, etiam uaporario opus est. Excrementa namque per summa corporis educi debent: propterea quod nocumētum in ambitu corporis est. Cibi uero sicciiores conducibiles sunt, item acres, tum asperi meraciores: postremo ij labores, qui maxime exiccant.

C A E S A R.

Dixerat siderum incommoda, quibus certa morborum genera denunciabantur. Nunc subdit causas incommodorum: ut in species deducat. Statuit differentiam inter nubem, & aquam: propterea quod nubes plus obtineat aeris, ideo minus indicet discriminis humane uitæ imminētis. Cum aëre namque animam nostrā cōiunctā esse uitalibus officijs, tum alibi sæpius, tū in lib. De spiritu declarauimus. Explicat deinde θεωρητικῶς ἀποκρίματα. Pituitę, inquit, argumētū est. Sed diuinitus dixit, φλεγματώδης, non φλεγμα. quoniā nullus humor in corpore purus est: quēadmodū sensit Galenus in libris

in libris De morbo, & eius causis : quanquam in hoc uisus est sibi contradicere. uerum hoc alterius operæ est. Declarat locum uisiosi humoris, à circumferentiâ introrsum delati. Sidera enim ambitum significant. Ponit curam : retrahit scilicet à uitalibus ad loca, unde fluxerant. Summa deliberationis sicpote est, Sudor confert. Neque uero dixit, sudor : sed, sudare; ut ex actione artificiali sequatur sudor. Ponit modum : primum, leuiter : deinde, in uestibus : postremo, frequenter. Et ante cibum exerceat se; ne scilicet cruda in uenas euocentur. Postea deambulet : ut liquid tenuioris antea eductum est, id attenuetur deambulatione, quod est relictum crassum. Tum indicit uictum parciolem. Hactenus de aëris, aut nubis indicij; de grandine uero, & aqua, quod sint uehementiora, post hæc dicit. In morbo ualentiore, etiam uaporario utendum. aperit enim magis. Statuit rationem : Quoniam, inquit, euocanda sint ad cutem nocumenta.

Tum apponit uictus modum. Siccos cibos laudat, ne augeatur succus malus, pituitosus. Acres proponit, ut excitet, & penetrent, & incidant. Sic origanum pituitosis Galenus dat. Asperis uti iubet, ut abstergant, & impediant, ne intro plura recipiantur. Addit, meracos esse debere; intellexit ualde asperos, quorum uis aliorum mitione non sit diluta.

Postremo loco similes apponit labores cibis; scilicet exiccantes: ij sunt, labores uehementes. Nam labores quidam sunt, qui humectant : ut moderati, quibus soluuntur partes crassiores citra sudorem : propterea crescunt, qui sese ita exercent.

Ἐξ ὀλίγου προσέχοντα, per initia paulatim ad sudores summos; nos diximus, primum leuiore cursu.

ῤεσπέχοντες ὡς ἄντε ἡμέρας, eam uictus rationem ad quintum usque diem producere. Nos hanc continuationem explicuimus sic, totos quinque. Similis locutio est etiam M. Tullij ad Atticum, & apud Homerum in Iliade, δ' ἐκ πάντα τάλαντα. Herodotus in Thalia eodem quoque modo locutus est, ἐπαιχνύμενοι τὰ πάντα οἱ μυρία δώσειν. Cohæret huic dicendi modo

modo Plautina festiuitas in Menæhmis, Elleborum potabís aliquot uiginti dies. Quo more etiã Aquitani nunc loquuntur. Sic idem in Pseudulo, At me uiginti modicis multauit minis. Addebant enim modum precio, etiã terminato.

πνεῦμα, alibi fatus, & fomenta interpretantur; ac rectè qui dem. Hic cum de toto agatur corpore, uaporarium potius intelligimus, quas stufas Germani uocant. Sic infra distinxit *τὸ πνεῦμα ἀπὸ τῆς θερμολογίας*.

διὰ χρώματι, cutem intellexit, communi nomine cum colore. Color enim est affectio corporis uisibilis in superficie per lucem. Nam oportet ut sit lux ab igni in mitione, & res percussus à terra; alioqui transmittuntur species per corpora pellucida, quæ Græci uocant diaphana, nos perspicua. Quomodo autem quædam in tenebris quoque uideantur: & an in nigredine lux admista sit: in secundo De anima disputatum est. Nunc uerò hoc agimus, cutis, & coloris commune unum esse nomen apud Græcos: propterea quòd color sit in superficie: qui color cum uisibilis sit, ab luce redigitur ad actum uidendum. Neque enim uideretur, nisi eius species (quam barbarè atque ineptè Ioannes Gandauus uocat intentionalem, nos immaterialem) educeretur de materia per medium ad oculum. Oportet enim in omni actione agens esse & patiens: sicut in tertio De anima disputatum est. Nam Platonis explosa iam pridem sententia est, qui per *ἐκπομπήν* putauit fieri uisionem. Falsam quoque esse eorum sententiam, qui sensum agentem posuere, suo loco demonstrauiamus. Sicut ne illi quidem uerum dicunt, qui negant ab luce educi species uisiles. Argumentum quoque eorum claudum est. Nam cum dicunt agens patiente suo esse nobilius, rectum est: cum dicunt animam nostram esse luce nobiliorem, iam deficiunt. Nam corpora unde lux prouenit, corpore nostro sunt præstantiora: intellectus illi quorum uel lux agit, intellectu nostro nobiliores. Lux nobiliori modo accidens est, quàm ea qualitas quæ est in materia: quàm ipsa afficit immaterialitate sibi simili. Nam in colore lucem materiæ admistam inueniens

ueniens lux cœlitus emissa, eam sibi associat, atque repercussa à terræ partibus, quæ ibidem sint, defert & ad oculum, & ad parietes. sicut uidemus è uitro uiridi elici speciem, atque impingi solo, aut laquearibus, aut muro: eodem modo confieri uisionem manifestum est. Neque uisio nobilior est, quàm lux. Sine luce enim non fit. Et lux aliquid omnino Dei est, uel præstantissimum. Illud quoque Auerrois falsum est, in secundo De anima, cum dicit, Colores ab luce habitum non acquirere: propterea quod, inquit, lux solius corporis translucidi habitus est. Verum est lucem esse translucidi habitum, sed non solius. Nam etiam corporis lucentis habitus est, quod tamen non est translucidum. Quare non solum per lucem uidemus, sed ipsam quoque uidemus lucem. Sed idem in libro De sensibili & sensu, longè maiore errore lapsus est, cum scripsit, Colorem sine luce, esse in potentia colorem. Nam in medio quoque corpore solido color est: tametsi actu non uidetur. Aliud enim est esse colorem, quatenus color est: aliud esse colorem, quatenus uidetur. Accidit enim colori esse in superficie: potest enim etiam esse non in superficie. Deinde accidit ei actio lucis: neque enim absente luce perit color. Neque duæ ceræ superficies si iungantur, color corrumpitur: sed unitis corporibus, unus fit. At uisilem esse, est proprietas fluens ab essentiæ principijs. Semper igitur uisibilis est, licet non semper uideatur. Neque est potentia uisibilis, sed actu. Actu enim habet suæ essentiæ principia, quibus uideri aptus natus sit. Non igitur est affectus superficiei primò & per se, sed corporis. Lex ergo cum missione elementorū efficit colorem esse colorem, & esse uisilem: à cœlo autem demissa ab Sole, Luna, Venere, aut alijs, non facit colorem esse colorem, neque esse uisilem, sed actu uideri. Verum uidear aduersari mihi, qui dicam à sideribus agi etiam ubi lumine suo non cōtingunt. Nam si sola intellectu mouent orbis suos intellectus, longè præstantiores sunt eorum effectiones quædam, quàm ut sequestro lumine opus habeant. Igitur, inquit aliquis, si negasti lumen intra terram admitti, qua ratione

nunc dabis in solidis corporibus medijs colorem esse, in colore esse lumen: Facilis responsio est: aut ab initio, aut ab æterno, nihil nunc refert: mistam esse lucem in conditione coloris, dispersitamq; multis rebus, sicut etiam elemento ignis: atque hanc misionem in colore ab igne esse misto, non ab astris defluere nunc. His de causis Græci eodem uocabulo & colorem, & superficiem appellarunt. Quoniam translucida corpora non uidentur, ideo quia eorum superficie non reflectitur specimen. Quare in uisione refracta necesse est rarium uideri curuum: propterea quod, quæ pars extra aquam est, recta uidetur: quæ sub aqua, ea per aquæ superficiem repræsentatur. Ergo necessariò fit uisio angularis. Si enim esset corpus purissimè diaphanum, qualis aer est: non sic fieret. At aqua non ita est translucida, quin habeat id crassitudinis, quod sit satis ad reflectendum.

Caluus *ῥις στίβοι*, male interpretatus est, uinis. neq; enim uino solum, sed etiam omni cibatu sicco præcipit utendum.

A P O T E L. XII.

Quod si horum quippiam Lunæ acciderit: commodius introrsum retrahimus. Acris quoque, ac salis, mollibusq; cibis uomitus ciendus erit. Concitatissimum cursibus, tum deambulationibus, præterea uocis contentionibus utetur. Necnon ciborum moderata, stataq; exhibitione inediam tolerabit. Propterea uero introrsum retrahendum erit: quia nocumentum intus est.

C A E S A R.

TRANSIT ad caua corporis, per Lunam: quemadmodum supra monebat nos. Itaq; per uomitum procurat. Ad dñt modum. Mistis acris: ut aceto. Salis, & mollibus: ut gario, muria, oleo, piscibus. Acris nanque uentriculum pun-
gunt;


gunt: falsum detergit: molle supernatando nauseam facit: ergo ex ea discordia mouetur uentriculi fundus ad expulsionem per supera, quæ est uomitus definitio. De quo stultè nimis litigant: naturalis sit, nec ne. Quasi dubium sit, quod sit per instrumenta naturalia, nulla arte adhibita, ut naturam iuuuet, an sit naturale. Nam si agens, instrumenta; finis, natura est: non ne erit naturalis effectio? Sed quia finis partim est naturalis, quoniam exonerare uult uentriculum natura, rebus sibi officientibus; partim non naturalis, quoniam ordinarius non sit: ideo dubitare sophistæ potuerant. Itaque Galenus in libro, quem inscribere De motibus liquidis, mistum posuit, tam à uoluntaria, quam à facultate naturali: sicut & anhelationis motum; quanquam uere mistus dici nequit: quippe à sola naturali uoluntaria aliquando proficiscitur. Neque enim rectè argumentere; anhelitus ab utraque potest fieri: ergo mistus est. Sicut densatio tam à frigore, quam à calore potest euenire, ergo mista effectio est. Nam uoluntaria actio in membris mera nulla est. habet enim instrumenta naturalia. At naturales duplices; alia mere, ut concoctio; alia coherentes uoluntati, sed non semper, ut anhelitus: quare mista actio non debet dici, sed potius indifferens. Clamabunt nunc de nominibus. At nos respondebimus, etiam pecudibus res notas esse, atque asinis: solius autem hominis interesse rectè loqui. Est enim instrumentum maximum rationis oratio: cuius prauitate distorquentur ingenia. Galenus in libro tertio De potestatibus naturalibus, uomitum uiolentum esse scripsit. quippe rectè. Nam si ad demittendum succos comparatus est uentriculus: ubi non deiciet, sed reiciet, uiolenter agere uidebitur. Vomitus enim est contrarius deglutioni. Quare tametsi instrumenta naturalia sunt, tamen eorum officia non sunt naturalia. Verum, uti dicebamus, aliquo modo officium quoque reiciendi erit naturale. Si enim non esset à natura, non fieret. Sed ordinarium non est: sicuti neque canem tripudiare. Itaque si respicias ordinariam utilitatem, malus motus erit: si intelligas finem, bonus. Quæ autem sint causæ uomitus cientes,

diuersis operis ad uarios spectant libros.

Dixit, *πὴ ἀφαιρέσει, καὶ πρὸς ἀγωγήν*. Quoniam non statim, aut penitus totum cibi demensum auferendum est.

Cum autem *ἀντίπασις* sit retractio ad contrariū: quam ratione hic est eo uerbo usus? Nam si intus malum est: intrō qui trahit per uomitum, nunquā retrahet in contrarium. Solutio: praeueniendo curabit, ne extrorsum procurrat. Sic retrahēda moles sanguinis est in pleuritide ad remotiora loca, ne addatur collectio humori alia pars eō apta fluere: quā obrem contraria in parte uena secāda erit. Nunc miscent cōlum terrae. Principio, non est disputandum, senserit ne Galenus hoc, senserit ne Hippocrates: sed eos fatēdum est, ab eodem latere praecepisse: id quod & omnes clamant, & nos ultro profitemur. Quinetiam ex Barbaris (sic enim omnes, isti prae se solis, uocant) Rasis idem scriptum reliquit. Et Hippocratis uerbum est, *κατ' ἔξω*: quod uerbum neque Curtius, neque alij complures intellexerunt: qui *κατ' ἔξω*, id est, secundum habitudinem, scriptum fuisse existimarunt: atque ibi propterea quā multa cogātur dicere, ipsi uiderint. Verum *ἔξω* Ionica uox est, quae significet directionem, ac tractum, *πρὸς τὸ ἔξω*: unde *ἔξω*. ea in composito utitur Herodotus in Thalia, semel atque iterum: *μὲν ἔξω τὸ ἀπὸ τοῦ μᾶλλον*. Item in Terpsichore, & alibi. Esto igitur, Galenus, aut quicūq; alius senserit hoc. Quid? cum Galeno interit uniuersum humanum ingenium? non ne artes per secula ceperunt incrementa, uobis ipsi imponitis silentij seruitutē? non ne hae sunt sciētiae liberales? Respōdent, Credendum Galeno: quoniam uita breuis sit, ars longa. Sane. Ars adeo longa fuit, ut illius uitam excesserit. Itaque Arabes medicinæ finem imponere. Quare hic uideamus pro ratione, atque experientia utrum sit agendum. Ratio igitur a fine peti debet. Finem, in quem intēdimus, hunc esse par est, prohibere sanguinis multitudinem, ne ad male affectum cōcurrat locum. Hoc autem agimus, ne uirtus opprimatur. Ergo ab opposita parte sanguis detrahendus est. Colligitur autem hoc Geometrica demonstrat

monstratione. Sit dolor in latere sinistro: aperta indidem uena plus trahet à dextro in sinistrum, quam dextra incisa in sinistrum. Plus enim humoris est inter circumferentiam dextram, & doloris locum, quam inter eundem locum, & circumferentiam sinistram. Sit itaq; pectus hominis, A B C D. mediætas, H I. dolor, E. uena Galenica, F. uena Auicennæ, G. plus est humoris inter G & E, quam inter E & F. ergo incisa F, minus auferet, & plus attrahet, facto motu. Vnum habet, quod profugiant; non prodesse, quoniam nulla sit, ut appellant, colligantia. At nos dicimus, non nunc agere, ut quod fluxit detrahamus. neque enim magni momenti est: neque quisquam prima statim die mortuus est: sed post multam affluxionem; quam tollit uena contraria remota. Vena autem eiusdem lateris non solum non tollit, sed etiam trahit ad locum male affectum. Itaque toto post facto fluxu, ex eadem parte nos quoq; detrahimus. Quod autem uerum sit quod dicimus, uidemus quotidie. Sæpe enim numero euenit, ut secta uena in aduersa parte, ad latus illud dolor sese transfulerit, relicto priore loco: ut appareat eos falsa dicere de colligantia. Ac de ratione quidem hæc. De experientia autem quid dicamus, facile in promptu est. Iam duos de uiginti annos nisi unum uidimus, ex eadem parte incisa uena, euasisse. Et sanè corpus erat athleticum, ut etiam magis miraremur. Verum scimus multos etiam sine phlebotomia sanos factos. At plus octoginta redeimus in cōmentarium quinto ab hinc anno, qui omnes eo curandi genere sint extincti: cum plus quingenti his duodecim annis euasisent, quibus in aduerso cubito uena aperta fuerit. Verum isti obiecto nobis nomine Barbariæ, solum Galeni nomen etiā aduersus inuictas rationes crepant, aiuntq; malle sese cum eo errare. Errent igitur.



A P O T E L. X I I I.

Si Sol harum rerum ulla afficiatur, uehemētius mazlum hoc, curatuq; difficilius fit. Oportet enim utroque uersum

uersum distrahere, cursibus & rectis, & flexuosis: item deambulationibus, alijsq; omnium generum laboribus: præterea instituta ciborum temperatione post uomitiones, ad quintum usque diem uti.

C A E S A R.

TERTIAM partē excutit ab Sole; qui cum mediā corporis significet, difficiliorem morbum indicabit: propterea quod & intrò, & foras distrahendum crit.

Dixit *δυσχεζα γόττον*, propter eam rationem: Duas enim in partes, eas denique contrarias educendum: quoniam cum intus laboramus, ea pars propior est uomitioni, & deiectioni. Cum in exteriorē circumferētia morbus apparatur, sudore faciliè extrahitur. At in medio si sit, & hoc, & illud cum sit agendum, operosior sanè cura uideatur.

Posuit, *δε*, pro eo, quod est, *γάρ*. est enim ratio difficultatis.

Dixit, *σπόροις, καὶ τρώχοις*, complexus utrunq; currendi genus, rectum ad metam, & curuum circum metam. Rectus autem fuit triplex: primus, simplex stadium: secundus, duplex uno cursu stadium, quem *δολιχόν* appellarunt: tertius duplex reflexus recurso, quem *δίκουλον* nominabāt: eum cordis cursui, quod ad uitam spectat, comparat Aristoteles. Falsum igitur est quod in codicibus Suidæ scriptum circumferitur, stadiodromos longiorē tractum exhaustire cursu, quàm dolichodromos. At contrarium constat ex epigramate Parmenionis, quod qui uolet, queret in primo libro. Etiam pro uerbio raro, atque ab istis prouerbialibus præterito, insigne, *μὴ ζήτῃς γὰρ σπιδῶν δολιχόν*. Pollux in tertio, more suo uocū faragine ostentata, ignoto nos alere cibo instituit. nihil enim declarat.

Caluus pessimè transtulit, utrinque deducto. Immo uerò utroq; scilicet ad intima, per uomitum: ad extima, per sudorem, ergo *ἀμφοτέρως*, non *ἀμφοτέρωθεν*, scriptum est: sicut *θύραζε*, non *θύραθεν*: ut loquitur Aristoteles.

Mirum,

Mirum, in hac affectione remedium à uenæ sectione non attigisse; nisi si putemus partē hanc pertinere ad curandā artem, non ad præseruandā. Quod locis aliquot innuere Galenus uidetur, in libris De ratione conseruandæ sanitatis. Dubitarit tamen quispiam. Nam cum uomitum ciemus arte, quippe cibis acribus, ac pinguibus: sanè eiusdem studij erit phlebotomia, cum cursu, cum uomitu, cum lauacro, cum uaporario, cum fricatione. Verum alibi ostendimus, sanantem, & præseruantem non remedijs differre, ut putarunt ueteres, & fortasse Galenus, sed sine. Quoniam sanans id, quod non est, uenatur: illa quod partum est, seruat. Finis enim et si ipsa unus est: at diuersa ratione fit diuersus. Facit & illud ad hoc, quod infra etiam elleboro utitur.

APOTEL. XIII.

Sudo cælo sidera si præmi, præq; siccitate imbecilla superare ambitum nequire uideantur: periculum à morbo imminet. Igitur laboribus temperare, humidioresq; uictu, atque molliore uti, operæ precium est: tum balneo, animi tranquillitate, largiore somno, usque dum pacatus sit motus.

CAESAR.

Redit ad sidera, assignatq; alias affectiones pro signis diuersorum morborum à prioribus. Suprà posuit à plenitudine, nunc ab siccitate: sub qua comprehendit inanitionem. Siccum enim corpus succo suo eget, hoc loco. nam aliqua corpora sibi sicca sunt.

Posuit itcirco ἀλβεῖν: quoniam πρὸ τοῦ ἀλβεῖν. Nos igitur signata uoce, sudum: quod esset, sine udo. Caluus serenum, recte: sed uocis radices non est assequutus. Agricolarū enim uox fuit, serenū, quo tempore, serēdi & occasio, & facultas est.

Duas ponit affectiones: primam, θλίβεσθαι, onerari, aggravari, premi. Tractum ab iumentis, quæ sub sarcinis attritum

f tergus

tergus habent. Sic pigra astra intelligit. Altera affectio, cum dicit, non posse ambitū superare; quippe ibi oppressione indicat. Ἀντοῦα intelligit, clium orbitæ summū; sicut etiam in epigrāmatibus μετὰ ποσειδάως summās diuitias. Nam ἑψίς quāq; rotæ curuaturā significat, supremā tamē orbis sedē agnoscūt philosophi, quā maxime à terra distant; augem nomināt recentiores. Addit causā: Præ siccitate, inquit. Quoniam ueteres putant, ut nostrum ignem, sic cœlestem alii humido. Ita Epicurus stultē noctis humiditate accendi sidera, die extinguī, cum dicuntur occidere; ut poetæ ferendi sint, qui dixerint, Conuexa polus dum sidera pascet.

Statuit uicium humidum; & materialiter, à cibis; & effectione, dupliciter; intus somno, foris balneo. Vtrum autem somnus siccet, an humectet, puerorum quæstio est; ideo quia ieiunorum, atq; inanitorum corpora siccescunt somno reducto introrsum calore naturali, qui reliquum humidum depascatur.

Posuit, ἀλλὰ, pro, οὐδ'.

Ἐαδυμία Caluus hic quietem interpretatur, rectē; alibi desidiā, minus rectē. Neq; enim interest hominis liberalis, & frugis esse desidem; tranquillū, & compositū decet. at Ἐαδυμία illud potius, quā hoc significat. Sed Græcorum licentiam, Romana castitate oportet temperari.

A P O T E L. X V.

Sin igneum, calidumq; appareat id, quod oppugnat illa: flauæ bilis arguit exuberantiam.

C A E S A R.

Non posuit curam; pone tu quietem, somnum, cibum frigidum, atque humidum, uomitum quoque.

Τὸ ἐναντιούμενον, quod oppugnat sidera. πυροειδὲς ἢ θερμὸν, est πάρελκον, tum oratio decrescit. Si dixisset, θερμὸν ἢ πυροειδὲς, commodius faceret. Duos tamen noxæ gradus recensuit more suo; uehementem primo loco, minus uehementem secundo posuit.

A P O T.

APOTEL. XVI.

Quod si uicta euanescere uideantur, timendum est, ne morte morbus finiatur.

CAESAR.

Propterea quod astra lucida sunt, eis cum uita nostra conuenit sic satis. Spiritu namque, & luce constat calor noster naturalis. Itaque non temere fabulantur Promethei furta, ætheris sedibus subleuatum ignem efficto corpori conflasse animam. Ipsos item spiritus non solum quasi instrumenta, sed ueluti uinculum quoddam materialis atque immaterialis putabat Aristoteles. Animas quoque ipsas, quæ obnoxia corpori non fuissent, redire ad caua orbis Lunæ, ubi puro in loco agent : cum multi dixere, tum eorum aliqui uidentur ex Atlantico Platonis accepisse. quam sententiã Euripides explicauit in Oreste. Neque illorum mens ab horum sententiã est aliena, qui in lacteo baltheo feliciam animas cœlo perfrui prædicant; propterea quod suam illæ seruarint naturam, cœlestem scilicet, quam accepissent; debere iure optimo easdem sedes, unde primum profectæ sint. Neque enim fieri posse aliter, quam ut locus certus certæ locatæ rei conueniat.

Rectè dixit, ἐς θάνατον ἐκ τῆς νόσου. Indicauit enim tractum, & motum humorum per dispositionem subeuntium letalium qualitatum; cum dixit, ἐκ, ἐς : duas complexus metas, totidem præpositionibus. Indicauit finem, per θάνατον : intelligo nunc finem, non perfectionem. Nam Aristoteles sapienter negauit, mortem finem esse; terminum dici posse non negauit.

His rebus significatis ita respondent significantia. Nam κρατούμενα, tractum morbi & pugnae significat; ἀφαισίοιο tractus metam.

APOTEL. XVII.

Si autem uegeta ipsa, at aduersarius in fugam uerti uideatur, eaque fuga cita sit: illa uero persequantur : in discrimine homo est, nisi caueat, ne mente mo-

ueatur. Optime confert his uiclitandi modus, exhibito ueratro: aut saltem expedit, aqua uiclum attenuari, neque uinum bibere. Quod si uinum detur, esto id album, tenue, molle, aquosum. Acris nocent, & ea, quae desiccant, aut calefaciunt: item salsa. Labores, quibus assueuerit, & cursus frequentiores in ueste, boni sunt. Abstineat fricatione, lucta, unctione. Molliore somno, & animi quiete iuuabitur: sed ita, naturales labores ut ne pratermittat. A prandio desambulato. Conducet etiam, si sudet in uaporario, ac deinde uomat. Dies triginta modico uiclu utitor. Sin replebitur, ex dulcibus, & aquosis, & leuibus bis in mense uomat.

C A E S A R.

Ponit nunc euentum contrarium superiori: sed admiscet aliquid incommodi. Nam simpliciter dixerat, si astra uincerentur, atque euanescerent. Nunc contra dicit, si uegeta sint. Sed addit, si fugit aduersarius: non dicit, si uincatur. Addit & id, illa persequi. Ponit post hæc significatū, furorem: magnum quippe motum iudicari. Apponit curam duplicem, euacuantem, & regentem. Euacuat elleboro. de hoc alibi. nam prisca illi sic agebant: nunc desitum est. Quamobrem quasi se emollit, cum dicit, sin ueratro nolint: at saltem humida, mollisq; uictus ratio indicatur, ut & materia, & forma simul adsint. Intelligo hinc materiam, rem molliter crassiflorem, cuiusmodi pedes sunt, atque extrema animalium. Intelligo formam contrariam calori, ac siccitati, ut aquam: itaque interdicitur ijs uino. Corrigit deinde imperij seueritatem: saltem, inquit, album sit: subtile, molle, id est, languidum;

dum: & aquosum. qualia sunt apud nos uina Tridentina, item apud Alpīnos, ad uicū, quem appellant Ferrariam. Acuta nocent, quia incitant: sicca, quia acuiunt: calida, quia mouent: falsa, quia siccant.

Animaduertamus tamen, cum addit, labores acres, ac uehementes iuuare. Facit enim dubiam sententiam hoc: siquidem exsiccant: sed ita iussisse uidetur, ut distrahatur materia à priore motu, atque excernatur è locis nobilioribus: quare postea quietem indicit. Illud quoque ambigamus, fricatio cōferat, nec ne, quæ cutem inspisset. nam altera, quæ digerit, mirifice conducit. Itaque unctionem quoque sustulit: propterea quod cutem efficit spissiore. Sic enim ab ἀλείψειν, ἀλίνδυνος: nisi sit ἀλίνδυνος aspirata, πρὸς τὸ ἀλῆσαι. Sic etiam est in tertio De uictus ratione. Tandem amouet labores exercitiorum: quoniam reliquæ humorum in quietis officio sunt cōtinendæ. Per somnum igitur humectationem quærit, ac propterea sudorem. Optimo uero consilio quies quæritur: motui namque contraria est: & à motu timetur ægritudo: alioqui motum contrarium exegisset. Sed inordinato furoris motui nullus est contrarius motus: sola quies pro contrario percipitur. Neque potuit iubere, quod fecimus nos: qui tyronem, quem milites de cliuo in dolio demississent, uertiginosum, ac stupidum factum curauimus, contrario motu, sed leni repetito.

Ordinarios labores continuat, nequid sordium in membris relinquatur: eos appellat naturales, scilicet qui uim naturæ non afferunt, qualis deambulatio. Nam lucta artis est: quod & ex epigrammate discimus, luctam Argiuorum esse, non Afrorum. Si enim naturalis esset, esset item omnibus gentibus communicata.

Sudorem tantum quæsiuit à uaporario: maius tamen cōmodum adipiscimur ex lauacris. humectant enim, non solum resoluunt, ac digerunt.

Dixit, πρὸς τὸ φθίνειν, contrarium, τὸ ἀφανίζουσαν, ut monebamus, astra alii humido eorum sententia. Sic Ptolemæus Lunam esse humidiores, quippe quæ proxima terræ sit: Saturnum frigidum,

gidum, quia distet ab Sole. Verum & falsa est sententia, & ridicula: falsa, namque Venus prope Solē est, sicut Mars, à Marte adeo diuersa, ut eum tēperet: ridicula, cum putat effectio-
nes esse causas causarum suarum: ut omittam eum sibi ad-
uersari, qui in signifero eodem terna astra quaternis coniu-
gationibus agnoscit inter se non solum diuersa, sed etiā con-
traria. Caluus uerbum expressit, sententiā oppressit: sicuti
το ὑπαρχον, cum interpretatus est, quod adest. Nos rectius,
quod inquit: quod subsistit, dixisset T. Liuius, ut in primo, se-
ras subsistere. Sed το ὑπαρχον est, laceffens: ut est apud Demo-
sthenem in oratione contra Neæram, ὅχ' ὑπαρχων, ἀλλὰ πω-
ρύνει. & mox, πῆς γὰρ ἔχθρας πρότερόν τ' ὤνει. Haud
multum abest ab illo Platonis in Euthyphrone, ἡδεξιγίαι:
nos dicimus Latinè persequi.

Nota, τὸς δὲ δῶκεν, ἀσέβας scilicet intelligit. Dixit κρατὺς θύ-
ρας, ut ostenderet ellebori uim. Breuitatem obseruamus ex
illis uerbis, ἐδ' ὄν: nos, sin autem.

τελείς, unde τελείδου. Notauit genera Gymnasiorū, ἄλμα,
ποδωκείην, πύλιν, tria tantum inter cætera.

Aduerte, μαλακωδύτω, scilicet naturam, aut morbum, aut
habitum. Nam alius dixisset μαλακωδύδω.

Caluus sententiā cōtraria sententiā expressit iucundē,
πλὴν ὅν ἢ φύσιν πόνων: ne laboret, inquit Hippocrates, nisi
laboribus naturalibus. Ille sic, ceteris laboribus preternatu-
ralibus supersedeto. sed uocem addit unam, cæteris, ut opi-
nor, incommodius. Cum enim dixisset, somnū, quietem, alia
genera procurat: non debuit addere uerbum, cæteris. Neque
enim ἢ labores sunt, sed quietes, somnus scilicet, ac desidia.

A P O T E L. XVIII.

*Si stellæ nullo impellente, per se ipsæ palantes ui-
deantur: animæ perturbationē propter curas indicant.
Ergo animi remissione opus est, atque appulsione ad ioc-
cosa spectacula, aut saltē ad scenicas uoluptates biduo,
triduo*

triduo ue. Itaq; aut sedabitur, aut in morbum incidet.

C A E S A R.

Vexari ab hoste docuerat, nunc sine hoste ponit perturbationem, si stellæ uagari uideantur nullius impulsu, sed sua pte agitatione: sicuti quum uagantur ij, qui laborant lycanthropia. Indicatur igitur causa esse intus. Dixit animæ perturbationē, quoniam, ut diximus, putabant animæ affectionem esse mœrorem, furorem, & alia talia: id quod nisi ita intelligas, nequeat cum signo conuenire. Ponit curam, spectacula: sed addit, aut sedatum iri, aut in morbum casurum: penè ridiculè. Neq; enim ab simile illius est, O' Laërtiade quicquid dicam, aut erit, aut non. Quare uerò non apposuit curam, quæ à morbo præseruaret? an quia raro admittunt medicamenta, quibus quicquam possint proficere? Neq; enim ex anima excernitur quicquā per ea, quæ deijciuntur. Stulte namq; dicat aliquis, ex cremēta esse animæ partem, quanquā deteriorem. Verum ubi corpus simili iam affectum fuerit qualitate, tunc curando ipsum, tollitur morbi sedes. Ita dixeris, si cum illis intelligas animam affici. Sic morbum, Erotæ, curant castigando. Ego uerò cum meliori seculo nego in anima quicquam esse morborum, sed in spiritibus, ut in rebus species deferentibus. Sublatis enim humoribus, cessat furor. Ii enim qualesquales sunt, tales erunt effectiones.

Ponit differentiam inter iocosa spectacula, id est, ridicula: & τὰ θεάματα simpliciter. Multa enim genera sunt scenicarum spectationum seria, eademq; iucunda: ut Trinummus, ut Captiui, & alia, Plutus, Rana, Nubes.

Dixit, πλανῶται. Nos ad uerbum, palare: indidem namq; deductum est Latinum nostrum.

A P O T E L. XIX.

Quæ sidera ex orbita sua excidere uidebuntur, ea si pura, si illustria prorsum promouēt, bonæ ualitudinis argumentum præbēt. Quod enim in corpore purum est, id

*est, id naturali circuitione post uesperas ad mane ex-
cernitur. Nam quæ in uentrem demittuntur, & quæ in
carnē redundant, ex circumferentia omnia deciduntur.*

C A E S A R.

Nunc illam explanat partem, in qua dicebat sidera ab or-
be suo aberrare. Et duo statuit. Aut enim ab occasu ad ortū
tendunt; ea est illorum rotatio naturalis aduersus primi mo-
bilis diurnam uersionē; igitur significat purum esse, quod
à cute demissum sit. Aut è contrario feruntur. atque hoc se-
quenti apotelesmate explicabit. Nunc uerò expultricis de-
clarat uim; quæ de rebus attractis cognoscit, ac iudicat: ex-
pellitq; quod excretum sit, aut ab se, aut à subseruiente sibi
excretrice. Intelligo nunc excernere, separare. Addit autem
motui qualitates duas: puritatē, & lumen. Multa pura sunt,
quæ carent lumine, ut translucida corpora. Nam lucem ha-
bent, quoniam transmittūt species; lumen non habent, quia
non emittunt. De igni autem dubitatio est, & alibi discussa à
nobis. Vtranq; enim naturā uidetur obtinere; iccirco dixi-
mus, multa; nō, omnia. Præterea illustria sunt non pauca, eas
demq; impura. Impurum uoco, quod admistum quippiā ha-
bet nō illustre, ut & alia multa, & Luna ipsa. Maculosa enim
est, non ex luminis, ut aiunt, reflexione, sed ex diuersitate
partium. Nam quid mirum? Non ne diuersum est ipsius
corpus à cœlo; non ne ipsa dicitur tota lumine carere? Red-
dit rationem sanitatis: propterea quod à corporis circumfe-
rentia quod demittitur, purum esse indicatur, siue in uen-
trem recipiatur, siue in carnem redundet; & quantum, quod
expellitur in uentrem; & quantum, quod retinetur ad alen-
dum, recensuit. Dixit igitur, *ἐκκεῖν*; quoniam superfluum
est, nec tamen uitiosum. In quantitate peccatur, non in qua-
litate; purum enim est.

Dixit, *περὶ ὅσων*; intelligit ad exortum. Is enim motus siderū
horum est, quæ citra octauum feruntur orbem. hoc autem
declaratur

declaratur sequenti apotelesmate : in quo contrarium motum explicat, cum dicit, καὶ πρὸς ἐπὶ ἐλῶ. Itaque Caluus bene, ac scite legit, πρὸς ἢ ὀρθρὸν ἐχθ; non ut uulgo scriptum circumferatur, πρὸς ἢ ὀρθρὸν ἐχθ.

Non est contemnendum quo pacto illud intelligamus, ὡς πρὸς κοιλίην. Nam in uentre non fit separatio eorum, quæ à cute demittuntur : sed expultrix exigit ab cute ad intestina; itaque ad intestina melius, scilicet ἐς τὴν κοιλίην.

APOTEL. XX.

Quod si aut atra, aut obscura fuerint, & in Occidentem delata, aut ad mare, aut ad terram deuergant, aut ferantur sursum : morbum portendunt efficacius. Quæ sursum nituntur, capitis indicant distillationes. Quæ ad mare demittuntur, pustulas in carnem designant erupturas. Commodè his cibi tertia detrahatur pars. Quem uiuendi modum in quartum usque proferet diem : atque interea uomet : postea in dies totidem tum uomitus, tum pristinam inibit cibi rationem.

CAESAR.

NUNC alteram partem expedit contrariâ superiori per motum, cum astra ad Occasum deuexa uidebuntur : item per qualitatem. Atrum, inquit, aut obscurum : atrum puro opposuit : propterea quod à terra nigrorem fieri putabant : inter quos etiam fuit Theophrastus. Terræ autem natura maxime distat à superioribus. Altera qualitas directio opponitur superiori commentario : quippe obscuritas lumini.

Post hæc coelestia cum elementis coniungit in motu. Nam motus aut à centro est, aut ad centrum, aut circa centrum uniuersitatis : idque dupliciter : aut ab Subsolano in Fauonium, ut diurnus motus ; aut è contrario. Præterea hic quoque variatur tribus modis. Primus est, propterea quod tam octauæ

g sphaeræ

sphæra, quàm planetarum poli alij sunt à polis mundi; itaq; de uexiore spatio feruntur. Secundus est eccentricorum; quorum ratione apsides intelligimus. Tertius epicyclorū: quos frustra nituntur excludere peripatetici; iccirco quia & centrum, & uniuersum motum extra centrum terræ habeant. Nam quod aiunt, omne quod mouetur, circa stabile aliquod moueri; fatemur. Cum dicunt terram esse illud stabile; negamus. Sed poli sunt illud stabile, ob quod rotationes uersantur. Nam si terra in caussa esset, qua mouerentur, tunc quorsum uersus contingeret, uerti possent, in Meridiem, in Septentrionem. Et ridiculum est dicere, cœlum non moueri posse, nisi subesset terra stabilis. Satis enim est habere punctum medium circa quod moueatur. Duo enim stabilia necessaria sunt in rotatione globi: profundum, & latum. nam ipse motus in longitudinem fit. Sicut circulus si moueatur, satis habet: quoniam profunditatem nullam habet; punctum in media latitudine quietis sedem. Igitur centrum mundi, est sedes quietis in profundo, poli in latitudine, motus in longitudine. Si igitur hæc satis sunt ad motum; ubiuis fieri potuit, ut minores cœli in maioribus uersarentur. Satis enim est naturæ cœli, si neque ad centrum, neque à centro moueatur; quoniam neque leuis, neq; grauis sit; itaq; propter hanc naturæ rationē circa centrum uertitur; propter polorum rationem suorum, suo motu uertuntur epicycli. Ergo si per somniorum species ascendere uideantur; superiores corporis notabunt partes. Nam ita quoque in animalibus, siue reptilibus, siue piscibus, τοῦ αὐτοῦ, intelligit Aristoteles, totum petus, & caput: τοῦ κάρω, quæ inde in caudam, aut ad pedum ima; cum tamen è situ piscium, pars superior uideatur dorsum, & occiput; inferior autem maxillæ, ac uenter; sed has pronas, ac supinas maluit ille appellare. Nam ita diuino uisui uisum est, nobilissimam partem ei parti comparandam, unde duceret originem; scilicet caput, cœlo. Sic etiam dicimus, deijcere superflua cibi ab ore ad exitum excrementorum. A mari autem uentris indicia sunt. Vnde & Latini aluum

alium ab alluēdo dictum uolueret: quanquam nos aliter suo loco. Tum quia inter cœlum, & terram est: tamen à terra non indicat pedes, sed carnem, in quam pustulas erupturas minatur. Sed ita illi placuit, ut diximus: quanquam ne omnes quidem pustulæ terrestres sunt.

Mirum, distillationes ex ascensione indicari. nam contrarius motus est. Intelligendus est ascensus uaporū prius, mox descensus eorundem condensatorum.

Interpretati sumus, τὸ μᾶλλον, efficacius: scilicet, quàm cætera. Quoniam signa excellenti prædita natura sunt, statocq; motu, non temere, mouentur: à quo si aberrarint, ualidiorem causam subesse putandum est.

Dixit, νομίζου δὲ τὰ στίχων πέντε: id est, comparare. uerbum est agricolarum conuehentium fruges. quo & Hippocrates alibi, & Thessalus filius in legatione usus est.

A P O T E L. XXI.

Horum siquid in cœlo insidere, idq; purum, humidumq; apparebit, sanitatis nota est. etenim cœlitus id in hominem descendit: quippe anima tale cernit, quale in ipsam ingressum est.

C A E S A R.

PONIT quietem, cum dicit, ἐφ' ἧς δὲ: ergo humorū concordiam. neque enim aut summa, aut ima petunt. Ponit calorem, & lumen, quasi formam uitæ: scilicet stellarum puritatem. Ponit materiam, & pabulum: scilicet humiditatem. Post hæc signa, ponit significatum: quippe sanitatem. Ponit inde rationem signi, & significati: iccirco quia cœlitus descendit. Habet hoc probationem à cœlorum proportionem cum uita nostra: itaque isdem uocum lineamentis, & calor, & uita, & cœlorum Deus dicta sunt, ζῆν, ζῆν, ζῆν. Astruit postremo loco rationis probationē. Quoniam anima, inquit, tale cernit, quale à Dijs immortalibus cœlesti de sede demissum recipit. diuina sane sententia, qua demonstrat animæ cum cœlo con-

iunctionem. Habet autem geometricā rationem : propterea quod à cœli circūferentiā deuehuntur diuinæ illustrationes, quæ per animā perinde, atq; per cognationis hospitium trans eunt in res corporis elementares, tanquā in centrum lineæ.

ἔξ αἰθέρος, ab æthere, id est, à cœlo. quoniā αἰθερῶς. Semper enim perpetua uertigine uolutatur. Itaque Plato in Cratylō inde quoq; deos dictos putat: ἰόντας, inquit, ἡρόμω: Solem, ac Lunam. quanquā maximus ille uir paulō infelicius addidit etiā Tellurē: quæ sententiæ huic non solum nō seruiret, sed etiam aduersaretur. Neq; enim mouetur tellus, nedum ut θεὸς sit, à cursu. Quare in undecimo De legibus castigatius est locutus: ἡλιόν τε, καὶ σελήνην, καὶ ἄστρα, καὶ γῆν, ὥς θεὸς καὶ θεῶν ὄντα. ut priores, θεοὺς dicat; terram autē θῆγαν. Assentitur Aristoteles quoq; præceptorī suo: qui in primo De cœlo ætherem ab æterno cursu dictum uult: castigatq; Anaxagorā, qui ætherē pro igni intellexerit: quod & turba literatorū, πρὸ τοῦ αἰθεραῖ: & uidetur sensisse Cicero in primo De natura deorū, ubi ætherem ardorē cœli uocat. Sapientius à præceptore Anaxagora dissensit Euripides: qui in Alexandra dixit, αἰθέρα δὲ θεὸς δωμάτιον. & in Oreste Helenā inter diuos relata collocat γυνὴ αἰθέρος πύχαις. Sed Stoici summū Deum ætherē intellexere, ut est in quarto Academicarū quæstionū. Eundē igitur cum Ioue retur esse Chrysippus, & aliū ab igni. Quare in secundo De natura deorū, eum uocat cœlū nulla peregrina concretū natura: & in eodē, cœli cōplexus, qui æther appellatur: quam Pacuuius ætherem uideatur ignem agnouisse, cuius amplexu aër ambiatur.

A P O T E L. X X I I.

Quod uero atrum, atq; impurū, obscurumq; fuerit, morbum minitatur: quanq̃ non ab repletionē, aut inanitionē, sed ab eo, quod extrinsecus ingruerit. Citatis descursionibus curatur ij eo usq; dum corpus, sed intra modum, dissoluatur. Cōpresso uero spiritu excernat, quod obuium

*obuium sit. Post cursiones, spatia faciat incitatoria.
Vicus modus mollis, levisq; esto, ad quartam usque diem.*

C A E S A R.

Cum causæ aliæ sint intus, aliæ extrinsecæ, quæ intus sunt, & efficiētes, & materiales esse possunt. Nam ut sunt subiectæ qualitatibus deferendis, materiæ sunt; ut impediunt naturales effectiones, efficientes erunt. Eas ueteres in coniunctas, & antecedentes partiti sunt. Nam quæ morbum antecessissent, *προνύμια* appellarunt: eisdem facto morbo, coniunctas: ut peponis caro, antequam corrumpatur, & postquam corrupta sit. Recentiores, qui omnia subuertere, ut doctiores uideantur, nullam apud Galenum intelligi cōiunctam causam profitentur: propterea quod ea tum causa morbus sit. Sed neque uerum id est, neque à Galeno asseueratum. Morbus enim esset substantia, non accidens. Sicut ridiculè lapidem in renibus morbum appellant: cum lapis sit substantia: effectio lapidis morbus. Est enim impediens, impedimentum, impeditum. Fatetur Galenus morbum esse naturæ officiorum impeditionem. Impediens est phlegma putridum. est igitur effectio putrefacti phlegmatis, morbus: aliud sanè ab ipso impediēte, atque illi accidens. potest enim non impedire. Quod si idem cum illo est: ergo substantia erit in substantia: & idem à seipso abesse poterit, sine sui corruptione: unum erit duo, & duo unum, & idē aliquid, ac nihil. Vides bonos metaphysicos: qui si clament hæc ad medicum nihil pertinere, quid igitur litigant? quid argutantur? quare uolunt mutare receptas sententias philosophorum? quamobrem non se continent in sua pellicula, quam perangustam sanè, ubi uolunt distendere, dirumpunt? Eiusdem est sapientiæ profiteri, calculus esse morbum in numero. Videamus morbi rationem, quo deprauantur naturæ officia, aut minuuntur, aut tolluntur. Ergo morbus in figura, quo figura deprauatur: in quantitate, quo quantitas: igitur in numero, quo numerus. At lapsus ad corpus nihil pertinet. eius enim numero, non deprauatur

uatur numerus partium corporis: sicut sexto digito, defectu oculi: sed in uia morbus est: uia enim læditur. Hæ sunt causse interiores; exteriores autem non nisi efficientium rationem obtinere possunt; ut Sol æstuationē efficit, nix gelu. Ab his morbo affici nos, ut supra diximus, olim stulti æquē negarunt quidam: quos Galenus cum alibi, tum perpetuo commentario fusiùs, quàm acutius arguit. Eas appellant Græci procatarcticas: quippe quæ prostant nocituræ, etiam ante omne initium, ita ut exteræ sint à principijs cōiunctis ægritudinī. Hæc causas dicit hīc imminere futuro morbo: cuius signum sit sidus, quod non moueatur: idemq; atrum sit, impurum sit, obscurum sit. Atra sunt etiam quædam splendida, non propter eam qualitatem, sed propter situm partium. Nempe ex leuore, unde fiat aëris percussus: ut gagates, cornu, ebenus, postquam sunt exposita. Videmus etiam impura lucida, ut dicebamus: iccirco atro addidit impurū, fordidum sanē: utrique uerò apposuit obscurum.

Difficile uerò est iudiciū hoc, & disceptabile. Nam quare nō à causis interioribus, sed exterioribus morbus fiat? præfertim cum sidera illa non mouentur? Respondeo: propter hoc, intus motum non esse, foris autem euenturum: iccirco quia sidera exuerint naturam suam, nitorem scilicet: ergo à causa extranea passa sunt. Nam ipsa è contrarijs non sunt composita. ergo intus non possunt pati, sed extrinsecus. Ita Hippocrates, Si homo esset unū, non pateretur, non doleret. quanquàm ille laxè nimis. Nam unum posuit pro simplici. At uerò nihil simplex præter Deum. unum autem forma facit, ex multis. quare ubi una forma, ibi unum. unum igitur homo est, non simplex. Præterea ne illa quidem propositio uera est, Simplex si esset homo, non doleret, non pateretur. patitur enim elementum ab elemento: & tamen simplex est. Itaque Galenus coactus fuit addere, non pati intus, id est, ab interna causa.

Mirum id quoque, procatarcticam statuit causam: & tamen curam mandat per corporis diminutionem. Vult enim dissolui.

dissolui. Intelligit igitur à procatactica interiores causas materiales notas esse.

Dixit, pressio spiritu excerni & πρὸς ἄλλοις, quod alibi quoque declarauimus. Impellit enim extrorsum: quoniam reciprocatio ad introrsum prohibetur. Sic inflantur uenae, atque facies accenditur. propterea dixit, πυκνωτάτω. Densescit enim alijs alias partibus impellentibus, atque inculcantibus.

ἐπαγωγὴς: dic tu, extraneae rei superuentu. Caluus, productionem, quo sit consilio interpretatus, nescio.

ὡς ἐλαχίστη, minima dissolutio. nos diximus, intra modum, ex Cicerone. ualde enim pusillum est, quod citra modum fit.

Erat error in codice, ἀφανὲς: scribe, ἐμφανὲς. Nota praeterea mutata locutionem, ὅτι λεγώσιν: & postea dicit, ἀπὸ ἐξωθεν ἐπαγωγὴς.

A P O T E L. XXIII.

Cum à Deo accipere quippiam somniamus, argumentum est probum bonae ualitudinis. Ostendit enim, quod in corpus sese induit, purum esse.

C A E S A R.

N V N C relictis sideribus altius contemplatur: expediens animae nostrae cum Deo cognitionem: quam sibi ille similem fabricatus est. Superius à coeli motu, à situ, à qualitate disputauit. Nunc à forma, seu quasi forma, & motore, & fine: quae in coelo primo unum sunt. Sese nanque intelligendo, mouet intelligentia prima coelum. Itaque & sibi finis est, & coelo quasi forma, & corpori motor. Intelligo enim formam aequiuocè, alio modo, quam in rebus, quae corrumpuntur. Pro forma nanque est, quia animat. Secunda autem intelligendo primam, sese intelligit: itaque illius quoque mouetur motu ordinario ea de causa, non uiolento. Sponte enim sequitur motorem primum propter ipsum. Scipsam autem intelligendo, mouet motum suum, propter se. Vtrunque autem propter primum. nam utriusque ille dator est. nam & iussit ut se sequeretur, & ut

& ut suo ipsa motu ageret. licet enim motus sint contrarij secundum terminos; non sunt tamen cōtrarij secundum finem. Vnus enim omnium finis, intelligere primum mouēs. Quare ab eius motu per uim rapi nō possunt, per intellectiōem sequi uolunt. Quōd si dicat quispiam, duas in cōtrarias metas simul ordinario motu moueri non posse: hoc quoque fatemur nos. Nam suus motus planetarum primaria est intentione illis; suumq; orbem in Subsolanum quisq; mouet. At diurnus motus in eis non est ab ipsis, sed à primo mouente. Neque propterea uiolentus aut est, aut dici debet. Volunt enim sic moueri; quia primum illum intelligunt, suum mouere; à cuius uoluntate, atque intelligentia dependent intellectus inferiores. Igitur non possunt primam intelligere, & nolle ipsius motum. Idem enim est intelligēs, & intellectum. Ergo diurnum motum in suis orbibus uolunt, ut illius est; suum autem, ut suū, exercent; ita & uolunt moueri, quia mouentem intelligunt; & uolunt mouere, quia mobile intelligunt. Dico moueri, non ipsos; sed orbē, cui assunt; & quia carent materia, & contrario, neque tadio capiuntur, neque premuntur labore in motu illo. Postremò etiam si esset uiolentus; qui tamen non sit; uel sic non sequeretur, aliquando defuturum. Primum nanque mouens potentia est infinita. Sed infinito nihil esse potest par, aut æquale; ergo nihil contrarium; ergo nihil eius tollens actionem. Quoniam autem Deus omnia est; intelligentia, ut Dei imitentur uniuersitatem, cœlum mouent, ut quo modo possunt, omnia sint. Nam cœlum etsi loco non mouetur, tamen situs acquirit omnes; quos omnes quanquam habet secundum totū, tamen alium atque alium secundum quamlibet partem habere intendit. Hæc est prima perfectio, propter quam similiores sunt intelligentia Deo, quam si quiescerēt. Altera perfectio ab hac pendens est. Quoniam Deus omnium rerum efficiens est. Igitur hoc quoque imitatur intelligentia. Si enim non moueret, unum tantum ageret. Quare factum est, ut earū quoq; motiones diuersæ essent inter se; iccirco scilicet, ut uarijs sitibus mixta

bus mixtæ affectiones in hæc demitterentur inferiora, per coitiones, oppositiones, quadraturas, & alia. Disputant, Si primus motor infinitæ potestatis est, quare non moueat citra tempus; orbis enim finitus est. Præterea Aristoteles adducit medium pro causâ diuersitatis motus; itaq; in uacuo futurum dicit motum citra tempus. Quare motui primi orbis, cum nullum sit medium, quod impediat, celerius quouis tempore mouere debuit; quod recentiores uocant, in instanti. Respondemus, motorem non uti sua potentia secundum se, sed ad finem uniuersitatis. Neq; enim quodcunq; potest, id facit. Si enim hoc faceret, etiam sine motu ageret. Sed ille optimum quodq; semper uult. Itaq; quanquam est infinitæ potestatis, non tamen infinitum potest facere, extra se. Itaq; infinitum ex se gignit, infinitum in se spirat. Eius autem consilia in umbra tantum nobis nota sunt. Si enim planè essent notata; aut ille esset homo, aut nos Deus. Verum nos mancipia sumus inuestigationis, ut simus liberi comites ueritatis. Quod autem Auerroës negat uerum esse, situs à cælo alios, atque alios queri, quoniam sunt infiniti; male fit. Principio falsum est, in corpore finito æquali, circulariter moto, partes esse infinitas, & situs infinitos secundum quantitatem, nisi in potentia. Itaque qui situs negabit, quoniam infiniti sint in potentia, etiam motum negabit, quoniam dimensiones longitudinis infinitæ sunt in potentia. At idem si dicat infinitos esse secundum durationem, ut aiunt, tunc ridiculus sit. Sic enim non appeterent suas uersiones, quas ipse ponit infinitas. Præterea ut uerum sit, quod falso dicit; tanto magis est sententia nostra; propterea quod intelligentia similis esse Deo uult; qui ipse est infinitus. Nam ueritas quoq; infinita est, item bonitas, quippe Deus; & tamē is finis hominis est. Stulte enim dicat quis, intellectum nostrum aliud agere, quam ut sit similis Deo; etiam foeneratores, etiam tyranni suis flagitijs eam perfectionem sese putant adepturos. Quod autem addit idem Auerroës, cælorum perfectionem, esse motum, in quantum motus est; quoniā sit idem hoc de omni-

bus animalibus: hoc non soluit quæstionem. Neq; enim demonstrat circularis motus rationem. Neq; circulariter mouetur cœli, quia circulares sunt; sed facti fuere circulares, ut circulariter mouerentur. Circularis autem motus quodammodo motus omnis est. Item habet alterā perfectionē, propterea quod non mutat locū. Quare necesse est, ut sit infinitus quodammodo: quippe cuius neq; initium, neq; finis assignari potest. Motus igitur, inquantū motus, uiuentis perfectio est: sed nō ultima. Mouetur enim ex appetitu ad finē, aut ut euitet, aut ut cōsequatur. Igitur perfectus motus perfecti corporis perfectio. Hinc soluit dubitatio. Nam si unus est finis: quare nō etiam unus terminus? Qua igitur ratione primus in Fauonium mouet, alij in Subsolanū? Multæ sunt rationes hīc. Primum nanq; mouens perfectissimum est: ita & suum mouere potest, & alienū. Deinde eius perfectio magis appareat, si secum agat etiam contraria: tum maior multo mutatio sit, ex aspectibus, & coniunctionibus. Postremo si fuit optimum, ut Luna in duodetrīginta circiter expleret ambitum dies: si eadem diurno motui motū suum superaddidisset: non optimū fuisset. Maximas enim & summis momentis fecisset mutationes. Quoniam igitur motus non est finis ultimus, sed Deus finis est: iccirco motus non dicuntur contrarij, nisi situ, non autem fini. Diuersorum enim situum unus finis. Adeo autem perficiuntur, ut uolūtas una sit, electio nulla. Nihil enim Deo par aut simile, quod ad eligendū ei possit comparari. Pura natura est in intīmis, ut in igne: nō potest enim nolle comburere. Pura uolūtas in intellectibus cœlestibus: quoniam simpliciter cognoscūt sine propositionum collectione. Media autem proportio quædam in intellectu humano: propterea quod media quoq; ipsius uis est. Nam ut informat, elementariam obtinet naturam: ut intelligit, abstractorum. Quod autem Auerroës respōdet ad hanc quæstionem, falsum est. Ait enim in cœlo dextrum & sinistrum esse: quanquam hoc Aristoteles quoq; ueteribus ex Pythagoræis uidetur admisisse; atque iccirco quod primo
motori

motori dextrum, alijs sinistrum esse. Principio si assignant dextrum & sinistrum ratione nostri, frustra sunt. Nam qui trans æquinoctialem incolunt, quod est nobis dextrum, hoc sit illis sinistrum, atque è contrario. Sin id commenti sint ratione cœli ipsius: nihilo melius. Nam si iccirco attribuunt, quoniam animalia sunt cœli: ergo par in omnibus ratio motus. æqualiter enim animalia sunt: quare idem erit motus. sed non est. Præterea cœlis aut est caput, aut non est: & si habent, aut unum, aut duo. Nam Rotæ pisces caput atque oculi in modiolis sunt, hinc atque hinc unus. Si igitur dextrum & sinistrum est, uidetur caput quoque esse. ergo erit in polo. esto igitur in arctico. nam eam partem stulti in cœlo supremam interpretati sunt. ergo in antarctico erunt pedes. Hoc autem ridiculum est. Recta enim sphaera est ista, quibus neuter polus extat. Necesse est igitur antarcticum quoque esse alterum caput. eiusdem nanque officij est. Ergo contrario modo trans æquinoctialem erit dextrum & sinistrum. quare eueniet, ut idem corpus continuū eodem motu dextrorsum & sinistrorsum moueatur. Quod si nullum caput habeant: ergo par ratio antarctici, & arctici ad æquinoctialem. Quare idem circulus meridianus a polo ad polum esset dexter & sinister. Si enim pedes mei eodem iure sint, quo caput, & cincturæ locus æquinoctialis sit, crus sinistrum dextrum fiet, ratione pedum tunc, sicut nunc brachium iure capitis. Quibus rationibus picturas illas ueterum philosophorum facile deleuimus. Nam etiam principium illius sententiæ falsum est. Neque enim animalis, in quantum animal est, proprium est moueri per progressionem: Ostrea enim & Patellæ quædam non mouentur neque moueri dextrorsum aut sinistrorsum, sed prosum, directus enim motus nobilior: breuior enim, & simplicior. Itaque sensus penè omnes in anteriore corporis parte: motus autem datus est ad appetendum, quod per sensus captū sit. Dextrorsum autem ac sinistrorsum motus secundarius est. Motus autem est uia ad perfectionē.

Si uidemur à Deo donari, qui ab antiquis *ἰατρικὴ ἐπιστήμη*

dictus est; donumq; id purum sit; purum quoque donum illud erit, quod sese coelitus insinuat.

A P O T E L. XXIII.

Contrarium autem malum. Insinuasse nanque sese in corpus morbum, ostendit. Quare superiore ratione hunc quoque curabimus.

C A E S A R.

A T T E N D E, cum supra morbos imminere dicat, ac nondum esse constitutos; nunc proficitur iam inuasisse, atque occupasse. Fortè propterea quod signum ipsum prævalidum sit, quippe à Deo.

Nota loquutionem, καὶ ἐν τῷ πρόπῳ; aut deest, καὶ; aut, πρόπῳ. neque uerò sentias, quod aiunt, ita loqui consicè, quoniam Ionice. nihil enim Ionibus fufius, laxius, uetum uiuendi, tum loquendi licentià; uel uide Homerum, uel Herodoti memineris. sed quales uiros? profectò facile principes utriusque orationis; utrunque uerò etiam sapientem. Nam Homerum nunquam putassem summum & physicum, & ut tum esse poterat, theologum; nisi tam stultè de Dijs loquutus esset. Neq; enim tam uecors, tamq; futilis esse potuit, ut ea sic intelligeret; sed ad siderum potestates, atq; officia Geniorum omnia uoluit referri.

A P O T E L. XXV.

Mollis pluuia, clementi cælo, minuta roratione, sine hyberno impetu, bona est. Ex aëre nanque spiritum moderatum, purumq; subijisse demonstrat.

C A E S A R.

N U N C tenet institutū ab elementis cælo coniunctis; ac primum ab aëris affectibus. Pluuia enim aquæ affectio est, motus scilicet; item aëris, sanè ab situ partium. Est enim aër condēfatus, nubes, cuius humidiores partes expressæ fluunt.

Quasi

Quasi dicas, pluuiam esse aquam ex aëre densato. Coniungit aërem cum anima; quoniam uitales auras ueteres dixere: & aër, atque anima eodem nomine dicti sunt: ἀνεμὸς quippe uentus, aër est.

Dixit, mollem pluuiam, non rigidam, non distentis tractibus, sed flexis, & interruptis. excludit enim hic hybernos imbres. Itaque recte interpretati sunt, μὴ σφόδρα βρέχειν, non multo humore. Nos, minutam rorationem.

Dixit, γὰρ ὕδριν, coelo non turbulento. quoniam διὸς χεῖμα καλὸν ἢ ὕδριν; quasi pacato Ioue. Sic enim Latini appellant coeli clementiam, cum sub diuo possumus agitare. Sic in xxvj. sectione propositarum questionum petit Aristoteles: Quare Fauonius est ὕδρινός, καὶ ἡδύς? Quoniā, inquit, ἔχει καὶ αἶσιν αἶσρος, ὅτε θέρμους, ὅτε ψυχρός. & subdit: ὅταν ἀρχήμασιν, ὕδρια εἴωθε γίνεσθαι. & iterum alibi de eodem: Quoniā, inquit, ὕνεκ' αὐτοῦ est, facit ὕδριαν Zephyrus. Quia scilicet est temperatus: & propterea quod post tempestates spirat: & habet aëris temperaturam; ideo ei conuenit cum aëre, quem nō turbet. Aër autem tepidus est. Teporem Zephyri dixit, sicut à Lucretio Genitabilis aura Fauoni. Igitur & uentus flat: & is uentus ὕδριενός est: & sine motu flatus non est. Ergo non poterit transferri ὕδρια, tranquillitas. Est enim tranquillum, quod omni uento uacat. At ὕδρια, etiam currentibus nauigijs est: ut apud eundem in xxiij. sectione: γνῶτε πλοῖα θεῶντα γὰρ τῇ θαλάσῃ ὕδριας κατὰ πίνοντες. Itaque & à uento, ut supra diximus, fit ὕδρια: & cum uento, ut hīc. Auram igitur mollem, ac suauem intelligimus, uacuam tempestate. Sic etiam in xxv. sectione ait: γὰρ τοῖς ὑψιλοῖς τῶν οἰκῶν ὁ ἀνὴρ διδουμένη, καὶ μάλα ταῖς ὕδριας. Sic etiam intelligit Pollux in primo, cum declarat, ὕδριον πλοῖον. Neque enim tempore tantum nauigamus, nec sine aura penitus. Itaque contrarium agnoscit Aristoteles τὸ ὕδριον ὅλ' ἡμεῖν: tum propter motum turbulentum, tum propter frigus: ut in xxvj. sectione: αἱ καθαφαὶ δ' ὕσος, ὕδρινόν συμειον: αἱ τελαραμεῖναι, ἡμεῖν. In eadem quoque, τὸ περὶ χεῖμασιν, opponitur ὅλ' ὕδρια.

ὕδρα. Et alibi, ὁ ἀρχὴν δὲ γὰρ τοῖς ὕδασι. & mox, ὅτι τὸ
 γὰρ ὕδρ' ἡμεῖς μὴ φαίνεσθαι. Xenophon in uenatorio, pro te-
 pido: ὅταν μὲν ἡ ψύχη, γὰρ ὕδασι τοῖς, ὅταν δὲ καύματα, γὰρ πα-
 λισίαις. Quare non rectè interpretatus est præceptor meus,
 magnus ille uir Leonícenus, quem equidem honoris causâ
 nomino, Hippocratis illud ex aphorismo: χερσὶν νότιος,
 ὕδρις: austrinam, hyemem, serenam: credo cum ὕδριον Fau-
 uonium legisset, & apud Plautum, eundem serenum, sic
 transtulit. Nam ille in Mercatore sic scripsit lepidissimo
 Trochaïco: Hic Fauonius serenus est, hic Auster imbricus.
 At uero si pluuia hyems est: quâ fiat, ut sit serena? Hoc pri-
 mus doctissimus Manardus monuit nos. neque enim in
 diebus uarietatem, sed constantiam malitiæ toto temporis
 tractu indicauit. Quam uarietatem festiuo admodum uerbo
 signauit Hippocrates in primo Letalium cōtagiorum, par-
 ticula secunda: & appellauit μελαγχολίαν. Sed illic νότον cum
 dixisset, humiditatem ostendit à uento: id enim significat,
 νότιος: ideo addidit & teporem, ὕδριον, unde ὕδριος apud
 Homërum, apricum interpretantur: quod suauissimis uer-
 bis circumscripsit diuinus Poëta.

Et stabula à uentis hyberno opponere soli

Ad medium conuersa diem.

Itaque αἰθέριον, τὸν ἐλαττοῦ νότον dixit Aristoteles: τὸν ἢ
 μέγαν, νεφελοῦ. Neque uero malaciam significauit, ut puta-
 bat Manardus. nam etiam cum aura est ὕδριον. Malacia, ut
 omittam de mari tantum, non de aëre dictam: non solum
 aura, sed omni motu uacat. Itaque in quadris Lunæ in ma-
 ri malaciam intelligas, cum nullo mouetur impulsu. Inde le-
 gas in historijs, malacia immotas naues, quæ omni essent ue-
 to destitutæ. Potest igitur ὕδριον, etiam subnubilum tempus
 esse, si uento ualido, aut tempestate uacet. Nam in ὕδριον quo-
 que pluit: sine nube non pluit. Mirum igitur quo pacto
 & Leonícenus pluuiosam fecerit hyemem, ac serenā simul:
 & Caluus hic in serenitate pluât.

Signatè dixit, ὕδατι πρὸς τὸ ὕδρ. Aquam enim pluuiam.
 significat

significat prima, & propria origine sua. Sic distinguit Aristoteles in iisdem libris quæstionum, τὴν θάλασσαν ἀπὸ τοῦ ὑδατός.

APOTEL. XXVI.

Huic diuersi imbres, largi scilicet, hyemales, ac procellofi, cum aqua sordida, ab insinuato spiritu morbum prætexus. Modico cibatu ales omnes hos.

CAESAR.

OPPONIT τῷ ὑδατί, τὸν ἔμβροτον; sed πρὸς ἀφροσύνην. Sic enim τὸ σφόδρα, opponitur, τῷ μαλθακῷ; sic duo altera, τὸ χυμώνα, τῷ μὴ δυνάμει; & τὸ ἄλλω, ὅτι μὴ σφόδρα βρέχει.

APOTEL. XXVII.

Indicia, quæ cœlestia intentent nobis, his iudicijs obseruare, hisq; consilijs uictus inire oportet rationem. Tum Dij immortales secundis in rebus supplicationibus adeundi, Sol, Iupiter cœlestis, Iupiter opulentus, Minerva, Hera, Mercurius, Apollo: in aduersis, ad Deum iram auertendam, Tellus, Heroës in commodorum auerruncatores.

CAESAR.

EPILOGVS à cœlestibus, addito elogio pietatis. Dixit, indicia; Dixit, iudicium; Dixit, consilium: postremo, curam, eamq; duplicem; alteram ab humano auxilio, alteram ab ope Deorum immortalium. Duplex autem Deorum genus prisca illi commenti sunt; alterum propiciū, ut Iouem; alterum noxiū, ut Veīouem; ita Diræ canuntur à poetis, Sophocle, Seneca, Euripide; item Catullo in Argonauticis, à Marone ad Battarum, ab Elisa aduersus Aeneam, à Cambyse contra Persas, ab Horatio in Canidiam. Huiusmodi sunt Erinnyes, & Febris, & Robigo, & Summanus,

Summanus, & alia monstra ridiculæ uetustatis. Boni autem Dii, duodecim; Dii magni, Dii nouenfiles, Dii penates, Dii femones, Tutanus, Rediculus, & aliæ ineptiæ. Aegypti quoque planetas, Deos Reges: duodecim signa, Deos consiliarios appellarunt. eius rei rationem alibi diximus. Mirum Apollini uota concipere: Aesculapio autori gentis suæ, nulla: item neque Nocti, neque, Somno, cum utrique diuini sint à priscis habiti honores. Soli autem supplicat: propterea quod occultarum rerum index est. Nam hoc quoque fuit in more positum, ut exorienti Soli somnia narrarēt; id quod etiamnum docet nos Sophoclis Electra. Solem igitur ponit tum propter hoc, tum propter lumen: autor enim sensus uisionis est. Iouem, propter uitam. Minervam, propter intellectionem: ex Iouis nanque uertice nata est. Mercuriū, propter Genium: animarum enim ac geniorum, & comes est, & euocator: unde *πομπῆς* dictus est: tum idem Caduceo somnos dat, atque adimit: uiarum index est. Apollinem, propter somniorum coniecturas. Terram, quoniam Nox somniorum mater, eius umbra est: itaque dicta est abdere arcana sinu suo: unde somnia ab inferorum recessu duabus mittuntur portis. Heroas, quoniam uirtute cœlum meriti sunt, expiato orbe nostro monstris. Quare in pauoribus, & miraculis exclamabant, *ἡγάλας*: propterea quod esset *ἀλβίνας*. Tales & diui fratres Gemini, in tempestatibus. Idem quoque numen in utranque partem acceptum est additis cognominibus diuersis, *γαίον*, & *γινώσκων*. Item Apollo à perdendo: cuius sagittæ essent pestiferæ. Idem *παιών*, à medicando, quo cognomento ei acclamatum est, cum à serpente Delphos liberasset. Heroum autem cultum sacrosanctum fuisse tum alibi legimus, tum apud Philostratū. Est & in Vrania Herodoti scriptū idem, in responsione Atheniensium ad Alexandrum Mardonij legatum. Definī Lucianus Heroem, ex Deo & homine compositum. Athenæus eorum uim in undecimo declarat, terribilem, sed magis noctu, quàm interdiu. Plutarchus in Roma-

nis

nis dicit Græcos in nouilunio Dñs supplicasse primo loco; secundas preces concepiſſe Heroibus & Dæmonibus. Item primum poculum fuiſſe Deorum; secundum, Heroum. Plato μέγιστον δαίμονα τὸν τῶν πάντων κυβερνήτην appellauit. Plutarchus in Hellenicis ὑπερκάυστρια, festum apud Solos urbem recitat; quem diem solennem agerent in Mineræ honorem auerruncationis ergò. Sed & Timæus Locrus in libro De natura, δαίμονας παλαμνοίους, καὶ χθονίους, καὶ ἀνθρώπους tradit. Expiationes autem illæ, postulationes ab antiquis uocabantur. Mirum uero & id, cum Terrā posuit, Vestam præterijſſe; sed eandem putauit fortasse. At Plotinus in libro secundo De quæſtionibus animæ, Terræ animam, Vestam interpretatur.

Iouem cœlestem cognominat; quoniam alijs quoque numeris inuocabatur. Labradæus, in Caria, ab securi, quo nomine id telum eorum uoce appellabatur. Agoræus, cui uota concepit pro Socrate puero pater Sophroniscus. Fuit & Poſſeus, ex Pausania. Fuit Pappæus apud Scythas, ex Herodoto. Fuit Iouis Trophonij delubrū; item Aeneſij apud Strabonem in nono; Lycæi in octauo; item Liberatoris, Hospitælis, Limitaris, si Hercæum uelis dicere; Olympij, Tonantis, Feretrij; Imperatoris, in sexta actione in Verrem; ubi etiam εὐρείου Græca interpretatio est. μέλιχ' mentionem facit Thucydides in primo, cum ueneratione maximæ festiuitatis. Pausanias in Atticis agnoscit Aphesion, propter Aeaci sacrificium quoddam; idemq; πανεμένη. declarat fufius causam in Corinthiacis, ut pluuiam eliceret. At nos aliam ob rationem, Elicium. In Corinthiacis item χθόνιον, quem nos Ditem, & Summanum; cui etiam sunt fulmina attributa. Alterum ὕψιστον; nos hunc optimum maximum; quæ erant propria Capitolini, ut ait M. Tullius. Capitolini facit mentionem Pausanias; ibidem, sicut in Eliacis, Impubis. Quem nos Anxurem, quoniam esset ἀνδρ' ἐνελδ'. In eodem libro est, ὄρκι. Est in Alexandra Lycophronis Iupiter φύξι, cum alibi multis locis, tum apud Strabonem libro nono, Iupiter

σώτης, quē M. Tullius in actione quarta in Verrem negauit unico Latino uerbo exprimi posse: Verū ille, ut suo loco diximus, seruiuit causſæ. Nam cum uellet Verrē premere criminis magnitudine, exclusit eam uocem à Latina potestate. Verū in ea oratione, quæ inscripta est in L. Pisonem, se ipsum, qui patriæ salutem dedisset, conseruatorem appellauit: in tertio autem De finibus, salutare, cuius in tutela sit salus. Seruatoris quoque Iouis templum memorat Plinius in libro XXXIII. Hippocrates etiam *ἰσχυροῦ* hic uocat: Statorē Caluus pessime est interpretatus. Nam Stator Iupiter à Romulo primum est nuncupatus, qui exercitum stetit à fuga: qui fortasse sit idem cum Ioue statiuo Plinij libro sextodecimo. at uerò *ἰσχυρῶς* possidere est. Ctesij Iouis meminīt Plutarchus in libro De fœnore: Iupiter, inquit, Ctesius uix eorum opes seruet, qui sumunt fœnorī. Ergo in *παύσει* eius simulachrum statuebant, ut ait Suidas. quæ uox, eū & *ἀρῶν*, & *cellam* significet promptuariam, ad penum potius respexit Anticlides in libro undecimo Athenæi, cum Cadiscum ornat lana candida, ut sit pro signo Ctesij Iouis. Nos opulentum ex Plauto interpretati sumus. Miseruam autem cognominem illi, Heram. Quoniam Hera fortunæ nomen est, ut legimus apud Ennium.

Galenus his elementarijs iudicijs, alia addit similia: ignem accensum uidere, ob flauam bilem: fumum, & caliginem, ob atram: pluuiam, ab humore frigido, liquido: glaciem, ac pruinam, de pituita gelida.

A P O T E L. XXVIII.

Quæ uero in terris functiones exercentur, eæ quæque ad ualeitudinem conferunt dignoscendam: ut, acutè uidere, audire: firmè ambulare: inoffensè, ac sine metu currere: terram quoque intueri solutam, beneq; cultam: arbores germinantes, fructu grauidas, ac mites:

amnes

omnes temperato labentes cursu, aqua limpida, ac quanta satis sit: item fontesq; puteiq; ualitudinem bonam nunciant somnianti: eiusq; corpus pro suo modo, & digerere, & admittere, & excernere.

CAESAR.

RELICTO cœlo demittit sese ad corporis officia, quæ hic agnoscit duplicia: altera, quæ corpori debeantur, ut currere: altera, quæ ciuilibus negocijs propter corpus, ut agricultura: quæ utraque unico simul apotelesmate executi sumus: quoniam ipse utrisq; item simul apotelesmate sequenti contraria ponit.

Quæ hîc dicit, clara sunt. Memor quoq; p̃ceptoris Galenus fuit, cū dicit, leuitatē corporis ab inoffenso cursu significari.

Dixit, προσμείνει καὶ τὰδε πρὸς ὑγίην: non quod futuram significet sanitatem: sed quia signa præcedunt sanitatem: non quidem natura, non tempore, sed medici intellectione: cui si narres somnium, indicet sanitatem, quam somnijs præscriptis agnoscat.

Dixit, λείω πῦργῳ, solutam scilicet, nec pertinacibus glæbis inæqualem: sic Poëta, Resolutaq; terga.

Iudicia trium rerum ponit in sanitate, περίοδοις, προσεργαῖς, ἀποκρίσις. Per περίοδον, intelligit ἀνάλωσιν, id est, digestionem, quæ per motū iudicata est. Per προσεργαῖς, transmutationē, & unionem, quæ significata est per fructus mites. Per ἀποκρίσις, superflua excernentis animæ uim: ea declaratur, ubi dicit, puram aquam, & quanta debetur. Omisit concoctionem: quæ tamen scitissimè ab arborum fructibus potuit indicari. Diuersa nanque πέψις, & ἀνάλωσις: utranq; tamen recentiores digestionem uocant minus aptè. Intelligit autem τὴν περίοδον, ἀνάλωσιν: quoniam succus ille circumfertur, ut mutetur in corpus: digestionem interpretati sumus nos secuti Ciceronem, qui Attico scribit sic: Vt mea mandata digeras: id est, suo quodque tempore, ac loco exequare. Itaque apud

Celsum intelligas, quod Galenus *διεσφορεῖν*, & digestiūm *διεσφορητικόν*. Sic enim scripsit in libro quinto, capite duodeuicelimo: Sed quædam digerunt materiā, quædam extrahunt. Nam resolutio fit per digestionē. Oportet enim, quod coit, aut coierit, antequam resoluatur, dispertiri. Hoc paulo post dicit ipse, Resoluenda astricta, mollienda dura, digerenda quæ coeunt. Sic enim componit contraria inter se, resoluerere compacta, emollire dura, dispertiri unita. Prius enim dissoluuntur, quàm resoluantur. In malagmate Polyarchi hoc, & haud multo post in Medi malagmate. Eodem sensu, in libro secundo, capite quartodecimo, Aut molliendum, quod induruit; aut digerendum in eo, quod copia nocet: aut alendum id, quod tenue, & infirmum est. Non est dubium, quin intelligat *διεσφορεῖν*. Sic enim scribit paulo post, Vsq; ad cutem digestionē quadam relaxatum penetrat. Fricatione enim laxatur cutis, cum fieri uis digestionem. Sic alio uerbo similimo eundem usum ueteres expressere, ut Terentius, Differor doloribus. & Vergilius, Nubila differt. Sic idem uerbum alia compositione in Menæhmis posuit Plautus, Vestes degerit: id est, defert: quod ineptissimè & interpretati sunt, & confudere cum uerbo, dego. Idem Celsus in tertio, capite quarto dicit, Vbi corpora plus resoluuntur, refici frequentius debere: quare, ait, celerius cibus dandus est in morbo, qui plus uirium aufert: itemq; in eo coelo, quo magis digerit: id est, resoluit. Ita Plinius in libro uicesimosexto, capite undecimo, Cruditates, quæ nauseam faciunt, digerit batonica: id est, discutit. Nam idem aliud intelligit, cum dicit, concoctionem adiuuari: aliud, cum dicit, cruditatem tolli: ut in libro uicesimoseptimo de absynthio, Concoctiones adiuuat, cruditates detrahit. Cruditas namq; sequitur concoctionis defectionem. At barbari nostri his ex locis uidentur accepisse concoctionis significatum: cum putarent super stomacho tantum intelligi. Id quod etiam ex Seneca in prologo declamationum elicere potuerit: cuius uerba sunt hæc: Nec patiebatur alimenta per stomachum, per somnum, quietemq;

quietemq; æqualiter digeri. Cum idē Celsus in primo multis locis, in tertio non paucis, in alijs libris aliquot, cōcoctionem nem dicit, non digestionem.

Hic fontium commendat uisionem. At infra apotelesmate tricesimosecundo uesicæ uitiosæ argumentū esse prodidit.

A P O T E L. XXIX.

Contra, diuersa ab ijs, noxam prædicunt. Si uisus, si auditus impediri uideatur, caput ægrum indicant. Matutinæ huic deambulationes instituendæ, præsertim à prandio: obseruata priore uiuendi ratione. Quod si crura male habeant, uomitu materia distrahenda erit, & pristinis uictitandi legibus addenda luctandi exercitatio. At ex terræ squallidæ uisione, impuram esse carnem coniectamus. Itaque post exercitationes, multum est deambulandum.

C A E S A R.

Q V E M A D M O D V M supra, duo erant capita ad sanitatem ex officijs rectis corporis, & ciuilibus: ita hic duo contraria. Et corporis morbos in duas diducit partes: in superiora, per caput: in inferiora, per pedes. Vtrinq; curam per diuersiones fieri iubet. Nam capitis morbos, per deambulationem: pedum uitia, per uomitū. Ita Galenus scripsit, quendam somniassē, lapideū sibi factum crus: atq; ita ei crus fuisse solutum eo morbo, quē Græci uocant paralyfin.

Altera pars secundæ respondet parti. Supra, dixerat, terram leuem, solutam, bene cultā: nunc squallidam, incultam, asperam. Signum hoc attribuit carnis impuritati. Quoniam uti dicebamus, caro, sanguis coctus est. Fortasse uerò quispīam festiuus ossium potius accipiat indicationem. Sicciora enim sunt, & plus habent terræ. Terræ quoq; officium præstare uidentur: stabilitatem scilicet, ac firmitatem. Itaque in

Timæo identidem igni cocta, & aqua extincta sunt. Possit respondere, ossium principium ab semine esse, quorum materia sit; semen autem aëris referre naturam. Verum sic nunc esto, ut uoluit.

Caluus existimauit, τὸ τραχήν, non esse terræ epitheton; sed arteriam, quam tracheam uocant. Ita malè confudit capita. nanque uisus impedimenta ponit: deinde tracheæ: tum crurum. Rebatur enim omnia à corpore. At enim uero quare ab arteriæ læsione carnis læsæ sit indicium? Ex carne non constat tota; carnis neque causa, neque effectio est: non ipsi caro seruit, non ipsa carni. Sed suæ gentis more locutus est Hippocrates, quæadmodum & Herodotus in Melpomene: *ἔστι ἡ καταλεχθεῖσα πᾶσα πεδῖς τε γῆς, καὶ βαθύγυος. τὸ δ' ἔκ τὸ τοῦ διδάσκαλος τ' ἔστι, καὶ τραχήν.*

Næque rectè dixit idem, ἀντισπασθόν, conuellito; sed auellito, aut reuellito.

A P O T E L. XXX.

Steriles arbores humani seminis declarant corruptionem. Si frondes cadere uideantur, ab humidis ac frigidis impendit detrimentum: sin frondosæ sint & fructu careant, à calidis, & siccis. Ibi igitur uiculus siccus, calidusq; esto: hic frigidus, & humidus.

C A E S A R.

S V P R A à terra; nunc à terræ officijs, triplicem docet sterilitatem. Genericam, foliorū scilicet, ac fructuū; cum dixit, ἀνεγνία, τὰ ἀφορα τῶν δένδρων, ostendit. Alteram frondium tantum: cum dicebat, φυλλοῦ ὅσωντα. Tertiā fructuū tantum: Nam nisi, ἀνεγνία, genus sit utrunque complectens, ineptè iterato poneretur, ἀνεγνία. Aut igitur hoc non potest euitare; aut uerbī ambiguitate usus est, quam æquiocationē uocant; ut ἀνεγνία etiam de frondibus intelligatur. Vtrunque autem comparat semini somniantis; nimirum defectum generationis.

nerationis. Quare colligemus, hic quod uulgo uidemus: quodq; in libris septem De femine genitāli diximus, Virtutem informatricem etiā perfectis in corporibus esse. Nam & ramos novos fundunt, & fructus annuos: quædam etiā bifera sunt. Theophrastus autem cum dubitabat, partes ne plantarum dici mererentur frondes, quæ deciduæ essent, abessentq; & adessent, sine totius interitu: rectè fecisset, si sic nos monuisset.

Duplicem uerò assignat causam: Frondium defectum ab humidis, & frigidis. Hyemis enim appulsu cadunt folia. Fructus defectum à calidis, & siccis. Quoniam deficiente humore, calor fructus conficit: itaq; fiderantur. Verum, ut certius dicatur, à calido, & humido tam frondes, quam fructus proueniunt: à calido, & sicco exuguntur: à frigido, & humido putrent, ac decidunt. Ergo notabis foliorum casum, non defectum. Cadunt autem à frigore omnino repercutiente subeuntem succum, quominus exeat in extrema plantæ per petiolum, aut propiores uenas. Hoc autē longè melius à Theophrasto in primo De causis enarratur, fecunditatem neq; à frigido fieri, neque à calido: sed à calore temperato. Stulte enim arbitratos esse præcos, naturam calidissima animantium genera in locum frigidissimum, quam colerent, transtulisse: puta pisces: quo duo extrema temperatione quadam coirēt in statu uitæ. Empedoclis fuit opinio hæc. Sed multæ plantæ calidæ in aquis proueniunt: multæ frigidæ in arida. Illius generis persicaria, malobathrum, acorus, siue ille noster sit, siue quem aromaticum calamū uocant falso. Huius ordinis hyoscyamus, mandragora. Quare non ab elementis accipiendæ sunt rationes, sed à formis. Formatū enim omnia plena sunt: ac de potentia materiæ eliciuntur à tribus rebus inter se ordinatis: ab agente propinquo, quæ est uirtus informatrix: ab agente primo, qui est primus motor: ab agente medio coniungente uim rei purissimæ, scilicet motoris primi, cum ui rei minus puræ, scilicet animæ informatiue. Itaq; Auerroës quoque pessimè causam proposuit, propter quam calida in locis

locis frigidis gignerentur. In quinto nanque libro Emendatæ medicinæ assignat, aut densitatem corticis, aut quia sub terra submersæ sunt, quare ab aëre frigido aut calido non attinguntur. Verum & falsæ sunt, & à philosophia alienæ: quasi uerò tamarindî qui oriuntur in terra Arabia, aut sub terra sint conditi, aut cortice contegantur. Tum autem calamus iste noster aromaticus iuxta Tanaim fluuium nascitur palustribus tractibus, & propter Vollam flumen, calida planta sanè, radice rara, ac soluta, & quæ, cum extrahitur, humoris plena sit, Air uocât incolæ, & nomine alio, Bostuorce. Quod si aqua ipsa, quæ elementari natura gelida est, in terris calidis, atque etiam exustis reperitur: quare ibi non erunt res, quæ ex ea ita componantur, ut eius quàm plurimum possideant? Nam si omnia ubiq; quatuor elementis constant: quid prohibet certam formam, cognatam sibi elemēti proportionem, & quærere, & accipere? Aut qua ratione locis dulcibus lupinus nascitur amarus; beta uerò falsa, lapathum acidum? Neq; enim calida in calidis nascuntur locis, quoniã calida loca sint: sed quia plantæ illius forma ibi est. Quod si calida plāta propter loci calorem, calido in loco nasceretur: omnia calida omnibus in calidis euenirent. Itaque, ne illud quidem, quod aiunt philosophi, uerum est, Omne simile à simili conseruari loco. Intelligo similitudinem elementarem. Nam similitudinem proportionis necessariam asseueramus loci & locati. In qualitatibus autē manifestis aliter inuenias. Inter pisces inuenias quod sit uenenum calidissimū: urtica urit, scolopendra, alia multa: pastinacæ uulnus uiperinum morsum æquat. Præterea iidem pisces aliqui, ut mugil, solea, & in mari degunt, & in fluuijs: illius aqua falsa, calida, sicca: horum contraria. Quæro exēplo ridiculo rem bene seriā: Asinus cuius nam sit temperaturæ? Nam si calidæ, quare non resistit frigoribus? si frigidæ, quare frigidis locis moritur? Neque enim in Scythia uiuere animal illud aiunt, propter hyemes. Nō extat caloris aut frigoris causa, cur noxijs bestijs Creta careat: lupum in Britānia nullum esse, importatum interire.

De

De lepore, mustella, atque alijs satis multa Aelianus, Plinius, Aristoteles. Quare qui omnia per elementorum qualitates metiuntur, elementares sunt ipsi sanè. Maxima tamen rerum pars cum locis, ac temporibus ineunt societate. Sunt enim fœdera quædam, ac sequestra pignorum coniunctionumque naturæ, aut ipsæ formæ, aut à formis.

APOTEL. XXXI.

Fluminum mutata facies sanguinis motum repræsentat. Plus iusto tumidi si fluant, excessum: si minores, defectum agnoscas. Largiore uictu his opus est, illis parcior. Turbulenti perturbationem signant. Resistitur puritas cursu, ac deambulatione, postquàm spiritus, contentione motus fuerint excitati.

CAESAR.

A¹ TERRAE partibus nunc est enim gremiũ liquoris terra. Sicut igitur ex decocto sanguine caro fit, sic à terra carnis accipit indicationem, ab aqua sanguinis: propterea quod eadẽ ratioe crassescens aqua, limus fit. Nõ malè respõdet hoc Pindari sententiæ, ac Thaletis iudicio, qui aquã rerũ omniũ putarit elementum. Puto illi eam fuisse pro materia prima. Siquidem ubi densescit aqua, terra fit: rarescens, euadit aer: quemadmodum in nubibus patet. De igni poterat dubitari: iccirco quia asymbola inter se sunt: ut non pessimè potuerit ab illo pro forma poni. Igni namque & crassescit aqua in salẽ, & soluitur in exhalationem. Verum haud ita est. Etenim sal neque aqua est, neque ex aqua tanquam totum ex toto: sed tanquam ex toto pars, in potentia: quæ per ignem, aut Solem ab alijs partibus in aqua separetur.

Fluminum mutationem ponit uariam: ab eorum motu, motum sanguinis: à motus ratione, tantundem: excessum, ex redundantia: defectum, è subsidentibus: postremo à turbulentia, impuritatem.

Ἄμα τὸ περιόδον, motum: ut in febribus accessionem: circū-
cūctum Caluus cū dicit, fideliter, nō plenē explicat. Neq;
enī circūducitur sanguis, ut περιόδον impleat significas-
tum. Nam in febribus iccirco dicitur περιόδον, quia reuertitur
paroxysmus: quasi circūductus ob diem purum, & uas-
cum à morbo.

Ἀνακινδύμνα, intelligit humores.

Μὴ γὰρ πρόπον, Caluus optimē, si flumina non solito fluant
modo. At Hippocrates, γινόμενοι, dicit: non, ῥέοντες: id est,
egressi à communi instituto: sic non solum motum compre-
hendit, sed etiam faciem turbulentam.

A P O T E L. XXXII.

*Fontium, puteorumq; uisiones, flatibus affectam
uesicam declarant. Quamobrem urina cienda erit, ut
educantur.*

C A E S A R.

A P O T E L E S M A T E duodetricesimo commonesce-
rimus nos, quemadmodum Hippocrates hoc sibi loco super
fontium somnijs aduersatur: quare hoc ut tollamus, intelli-
gam hīc impuros fontes. Attribuit iudicia & rei, & loci:
flatuum scilicet, ac uesicæ. Ac loci quidem indicium sum-
psisse uidetur: propterea quod fontium, puteorumq; ortus
ima in terra sunt: sicut uesicæ in corpore, unde liquores edu-
cantur. Quam ob causam flatum potius, quàm humorem
ascripserit, nondum mihi constat. Scilicet putarunt prisco-
rum quidam, fontes, uenasq; alias subter terram densatis fla-
tibus in aquam coire, tum fluere. At sanè perridiculum sit,
Nilum totum in quem nulli amnes demittunt sese, tam lon-
ginquo, tam pleno ferri cursu, cuius parens sit flatus nescio
quis. Istum quoq; qui uiderit, eumq; è uento fieri putarit,
eius profectò sentētia è uento sit. Multas alias causas æquē
frustra commentī sunt, nihilo uerò meliores. Vna tantum
uera est, Aquam terramq; simul uno globo inter se subeun-
tes,

tes, circa idem punctum esse, sed non æqualiter. Aqua enim terram operiret. Neque uero defectam Dei iussu dices ita, ut illius iussus, huius naturæ aduersetur. Neque enim aliud natura est, quam iussus Dei, quo rerum series, effectiones, cōiunctiones, separationes, mutationes ritè, atq; ordine perficiuntur. Naturam igitur illam illi induit Deus suspensionis ita, ut eius esset propria. Contra hanc sententiam litigant sic: Nullum, inquiunt, uiolentum, perpetuum. Igitur si terra non æquè à suo puncto medio distat, aliqua molis suæ parte ruat aliquando. Principio ex sacris libris nostris non solum concedimus, sed etiam profitemur. Deinde ne philosophi prodi sese uociferentur, naturalia adducemus argumenta. Primum dicimus uerum esse, & ruere multis locis, atque à mari absorberi terræ partem sæpe. Præterea cum terræ ambitus æqualis non sit, quippe tot montibus extantibus ipse sibi dissimilis est: igitur extra naturam suam sunt partes illæ. Neq; enim locum suum adeptæ sunt: quare ruent item. Ad hæc, pars summa terræ in suo loco non est: itaque uiolenter ibi tenetur. Ergo quid inquierent? aliquando centrum petiaturam? Nugæ. Satis enim est habere proportionem loci. Quod si rupes extant, & tamen incommodant habitationi: multo commodius consultum est ab eadem natura, ut cauernæ in sinu terræ sint, in quas aqua recepta relinquat locum habitationi. Aqua enim inum punctum medium non petit, sed sedem suam, ultimæ illi proximam scilicet. Neque enim si terra aboleretur, relicta aqua, compleretur ab aqua terræ locus: quippe aqua non est maxime grauis. Motus autem, & τὸ πρὸ elementorum habent inter se proportionem. Nam ut aër supra sua loca non ascendit: sic infra sua non descendit aqua. Neque tamen propterea dicitur aquæ motus esse tanquam corporis misti ex graui, & leui: sed suus simplex simplicis: leuis, si terræ comparetur: grauis, si aëri. Igitur extra suum locum aliqua pars cum sit, eo tendit, truditq; alias partes, quæ ibi sunt: eæ obiectu imi terræ globi percussæ resiliunt in superficiem terræ. Aqua igitur quæ ad littora alluit,

non operit ea, quoniam ascenderet : sed petit caua terræ, ut suo loco potiatur: eo pōdere, suas ipsa partes, quæ imæ sunt, ita premit, ut per inania terræ ad superficiem faciat resilire. Nam quanquam in Mechanicis ostendimus, non salire altius aquam per fistulas, quàm ea sit pars, unde ducatur: tamen si organis prematur puteus, eliciamus multo altius, quàm ipsa organa sint. Ita tota maris moles organi uicem obtinet, præut ipsi fluuij fontesq; sunt. Proportio igitur ponderis compensat defectum altitudinis: qua ratione fit, ut compressa emicet. Atque hoc quidem quanquam uio- lentum uidetur esse, à principio tamen naturali pendet: propterea quod & mare sedem suam petit, urgetq; ipsum sese: & aquæ natura leuior est, quàm terra. Quid igitur mirum, si, quemadmodum aër ab aquæ superficie remeat sursum uersus: ita aqua ab solido terræ globo repulsa resilit: superq; fertur eas in terræ partes, quas, nisi extarent inæqualiter ab orbe æquali, operiret?

A P O T E L. XXXIII.

Mare fluctuabundum uentris morbos nunciat. Qui lenibus, mollibusq; deiectionibus sunt tollendi.

C A E S A R.

MARE fluminum parens est: uenter, eorum, quæ in uentricam dilabuntur: crassum retinens, ut expellat: quod liquidum est, eò per uenas deferri patitur. Itaq; Hippocrates in libro De humoribus, uentris officium terræ muneri comparat. Huius, arboribus alendis: illud, animalibus.

A P O T E L. XXXIII.

Terra, aut domicilium si moueri uideantur: homini sano langorem portendunt, ægrotanti sanitatem, atq; præsentis status mutationem. Sanus, suæ consullet uoletudini: si uictum alium præscribat sibi, primum uomat: deinde pauxillo cibo reficiat se. Totum nanque corpus

corpus, principiorum mouetur ratione. Aeger autem nihil mutabit. mutatur enim ipse tunc ex eo, in quo est.

CAESAR.

A MARI quæ portenderentur, ostendit: nunc ab effusione maris. Terræ namque motus non solum à flatibus, uerum etiam fit à fluctibus subterraneis: unde nomen Neptuno *γινωσκύδης*. Constat id etiam historia, duabus Achaiae urbibus Helice & Buri absorptis mari post terræmotum. Terræ igitur natura stabilis si moueri uideatur: nimirum præsentis status nuntiat mutationem. Ergo sanis morbum: agrotantibus sanitatem. Terra autem mater & principium uitæ. Facite autem dixit domiciliū. Sic etiam appellat corpus nostrum Plato, & eius imitator Cicero, in Catone.

Ἀπὸ τῶν ἀρχῶν, à principijs: id est, ab ijs, qui intus sunt, humoribus. Quare eos mutari oportet. Caluus falsò putauit, τὸ κινεῖν, purgari, & euacuari corpus. Nam Hippocrates reddidit rationem, propter quam uomitu debeant euacuari, & uictu attenuari. Quia, inquit, pro eorum modo, quæ intra corpus sunt, uariatur corpus. Et addidit ἀπὸ τῶν, ut ostenderet maximam uim principiorum: ex quorum pusillis momentis maximas fieri mutationes rectè dixit Aristoteles tum alibi, tum in libris De generatione animalium.

APOTEL. XXXV.

Maris, aliarumue aquarum diluuiio terra obruta, morbum significat. Multus quippe humor in corpore inest. Vomitu, atque inedia, tum laboribus, præterea siccis cibis curandi sunt. Post hæc per gradus paulatim pristina uictus repetenda lex est.

CAESAR.

NEMPE redundat, si obruit, atque etiam impedit officia naturalia. Genus morbi obijcit primum, deinde speciem.

k 3

Ab

Ab aquæ conditione intelligas *ὑγρασία* : ut non solum humorem accipiamus in genere; cuius appellatione etiam bilis calida, & sicca continetur : uerum id quoque, quod & actus, & potestate humidum sit.

Mirum, uomitum toties indicare : nulla temporum, ætatum, habitudinum, consuetudinis, regionis habita ratione. Nam in quarta sectione sententiarum, æstate curat superiora, hyeme inferiora : propterea quod bilis summa petit. At Celsus in primo, uomitum hyeme procurat magis, quam æstate; quoniam plus pituitæ in stomacho tunc contineatur. Ergo sanè sententiæ hæ contrariæ uideantur. Sed siue Theodorus, siue ille sit Laurentianus, non *τὰς κατω, καὶ τὰς ἀνω*, sed *κατὰ* : non superiora, sed per superna educere. Quare longè clarius patent earum sensus contrarij. Videntur autem Celsus, atque is, unde sumpsit, Asclepiades rationem loci habuisse, cum per hyemem uomitum instituerit : iccirco quia locus ille per id tempus pituita grauatus est. Hippocrates autem ad humoris naturam potius respexisse. Bile namque repleto in uentriculo, uomitum indicit : cuius motu bilis motum facilius assequamur. Nempe ascendit promptius bilis; quanquam rarius, quam pituita, ut ait Galenus in secundo libro De temperamentis.

Dubitarit aliquis, si uentriculus hyeme calidissimus, ut rectè ex aphorismo colligimus; quonam pacto fiat idem humidissimus eodem tempore; Consumit namque humorem calidior. Sic respondendum esse uidetur : Vbi natura læsa non est, neque circumuenta causis alienis, ipsam sibi etiam uariantem per tempora similem esse. Nam si calor multus sit, multum quoque caloris pabulum, sedemque esse, necesse est; si paruum, paruū. Dico per tempora, non per ætates. Quoniam humidum semper resoluitur. Sed humidum naturale per hyemem, non est minus humido naturali æstiuo, nisi quanto minus ætatis processu factum est. Hoc autem non quaerimus hic, sed tempora inter se comparamus. Euenit autem propter temporis hyberni naturam, ut præter humidum

dum naturale, humor alius grassetur in corpore pituitosus: quem de propinquiore loco uoluit educere Asclepiades. At Hippocrates non solum loci, sed etiam humoris motum contemplatus: qui humor æstate dominaretur, eum suo motu expelli facilius, quam alieno existimauit. Dominatur autem bilis, ut in libro De hominis natura dixit ipse: & eadem sursum mouetur: sursum igitur exigenda erit. Vbi eiusdem humoris per uomitum æquè præscribit euacuatiorem. Quemadmodum & in septimo Letalium contagiorum, & in libro De humoribus.

APOTHELI. XXXVI.

Neque uero illud bono est, atram terram, atque exustam cernere: uehementis enim, letalisque mali appulsu tentatum iri: quippe ariditas in carne multa indicatur. Quies igitur appetenda. Siccis, calidis, acribus, & iis, quæ urinam mouent, abstinendum: ptisanæ decocto contentus sit: mollibus cibis, ac leuibus, sed paucis: albo uino, aquoso multo: lauacris multis, calidis: sed in quæ nunquam ieiunus ingrediatur. Molli cubet strato: animi tranquillitate conquiescat. Frigus, Solemque uitato. Telluri, ac Mercurio, Heroibusque supplicato.

CAESAR.

TERRAM descripsit à mari affectam: nunc ab igni, aut caloris ui. In cura adhibet omnia humectantia. Somni quoque meminit: sed attende, ne ieiunus dormiat, ne uel ieiunus balneum ingrediatur. Somno intro reuocatus calor consumit membra, si desit, cibus quicum agat. Itaque sudamus potius dormientes, quam uigilantes. Balneum educit

educit succum, eumq̃ optimum, siquid à cibo non sit ap-
positum. Eadem ratione tum frigus, tum Solem uitat : pro-
pterea quòd deficcant.

Intelligit uinum aquosum suapte natura, non arte dilu-
tum : quod si desit, supplebit ars. Illud ausus est Galenus
autumare calidum non esse : uinum igitur non erit. Et no-
bis sanè genus hoc ignotum est. Humectat sanè plus mero,
dilutum : tribus de causis. Aquam enim secum habet for-
ciam illius effectiōis : item altius penetrat : postremo dif-
ficilius soluitur à calore naturali : qua ex mora perfungi-
tur munere suo. Nam partes meri subtiliores citius pene-
trant : sed citius resoluuntur. At dilutæ, & plures sunt, &
difficilius uincuntur. Quare ebrii fiunt magis, qui multum
dilutum, quàm qui merum biberint paucius.

Cum uitat ea, quæ urinam moueant : intelligas calida &
sicca, quæq̃ eliquant corpus, nullis uestigijs relictis hu-
mectionis. Nam sibi ipse contradiceret. Vīno enim albo
aquoso nihil præsentius ad urinas ciendas.

Τῆς τε πηισάνης κατέφθω τῷ χυλῷ, ptisanæ decocto. Con-
suevit Caluus toto opere hoc, alijsq̃ item libris Hippocra-
tis, pluribus luculentis uerbis idem interpretari : qui hīc
quoque dixit, ptisanæ que succo, & iure decocto. Verum
ex hordeo & aqua ptisana cum fiat, multos habet gradus,
alios ad potandum, alios ob uestendum, quosdam me-
dicos, omnes secundum decoctionis promotionem. Nam
leuissimè coquitur ad potum, ne ace scat. Ea propinatur
tertianarijs post sirupum acetosum. Diutius coquitur ad re-
frigerandum & abstergendum in phlegmone pectoris. Hi
sunt potus simplices. Vbi uerò coquitur adeo, ut puls ex eo
fiat, cibi summam conficit. Remissa ea crassities in medio-
crem liquorem, utriusq̃ obtinet facultatem. Sorbendo nan-
que, pro potu accipitur : alendo, pro cibo. Percolatur au-
tem hæc interdum, neque amplius coquitur. Is dicitur esse
succus, quem cremorem Latini uocant : atque hīc, & ali-
bi χυλὸν Hippocrates. Interdum autem coquitur : quare
additur

additur *αἰσθησις*. Arabes hæc omnia agnouerunt, his nominibus, Aqua hordei, Kist hordei, Sauich hordei: omnes Hippocratem secuti eo in libro, quem Cnidias Sententias inscripsit. Quo magis miror, quid in mentem uenerit homini doctissimo Ioanni Manardo, qui non solum artem ptisanæ conficiendæ sustulit: sed etiam damnauit usum: ausus idem facinus libero indignum homine, cum negauit nos probo uesci hordeo. Spero equidem aliquando futurum, ut isti delicati ueris lactucis carere dicant nos. At hercule laudes eius Galenus paucis uerbis, uel plus quam diuinas dixit, in octauo De medicandi ratione. Quid enim potuit prestantius esse, quam id quod refrigeraret, humectaret, sitim non solum tolleraret, sed etiam prohiberet, facile coqueretur, probe aleret, nihil relinqueret noxiorum excrementorum. Ptisanæ autem nomen deductum etiam ad alias materias, ex Horatio scimus: qui ex oriza ptisanarium dixit, uoce diminutiuæ: quanquam ex alijs frugibus certa sibi nomina comparauit: ut apud Græcos, *χένδορος*, quem corrupto nomine candarum sium uocant Arabes: Latini, alicam. ea ex zea fiebat, ex frumento quoque factam ait Plinius, tam apud Latinos, quam apud Græcos translato nomine ab ipsa fruge, ex qua fiebat, in rem ipsam factam. Siquidem chondros tritici genus, ex quo, quæ fieret ptisana, chondros quoque dicta fuit. Eodem modo zea, quam nunc speltam uulgius uocat, alica quoque dicta est: ex qua, quæ fieret ptisana, nihilominus alica nominaretur. Sed & ars finxit nomina: nam ex uiridi hordeo polenta dicebatur: ptisana ex integro percocto, atque excreto: omelysis ex molito. Polentam quoque ex tosto facit Galenus.

A P O T E L. XXXVII.

In lacu, mari ué, aut fluuio, si quis se somniet urinare, malum est. Exuberantia nanque humoris indicatur. Tenuis uictus, atque laboribus exercitatus huic utilis est.

lis est. Quod si hoc accadat febrienti, bonum est: extinguitur enim ab humore calor.

C A E S A R.

H O C quoque Galenus in Crisibus, ob sudorem præcedere somnia hæc. Id quod Auicenna transtulit in sectionem secundam quarti. Idem Galenus scriptum reliquit, Pugilem, qui in sanguinis folio sedere sese somniauerat, sanguinis redundantia laborasse. Alium distentum semine genitæ ueneris nocturnis affectum ludibrijs. Ita in quarto Letalium contagiorum, Nicippus febricitans uenere per somnia exercebat, atque ita conualuit.

Dixit ἀντωνυμασικῶς, τῇ δαίτη, pro tenui uictu. Ductum enim est ab eo, quod spiritus tantum alimento quis contensus est. ἀέρ nanque spirare est: δαίτη, perspiratio: sicut αἶμα, æuum, tractus scilicet temporis, quem spirando transmittimus: & αἶμα, quem spiraremus. Talis uictus ratio pertenuis in principio acutissimorum morborum obseruatur, quo tempore nihil damus.

A P O T E L. XXXVII.

Eorum, quæ ad sese, suamque naturam pertinent, si cui quid in somnis uideatur eius esse modi, uti neque maius, neque minus sit: bonæ ualitudinis monstratio est.

C A E S A R.

H A E C est alia pars commentarij à priuata natura sumpta somniantis: quæ plenissima est apud Hippocratem: nos quam purissimè ut transferremus, curauimus, secuti phrasin Thucydide, Demosthenis, Plauti, Ciceronis, sicui ea nota sit. Habet autem rationem, à quantitate, sicuti superiora, à motibus, à qualitatibus, à situ. Intellexit somniantem sui quipiam uidere, non alieni, ut ei portenderetur pro re propria.

A P O T E L. XXXIX.

Candida ueste, pulchrisque indutus calciamentis, bene sen

ne sentire debet de sua sanitate.

CAESAR.

HIPPOCRATES, qui bonus esset philosophus, per aliud etiamnum prædicamentum ducit nos, quod appellant, habere. Colligitur autem hinc proportio uestis ad illustrem, de qua supra diximus, siderum naturam. Ambitus enim corporis bene habet. Est autem pars hæc superioris apotelesmatis: in quo omne genus rerum, quæ ad quempiam pertinerent, continebatur. Ita partitur nunc, ut declaret ea, quæ extrâ sunt; in sequenti autem, quæ intus.

APOTELE. XL.

Membrorum modus alius, atque à natura constitutus, nihil boni pollicetur. Peius uero est, si minore sit quantitate, quàm si maiore. Vicius in altero euentu augendus, in altero minuendus erit.

CAESAR.

CONIECTORES aliter interpretantur: ueluti Domitiani gibbum, Neruæ auream successionem. Caput magnū, principis incrementum. Quoniam caput relatiuè quoque dicitur, alicuius caput, sicut princeps, alicuius princeps: & caput, princeps dicitur, quemadmodum seruus, pedes. Ventrē obesum, paupertatem: iners enim membrum esse uidetur, & auarum, aliorum operas in sua omnes absumentes commoda. Sic Cæsaris nomen si quis somniet, dempta prima littera, pronuntiatur, isque Cæsar appelletur: intra centesimum diem obiturum obnunciabant: eumque diuinis æternæ famæ titulis perpetuò uicturum: propterea quod, quæ littera adempta esset, centenarium numerum notaret: eum numerum uiuendo item absumptum iri: quod reliquum esset, manere. Aesar uero Thusca lingua prisca deum significari. Sanè etiam Græcus sermo non abhorret. *Æσας* enim fatum significat. Est autem fatum ius diuinæ potestatis.

Caluus dimisit illud totū, peius uerò, si minus sit. Nempe à priuatione ad habitum difficilior naturæ opera est.

APOTEL. XLI.

Atræ species ad ægritudinem præmonstrandam propensiores, maius discrimen obnunciant. Mollibus ergo humidisq; bona ualetudo constituenda erit.

CAESAR.

ATRAE bilis naturam ueteres adeò ueriti sunt, ut Gale nus integrum condiderit commentarium. In tertio De locis male affectis, eius species persequitur, item in libro De bonis succis, in secundo De temperaturis, in sexto De morbis & eorum causis, ostendit fieri ex sanguinis adustione. Quare hic prudenter mollibus, & humidis sanitas obseruatur.

APOTEL. XLII.

Omnia item noua, significant mutationem.

CAESAR.

UT SI Rex, priuatus fiat: aut priuatus, Rex: quod de Smerdi Cambyses, Astyages de filia, item alia alij somnias runt. Circunfertur & suum Ecubæ somnium. Quæ omnia non ad illorum corpora, sed ad uim, euentumq; fortunæ relata sunt. Matrem meam postridie, quam me edidisset, sæpenumero prædicantem audiui, uidisse per quietem lintea uniuersa, quibus in arce, in qua natus essem, uterentur, igni correpta conflagrasse; inde flammam exisse ingentem cum ingenti sonitu, summasq; Alpes Noricas, Rheticas, Ligusticas peruasisse, atque sine noxa perlustrasse; niuem collis quatum, nouam montium faciem ostendisse. Quibus uisionibus coniectrices aniculas, quibus tota illa scatet regio, multa ridicula, quæ non ponam, pronunciaffe. At illa per iocum aliquando, aliquando per contumeliam me Paridem appellare solita fuit, donec excisis rebus nostris somnij-uis prodita est.

APOT

APOTEL. XLIII.

Vita functos nitidos, atq; candidatos si quis uiderit, bonæ ualeitudinis argumentū habet. Si quid puri ab his acceperis, ratio par. Sanū nanq; corpus dicitur, sanaq; alimenta. A mortuis enim alimenta, & augmenta, ac semina ipsa suppeditantur: quæ, si pura in corpus subeunt, edicunt sanitatem.

CAESAR.

NUNC aggreditur ea, quæ extra somniantem sunt: aitq; nos ali opera mortuorum: credo, quia non potest alere nos quicquam uiuens. Transformari nanque necesse est. Nihil enim duabus formis informatur. At quod alit nos, nostri pars fit, aut iam est. Ergo sub totius forma existit. Quod autem uiuit, suum sibi est. Itaque in octauo Pædiæ, uult terræ mandari corpus suum Cyrus: ut ibi mutato eo, aliquid capiant mortales emolumentum. Tangit tria: primum, semina, id est, principia; secundum, alimenta, cum sunt mutata: tertium augmenta, quæ alimentum consequuntur. Neq; enim sine augmento corpus ali potest. Nam quod reponitur, in loco est consumptæ partis. auget igitur. Restituit enim pristinam quantitatem, partem eam, quæ fuerat diminuta. Est ergo nutritio, partis auctio: quia amissi est repositio. Quis autem inter has sit famularus, unde proficiatur, quem in finem tendat, quandiu duret, in septem libris De semine genitālī satis à nobis dictum est.

Tetigit & id, quod retulit Galenus, sanū corpus, sana alimenta æqui uocē: ita & sanum signum.

APOTEL. XLIIII.

Eosdem contrario habitu si uideas, nudos, aut attritos, aut sordidatos, aut aliquid capientes, aut auferentes ex ædibus: minimè commodum est. Instat enim mor-

bus. Ea nanque, quibus alitur corpus, noxia sunt. De cursu, ac deambulatu curantur, molliq; cibo, leui, postquam uomuerint.

C A E S A R.

H O C quoq; Galenus sensit, sordidos intus, foetidosq; humores contineri; contra q̄s euenire, qui inter flores, amœnāq; loca sibi q̄psi uersari uideantur.

Festiuum est, quod dicit, incommodo esse, si quid ex ædibus auferatur. Sed ex œconomia ductum illud. Nam si mortuos agris comparat ac seminibus, unde alimenta suppeditentur nobis, idem intelligamus, quod nos monet L. Columella, Non esse optimum, optime colere, ne sumptibus deuorentur fructus. Neq; enim plus petere debet ager, quam deridet ut plus det, satis petere.

Dicit, πρὸς τὴν φύσιν, more suo; id est, paulatim. Nos explicuimus per, modicum. Sic in primo Letalium contagiorum, in tertia catastasi, δὲ ἐν πρὸς τὴν φύσιν, ἀπὸ τῶν σωματικῶν, ὁ Βίαια.

A P O T E L. X L V.

Cum monstrosa corpora in somnis ostendunt sese, atque hominem territant: tum conijcimus, insuetis cibis, atque exuberantibus grauatos esse nos. Bilem quoque, & morbum periculosum minitantur. Itaque uomitum prouocato: quinque dies cibarijs leuibus, minutis acquiescat. Abstinebit ab acribus, siccis, calidis. Laboribus uero, quos natura exigit, præterquam deambulatione, quæ post prandium præscripta sit, exercebitur. Balneis, calidisq; perfusionibus, & animi æquabilitate fruetur. Ab Sole, & frigore cauebit sibi.

Cæsar.

CAESAR.

A' MORTUIS ad monstra hîc transit: attribuitq; monstris id, quod nos mortuis: bilem scilicet atram indicari. Itaq; elephâticis somnia circa mortuos crebra uidentur. Monstrorû autem corpora humorum potius perturbationem. Sed utrunque ab utrisque potest colligi.

Dixit *ἐκλόμορφα*; hoc est, diuersis induta formis, quàm quæ uulgo uidentur.

Nondum in mentem uenit, an *χολόρας* nomine alibi usus sit. Difficile est enim omnia legisse: perdifficile meminisse: temerarium negare. Itaq; si hîc tantum *χολόρας* uocem poni uideamus, fortassè morbum certum quis seorsum putet indicari. Vt quisq; uolet, capiat. Nam uero similis uidetur esse, atram bilem accipi. Maxime enim conuenit cum monstris, & rebus atris: illis. pessimus enim omnium humorum est. Nanque non obedit naturæ: aduersarius lucis: hostis qualitatibus uitæ: non audit remedia: non paret consilijs. Ac bilis quidem flaua impetum suum habet: hæc autē contumaciam. Illa sanè leuissima sanguinis pars est, ut in secundo De potestatibus naturalibus scriptum est: Dum coquitur sanguis, neq; dum quicquam excretum est, calidissimus ille est simul, & dulcissimus: atque melli comparatur: postea excernitur bilis flaua, qua erat calidissimus. Quo in loco quidam imprudentiores putarunt bilem flauam, dulcem à Galeno existimari. Et Drusianus monachus doctissimus frustra scripsit, sanguinem non esse quartum humorem, sed è tribus unum constitutum. Cæterum cholera nomine non solum Paulus in tertio, sed etiam Celsus in quarto, morbum comprehendit, acutum quidem cum uomitu, ac deiectione simul, atque doloribus. Eius meminit sub eodem nomine in libro tertio interpretes Auicennæ. Galenus in secundo De alimentis: Pepo, inquit, morbum, qui dicitur cholera, efficere consueuit. Plinio quoque nota uox est: & legitur in prologo libri uicesimertij, & capite sexto eiusdem, & libro uicesimoquarto, capite tertio decimo: quibus locis cholericum morbum à cæliaco

liaco distinxit: cum dixit dysentericis, celiacis, cholericis. Quare non rectè faciunt, qui celiacos uocant eos, quos recentiores cholerica passione laborantes nominant; quanquam celiacorum nomen aliter ab alijs acceptum est. Nam apud Celsum in quarto, ij sunt, quos uentriculi dolor urget; neque quicquam demittitur, ac ne flatus quidē. Ad eiusmodi morbum parati sunt ij, quos appellat Paulus dyscelios; quorum scilicet aluus difficilior est, ut iam desinant recentiores dysenteriam difficultatem intestinorum nimis imprudēter appellare. Neque enim particula, *δύς*, hīc significat difficultatem, sed detrimentum, ut dysparis. Sed isti multa ineptè: sicut & cum, ileon, uolūolum appellant; at, ile, Latinum iam est; item, iliacus. Voluolus autem morbus non potest dici; cuius neque materia, neque effectio uoluitur. Paulus autem & Galenus celiacos dixere, quibus aluus diffluit. Plinius quoque non semel ex Dioscoride, alio'ue unde Dioscorides accepisset; eosdemq; Latina uoce Aluinos dicit libro x x i. & uicesimo quinto. Non est igitur inutilis nominum contemplatio; ut Galenus satagit, sed necessaria. Sunt enim nomina rerum notæ; quibus corruptis, intellectionem quoq; uitiari necesse est. Vel hoc celiacorum nomē quot nobis barbarum dedit; cum non solum diuersa significet diuersis autoribus, sed etiam contraria ijsdem, medicis scilicet. Et Galenus ipse, qui nomina negligi iubet, quā laborat, morbus ne, an causa debeat appellari id, quod naturæ officijs est impedimento. Sed de his suo loco. Hippocrates in libro De morbis interioribus uidetur cholicam affectionem inter eos agnouisse, quos uocat tiphos. Nanque & à cholera ueniunt, & uomunt, & aluo cita sunt. Caluus stuporem minime commoda interpretatione uocat. Nā alia uocali scribitur typhos, quod significet stuporem, ut apud Aristotelem in tertia particula propositarum questionum. Quanquam Plutarchus in libro De Socratis demonio, *τύφος* intelligit uecordiam, & insolentiam. Sed hoc Hippocratico tiphō laborantes, neque stupidi sunt, & ualde sentiunt, & uehementer commouentur. Quæ fuit
caussa,

caussa, ut cum iliâcîs morbis coniungeret Hippocrates. Vtramuis igitur bilem intelligas; sanè discriminosa est. Flaua effrenis, uti dicebamus, neq; naturæ imperio obsequens, sua leuitate fertur: itaq; expelli non potest, nihilo melius, quàm pluma, quæ iactus impetum nequit capere. Eodem quoq; modo sputum, quod leue est, non occurrit pulmonis atque aëris facultatibus, ad expellendum. Quidam eueriores literarum negarunt æquandum esse humorem subtilior rem in morbis antè, q̃ educatur: sed illico educendum esse: propterea quod, inquiunt, per se aptus sit ad expulsionem. Neq; sputi comparisonem bonam esse. Sputum nanq; aëris obiectu expelli. At humorem tenuem medicamēto attrahi, sicut à magnete ferrum: quod quāto leuius sit, tanto facilius trahi possit. ceterum opus illud non sola fit attractione; quin expulsionē oportet perfici. Si enim expultricis non indigeret, quomodo de uētriculo, aut intestinis deſceretur humor attractus eò per medicinam? Nunquàm enim moueretur. Quare de corpore iam ualde affecto clysteres non exeunt: propterea quod expultrix iam mortua est. Si igitur expultrice opus est, iam argumentum de sputo bonum est. Atqui opus est. Nam de intestinis humor eò delatus si detrahi debet à medicamento, ergo præbuit medicamentum, humor sequetur. Aut igitur ab se ipso mouebitur medicamētum, aut ab alio, non à se: ergo ab expultrice. Igitur si tam grandem massam de intestinis expellit expultrix intestinorū: multo commodius expellere debuit eius portiones particulatim in uenis aut membrîs fusas. Dicent irritatam naturā. Nugæ. eadem natura, idem morbus, eadem potestas. Præterea, plus nocet humor in uenis, quàm in intestinis. Ibi enim fit morbus. debuit igitur plus irritari. Ad hæc in uenis expultrix nobilior est, nobiliorem habet finem, nobilîus instrumentū, nobilîus officium. Nam & purgat sanguinem: & uena nobilior est intestino: & aut ipsa separat, aut segregatricem secum habet, siue comitem, siue administram. In intestinis nulla fit ab eorum expultrice separatio, sed deuoluto succo, ue-

nae quod sibi proprium esse debet, fugunt. Quare si in uenis expultrix particulas non expellebat, fuit in causa leuitas & tenuitas, quam nequibat apprehendere. Vbi autem collectae sunt in massam, potuit eam exigere. Est etiam experientia. Nam in phrenesi si exhibeas medicamen, minus ac paucius deſcunt, quam si sano praebeas. At phrenetico humor tenuior ac subtilior est. Præterea pituitosus per catapotia celerius leuabitur grauedine, quam phreneticus agitatione. Est exemplum in natura. Ferri scobes uento agitata non trahetur à magnete: grandiores grumi uento minus obnoxij trahentur. Sic Austro spirante non potest cogi in unum nubes ab Sole attrahente: ubi flare desijt, Sol tum cogit sparsas partes: quæ densatae ubi sunt, & trahi & impelli queunt. Sic in cursu non sudamus. Vapor enim funditur, post cursum attrahitur ad cutem uapor densatus in humorem, & ab expultrice pellitur. In febribus quoque quantumlibet caloris foris apponas, non sudant. dico febres furiosas. At ubi uapor ille densiusculus factus est, sudant. Quare non negamus attractionem faciliorem esse rerum leuiorum: sed impediri propter motum: non posse autem sisti, nisi emendata leuitate & tenuitate. Omnino autem nugas agunt, cum in operibus medicamentorum tollunt effectiorem expultricis: quippe non solum humorum, sed etiam medicamentum expellendum est. Quærit Alexander isicum, farciminis id genus est, Athenæus isicia uocat, nos etiamnum falsicia, corrupta uoce, nam fuit salificia: quærit inquam quam ob causam ægrè coquatur. Ob spiritum, inquit, interceptum inter carniū frustilla leue est, neque occurrit calori: quare etiam in aqua demissum fluitat. Eadem est ratio humoris leuioris.

ἡ ἀθυμία modestius animi equabilitatem interpretati sumus. Est enim uitiū ἡ ἀθυμία, at æquanimitas uirtus, ut ὠδὴν δα.

A P O T E L. XLVI.

Inter dormiendum qui putat sese aut cibum, aut potum solitū capere: is intelliget, & minus capere nutriti-
menti,

menti, quam par sit: & animo esse tristiore.

CAESAR.

POST QUAM de membris differuit, de eorum materia statuit, de cibo, & potu: ac primum quidem in communi. Hæret autem sententia superioribus. Nam si membrum uidebatur minus, egebat nutrimento. Igitur nutrimentum quoque minus uidebatur per relationem: quoniam comedimus. Addit etiam ἀδυναμία: quoniam in paucis humido pauci spiritus: in paucis spiritibus animus demissior. Non quod inde animus deinde deat: sed quod ab ipso illi: quibus utendis, naturæ officio fungatur. Ut hoc quoque modo illud item Herodoti audiamus, in Thalia, Augescente corpore mens quoque simul capit incrementum: atque eo senescente, consenescit.

APOTEL. XLVII.

Carnes ualidissimæ maximum excessum significāt: tenerrimæ minorem. earum nanque ratio par, & cū eduntur, & cū uidentur. Oportet his demere de cibo: propterea quod plurimi alimenti argumentum est.

CAESAR.

NUNC particulatim à carnibus. Edere, defectum alimenti indicat. Apponit causam. Cogitatio ducit naturæ fine. ubi igitur egemus cibi, eius imago in appetitu excitatur. Eadem igitur ratio, & edendi, & somniandi. Ergo sibi contradicit. Nam plus edere, plus egere significat. Igitur & fortius edere, fortius indigere. Galenus quoque nobis astipulatur: qui à siticuloso ægro, scripsit, potationes somniari. Illud quoque laxius locutus est. Nam aut dicendum fuit, minimum, non minorem, ut responderet alteri superlatiuo, tenerrimæ: aut teneriores, ut responderet comparatiuo, minorem.

APOTEL. XLVIII.

Panes quoque caseo confecti, somnij eiusdem nacti sunt finem.

CAESAR.

NIHIL enim aut parum differt cuiusmodi cibi sint: nisi quantum pertinent ad maiorem, minoremque uim. Dicuntur etiam nunc Gallicè, caseomazi.

APOTEL. XLIX.

Aquæ puræ potus, bonus est: cætera omnia noxia.

CAESAR.

SI à defectu somnium hoc metiamur, sicuti superiora: indigētia hinc significabitur: quare uidebitur indicari defectus humoris puri, qui corpori debeatur: itaque bonum somnium non erit. Idcirco à coniunctione rei puræ cum corpore sumendum erit argumentum, ut Hippocrati subueniamus: atque ita humoris significabit puritatem, sicuti supra de siderum nitore cum statuebat. Verum alia uidetur esse ratio. Namque ibi cœlitus, & ab aëre demittebantur affectiones: ab elementis autem non item. Dicemus tamen elementorum cum sideribus coniunctionem ita intelligi oportere.

Sed quamobrem dixit, cætera omnia noxia? an propter ea quod aquæ tantum interest potari, olei non item, non acetum, non aliorum? Est enim appetitus frigidi & humidus, sitis. Mirum uero quare uinum aut oblitus sit, aut reiecerit tantum noxium: nisi putemus uini significatione sanguinis exuberantiam aut defectum indicari: quorum utrumque noxium est. Cæterum si cum uino aqua comparetur, & utrumque ad uitæ nostræ constitutionem conferatur: aquæ natura minus commodior sit, uinum autem proximum.

APOTEL. L.

Quibus assueuimus, ea per quietem intuendo, animæ declaramus cupiditatem.

CAESAR.

HAERENT enim diurnæ species rerum appetitarum: quas res anima ubi non est consequuta, adhuc appetere par est: itaque in ipsis etiamnum uersatur.

APOT

A P O T E L. L I.

Cum quid præ terrore fugitamus, præ siccitate sanguis in nobis tumultuatur. Refrigerare igitur, atq; humectare corpus conuenit.

C A E S A R.

I T A ueteres existimarunt, pauorem euenire aut à frigiditate sanguinis, aut à crassitie propter motus tarditatem: quorum utrunque tetigit diuinus Poëta:

Frigidus Arcadibus coit in præcordia sanguis. Notauit enim & frigiditatem & coitionem. Aut à paucitate. Neq; enim laxari à natura ea, quorum ipsa indigens sit: sed parcere, ac metuere ne amittat, quod modicè possideat. Quæ habeatur ratio, quare Galli sint animosiores, item Sarmatæ, Britannii, Germani, Scythæ, Thraces, Syris, Arabiis, Indis, Mauris, ut aiunt. Verum ut ita res sit, at eam paucis nimis colligunt argumentis, ac magnam sanè. Illorum namq; sanguis, ut multus, ita dilutus: quippe post primæ impetum æstuationis deferuescit: his contra accenditur. Pertinacissimè uerò mortem obeunt in pugna Mauri atque Indi, etiam in tela ruunt, tum lanceis transfixi prorsus sese induunt, ut ~~hostem~~ ~~committunt~~ contingant. Sic ab animantibus quoq;, quas illæ generant regiones, argumētum licet sumere, Leonibus, elephantis, uiperis, tigribus, rhinocerotibus: qui pro ludo & pila ursos habent, quod est tamen nostratium omniū fortissimum animal. A plantis quoq; idem dicas.

A P O T E L. L I I.

Cum pugnam committere, atque extimulari, aut uinciri uidemur: tunc aliquid superflui corporis functionibus aduersari deprehendimus. Tollit id uomitus, deambulatio, leuioribus cibis attenuatio: quos post uomitum, dies quinque continuabis.

C A E S A R.

I D E M Galenus : Cum grauari uidemur , nec moueri
quimus, & onere grauati premimur . Quod & doctissimus
Poëta in quadam ostendit comparatione:

– In medijs conatibus ægri

Succidimus; non lingua ualet, non corpore notæ

Sufficiunt uires, nec mens, nec uerba sequuntur.

Morbi genus est, aut potius affectionis ephialtes, quasi
assultorem dicās; multarum ea pestis index ac præuia ægrit-
tudinum, haud dissimilis huius affectionis, quæ describitur
hic: à pondere & pressione dictum putant. Itaq; giganti co-
gnominem uolueret; cuius meminit Plutarchus in libro De
fuga. Paulus mauult ab eo, quod resiliant qui premuntur.
Latini ab oppressione, cōcinna uoce incubum; sicut à suffo-
catione Græci πνιγάμονα; à Themisone πνιγάλιον. nam &
Dioscorides uocat πνιγμοῖς ὀνυπνίον.

A P O T E L. L I I I.

*Siquis errabundus, siquis cliuos superare sibi ui-
deatur: difficile quippiam naturæ suæ incommodare
intelligat.*

C A E S A R.

H V M O R E S enim rectà, in suum quisq; locum, uti
debent, non transmittuntur, si uagari somniet. In nixu quo-
que, atq; ascensione uiolentus est motus. Cum enim duo in
nobis sint motus, elementaris, & uoluntarius; elementarius
perpetuus est, & aggrauat interdum uoluntarium. Semper
enim deorsum trahit. Cum igitur scandimus, curuato crure
tibiā perpendiculo statuimus, super quam trahamus cor-
pus totum directò staturum. Est ergo uiolentus simplici na-
turæ motus. Hinc colligimus falsum esse, quod aiunt, de-
scensionis motum de cliuo multo esse difficiliorem. Alterū
enim in eo cras semper directum est, in quod innitaris; in
ascensu curuum utrunque.

A P O T

*Fluuiorum transitus, hostes armati, monstra dif-
formia, aut morbi, aut furoris præsagia sunt. Qui
his sunt præuenti, iuuantur uictu tenui, leui, delicato, uo-
mitu non uiolento, ad dies quinque: laborum frequentia,
quos exigit natura: uerum his post cibum abstinebit.
Balneum, & desidiam, & solem, & frigus cauere
debet. Horum enim usu, quemadmodum dictum est,
bona poterit ualetudo comparari.*

C A E S A R.

PER trāsitum fluuiorum, morbum notat. Humor enim
putredinis parens, putredo morbi.

Distinxit furorem laxè nimis, à morbo. At equidem ar-
bitror maximum morborum furorem esse. Verum ueteres,
animi uitium putarunt furorem; morbum corporis. hoc re-
cte, illud non rectè. Nam si animus furit, ergo interit. M.
Tullius in libro primo De diuinatione latius disserit: ac
tandem definit sic, Cum à corpore animus abstractus diuino
instinctu cōcitatur. Sed hic furor ille ab insania distinguitur,
ut ait in tertia Thusculana: quare æquiuocè utitur hoc no-
mine idem. Nam in septima actione in Verrem, furorem
sceleris & audaciæ comitem uocat. Sic Clodium, sic Catili-
nam furere dicit.

Difformia, non deformia, ut ait Caluus, ἀλόμορφα, non
κακόμορφα, aut ἄμορφα, aut δύσμορφα, scilicet aliena specie,
ut si leoni formosissimum uirginis os imponatur.

Caluus idem, calda lauato, desideto. Sed præterquam
quod codex repugnat Græcus, subest ratio quoque, ne sibi,
ne ue naturæ contradicat. Exercitium bonum, moderatum
tamen: item uomitus. Ergo desidia, & inimica, & noxia.

Male uidetur ignem, cum aqua coniunxisse. Aqua à flu-
uijs,

uijs, ignis ab hostium capitur impetu. Quare inde morbos à putredine, hinc furorem ab inflammatione minitatur. Ex monstrorum confusis formis dissidium naturæ interioris proponit. Sic lis & amicitia ab Empedocle & Democrito et Epicuro pro principijs statuuntur. Sic Orpheus è Chao Amorem primum emeruisse, atq; Phanetem appellatum.

E P I L O G V S.

*Hæc est uiuendi ratio, quæ pro humano captu,
Dijs bene iuuantibus, à nobis est instituta.*

C A E S A R.

B O N V S medicus, insignis orator, pius uir. Nam & docuit nos uitæ rationes, & lactea demullit oratione, & se mentem fecit in procemio, eorum, quæ excoluit in tractu commentarij, quæq; colligit in epiloگو. Sed quàm modicæ, quàm prudenter pro humano, inquit, captu. Nam ei qui contradicat, meminerit hominem esse se. Hæc fuit lex Pyrrhonis, & Aristonis, hæc nouorum academicorum; illi, nihil profiteri, hi nihil certi statuere. Addit & pietatem, Deorum opem; sine qua nulli sanè sumus. Commendat opus à præstantia, cum dixit, rationem. A modestia animi, cum dixit, se hominem. A perfectione, cum dixit, non sine Deo optimo maximo sese hæc perfecisse; ipse sanè diuinus uir, qui & nos doceat, & quo pacto, quibus opibus fretus docet, hoc quoque doceat: ut non immerito maximus uir Galenus, nunc admirabilem, nunc principem scientiarum, nunc bonum, nunc benignum, nunc ueritatis parentem uocet: in primo autem libro De officijs membrorum, eius sententias etiam Dei uocibus compararit.

F I N I S.

GRATIAS TIBI DO-

MINE IESV.